

# GUTI ME DIRO BIACARA PI OPUR ATITINO



## Buk Pwonyere

GIZ Promoting Rural Development Programme (PRUDEV)



Acalo obedo biacara me tederu, GIZ cuburu te gamente me Germany icobo neno ame gin  
ojengere iye inote pi kelo dongo alobo irwom me wilobo.

**Published by:**

Deutsche Gesellschaft für  
Internationale Zusammenarbeit (GIZ) GmbH

**Registered offices** Bonn and Eschborn, Germany

Friedrich-Ebert-Allee 36 + 40  
53113 Bonn, Germany  
T +49 228 44 60 - 0  
F +49 228 44 60 - 17 66

Dag-Hammarskjöld-Weg 1 – 5  
65760 Eschborn, Germany  
T +49 61 96 79 - 0  
F +49 61 96 79 - 11 15

E [info@giz.de](mailto:info@giz.de)  
I [www.giz.de](http://www.giz.de)

GIZ Country Office, Uganda  
Plot 23 Nakasero Road,  
P.O Box 10346, Kampala Uganda,  
Telephone: +256-414-303901  
Email: [giz-Uganda@giz.de](mailto:giz-Uganda@giz.de)

Supporting Consultant  
Kansiime Monica  
[kansmona3@gmail.com](mailto:kansmona3@gmail.com)

Lead Design Consultant  
Maonzi Creatives Limited, Uganda

Photo credits:  
Lugugo Joshua, Illustrator

Kampala, June 2020.

Buk me pwonyere man iryonget me German International Cooperation i Uganda, GIZ, ibeo ite puruguram me meddo malu rwom me dongo itedero kun kubere kede Facilitation for Innovations and Sustainable Productivity (FINASP Uganda) aye oyubo.

Iyi buk pwonyere man tye ngec ame iryonget me GIZ obedo rayo ite purujek gi apapat calo purujek me lweny ikom kec kede dongo cuke me gin apura i South Sudan. Iyi buk man dang omedo iye diro ame purugaram me FINASP onwongo ikare me ticgi ikare okato anged.

Miti apire tek me yubo buk man aye obedo me miyo diro me pwonyo opwonye me kin callu amako timo biacara me wek gin okony opur atitino wadgi ikin callu kede ngec amako biacara. Ape otero kare, buk man obino roto kop iyie ote medo jammi apirgi tek iye, onyo kwanyo en apire mom tek alubere kit oketto kede itic me acel.

**Buk man ka aroto yore pe myero oket rwomere malu alubere inyig kop adongo-dongo. Team ame aroto yore myero ye ni leb ame atic kede iyie pe myero bed atek ateka ame niang iye tek ento myero bed ayot ame romo miyo jo apwonyere nge kite me keto itic ngec kede diro me catowil kede timo biacara.**

Wan opwo omi lim ame ojalo cawa gi kede odiro ame okonyo idongo kede coyo buk pwonyere man. Pwoc apat iyore amwonya woto bot Patrick Engoru, Nathan Emuron, kede Geoffrey Obaa me GIZ Promoting Rural Development (PRUDEV) Programme kede Hudson Ogwal me FINASP.

# WI KOP ADONGO-DONGO

NAMBA I PAPARA KEDE ANYUTERE KEDE ANYUTERE	5
AMAKO BUK PWONYERE MAN	6
YIKO PURUGRAM ME PWONYERE	7
YORE ME PWONY KEDE YIKERE ME PWONY	8
<b>DUL ME 1: GOYO PULAN ME MIYO BIACARA ME PUR WOT APWOT</b>	<b>10</b>
Pwony me 1: Guti me niang pur acalo biacara	12
Pwony me 2: Niang catowil kede biacara me pur okubere	17
Pwony me 3: Niango biacara me pur kede cako catowil akelo magoba	22
Pwony me 4: Goyo myeka me biacara me pur	27
Pwony me 5: Yero biacara akelo magoba	34
Pwony me 6: Pimo peki atye ibiacara me pur	37
Pwony me 7: Dongo pulan me biacara me pur	41
<b>DUL ME 2: GWOKKO REKOD ME BIACARA</b>	<b>46</b>
Pwony me 1: Niang ber a gwokko rekod	48
Pwony me 2: Rekod ibiacara apir gi tego	53
<b>DUL ME 3: YOORE ME TIC KEDE CENTE</b>	<b>58</b>
Pwony me 1: Gwoko lim paco	60
Pwony me 2: Myeka lim pi paco	64
Pwony me 3: Gwoko lim kede nyayo-lim	67
Pwony me 4: Kwen ame cente me culu biacara me pur nwongere iye	73
<b>DUL ME 4: CUKE KEDE MOYO CUK</b>	<b>78</b>
Pwony me 1: Nyutu ngo obedo cuke kede moyo cuk	82
Pwony me 2: Ngeyo kwene amyero icat iye kede cobo miti a kastoma	84
Pwony me 3: Nwongo cuk kun otio kede kop 5 Ps	94
Pwony me 4: Cato wil iguruk ony ngat acel acel	99
<b>ANNEXES: 1-19</b>	<b>104-128</b>

# NAMBA I PAPARA KEDE ANYUTERE

Annex 1:	Alokaloka atye i kite me pur i Uganda	104
Annex 2:	Bedo kede wic me biacara	105
Annex 3:	Kit ame otim biacara atye atimo aber bedo kede	106
Annex 4:	Citep me tiyo biacara me pur	107
Annex 5:	Jami atima i pur kede biacara me pur	108
Annex 6 :	Kite me pimo lobo	109
Annex 7a:	Apor me goyo myeka pi biacara	110
Annex 7b:	Apor ikom myeka i biacara a Joseph	111
Annex 8:	Buk me pulan pi biacara me pur	112
Annex 9:	Gwoko rekod	116
Annex 10:	Mr. kede Mrs. Okwang ngiyo magoba me biacara me pur-gi	117
Annex 11:	Buk rekod pi biacara me pur	118
Annex 12:	Apor me kalenda me kare kare pi Amaido	120
Annex 13:	Kit ame Okello Abalo obedo kede	121
Annex 14 :	Apor me myeka lim pi paco	122
Annex 15:	Yore me gamo lim-adena	123
Annex 16:	Yore apapat me cato jami apura	125
Annex 17:	Kit ame dwong ajami apura gudu kede cuk, wil kede wel jami	126
Annex 18:	Jami 5 aber anena icato wil	127
Annex 19:	Miriam cato kicere oyotoyot	128

## ANYUT



Jengere imiti Pwony



Nyutu tuku/Ceko



Cawa me pwonyere



Jami tic amite



Leyo lok igurupe atitino



Tuku pi jo ducu



Cawa



Leyo tam igurup



Tic angat acel acel

# AMAKO BUK PWONYERE MAN

Buk pwonyere man pwonyo pwony ame oketo itic kede nywako kite me tiyo. Oyiko ame mio otinkwan bedo ipwonyere ducu. Buk titto tic kede diro me pwonyo jo adongo ibeo itic apapat ame mio opwonye konyo opur ipwonyere ibeo iketo itic pwonyere. Opur myero ti kede modules ibeo ikony ibot apwony, dok jonni ducu myero ngat acel acel nwong ngec ibot awotere.

Buk man oyiko angwen:

1. Goyo pulan me dongo biacara me pur,
2. Rikod kede gwoko rikod,
3. Cuke kede moyo cuk,
4. Guti tic ilim.

I module acel acel yie opokere ipwony apapat. Man lubere iborere kede kare amyero ter pi tyeko.

- Ikin pwony, tye tic me atia apol ame apwony romo tic kede me miyo otinokwan ngec.
- Ikin tic me atia, tye yore apol me pwony ame otio kede. Man tye iye leyo tam, leyo tam igurup, icawa me pwonyere, citori, atel wii tuku kede tic acalo dano acel. Gin acel acel tye otato tere iyore ame otio kede me pwony.
- Ibuk coc me pwonyere ikin tic me atia medo ngec okene amyero oti kede icawa me tic pi gamo apeny onyo ngec ape otuno aber.
- Iyi agiki me pwony ducu, tye kwena apire tek amyero oti kede me koko karacel kwena me pwony adongo medo inyutu pwony okene abino anyim.

Opwonye myero mi pwonyere bed acal igin atye atimere ikwo adano ibeo imiyo apor ikom gi/ngec ame otinkwan oboe iye ikare okato. Me miyo pwonyere timere, namba apol me papara oyiko iyi agiki me buk pwonyere me konyo opur tic kede ikare me pwonyere kede iyonge pwonyere. Nen papara oryeo ipage me ngeyo kwen iromo nwongo gi iye.

# YIKO PURUGRAM ME PWONYERE

Pwonyere bino mitto nine kede cawa. Pwony okene obino timo nino acel icel eka mogo obino timo tyen apol. Ber me bedo ngat aye alokaloka kede opur pi miyo gi pe bedo nino acel alutu ika pwonyere, pien nwongo otye gini kede tic okene i farm gi. Ka icako pwonyere, mi opur nge ni pwonyere amede ame myero gin omar bedo ikilaci me limo pwonyere. Go purugaram kedgi alubere icawa gi. Ti kede meya ogo piny kan me yiko purugaram kit apwonyere myero wot kede alubere inamba me cawae ame tic acel acel atero/pwony.

WIE ADONGO	WEL CAWA	WI PWONY ADONGO-DONGO	TIC ATIA IWEL CAWA DUCU
<b>DUL ME 1:</b> <b>Goyo Pulan me Miyo Biacara me Pur Wot Apwot</b>	<b>CAWA 15.5</b>	1. Guti me ngeyo ngo obedo pur acalo biacara	Cawa 1.5
		2. Ngeyo ngo obedo cako biacara kede biacara me pur	Cawa 1.5
		3. Ngeyo biacara me pur kede magoba ibiacara icako	Cawa 1
		4. Yiko/dongo myeka me cako biacara	Cawa 4
		5. Yero biacara ame kelo magoba	Cawa 1.5
		6. Bedo agam me peki angole ibiacara me pur	Cawa 2
		7. Dongo pulan me biacara	Cawa 4
<b>DUL ME 2:</b> <b>Gwokko Rekod me Biacara</b>	<b>CAWA 3.5</b>	1. Ngeyo ber a rikod kede gwoko rikod	Cawa 1
		2. Guti me gwoko rikod pi biacara ducu me pur	Cawa 2.5
<b>DUL ME 3:</b> <b>Yoore me tic kede cente</b>	<b>CAWA 8</b>	1. Tic ilim paco	Cawa 1.5
		2. Goyo myeka ilim me paco	Cawa 2
		3. Kano lim kede ketto ikom jami me cato wil	Cawa 2.5
		4. Kwen acente me culu jami me cako biacara me pur nwongere iye	Cawa 2
<b>DUL ME 4:</b> <b>Cuke Kede Moyo Cuk</b>	<b>CAWA 6.5</b>	1. Nyutu cuke kede moyo cuk	Cawa 1.5
		2. Ngeyo tero jami icuk kede miti a kastoma	Cawa 2
		3. 5Ps i moyo cuk	Cawa 1
		4. Moyo cuk igurup	Cawa 2

# YORE ME PWONY KEDE YIKERE ME PWONY

Iyi akina tic acel acel, inwongo yore ame otio kede me pwonyo tye apapat, dong ber me naa iyore magi ducu enamio pwonyi te cobere aber. Yore me pwonyere ducu tye otato iyore yore kan.

## Leyo lok igurupe atitino

1. Wek otin kwan igurup acel adit.
2. Mi gi onge aber ngo amyero gin otim, alubere icitep-icitep atye ibuk pwonyere.
3. Ka rukuca kobi me penyo otino kede apeny, kwany otino mogo me gamo apeny. Pe pore me winyo agam ibot atin acel acel.

## Leyo tam igurup

1. Pok gurup atitino me gurupe ajo 3-5.
2. Mi apeny acil aniangere bot gurup ingo amyero gin otim, alubere icitep-citep atye ibuk pwony.
3. Rot gurup apwod pe ocako gini leyo tam ikin gi. Oniang gini ngo me atima? Jo ducu oniang?
4. Ka gurup tye atic, wowota ikin gi me konyo jo orweny medo inwoyo apeny.

## Ceko

1. Mi otino citori ame tye ipapara. Man dang iromo miyo igurupe ka wel kopi mere pe pol. Iromo dang nyuti gi cale iboti iyi citori ni ka wel kopi pe pol.
2. Kwan citori momot ame ikwano awinyere acil dok alongo ka nwongo gin otino tye awot ineno ipapara atye icinggi. Cukuru cuny jo ape romo kwano me gin ineno cale icawa ame yin itye ikwano.
3. Mi otino cawa me niang ikom citori. Kwan citori dok inwo ka otino okwao ni ikwanni gi.
4. Penyo otino apeny amako citori ame tye oryeo ibuk pwony. Kwany otino apapat me gamo apeny me wek jo apol bed ikare me gin dang nywako agam karacel. Ti kede coc ibuk apwony me neno agam.
5. Cok papara ducu karacel ite medde inwoyo pwonyogo apire tek icitori.

## Nyutu tuku

1. Kwa okwan me jale me tuku.
2. Mi akwan ame ojale kwan gin ame tye ipapara. Iyonge dakika anok, kwa gi me tuku inyim gurup ducu, tuku ame tye icoc atye ibuk pwony.
3. Kwa jo atye aneno tuku me bedo mot kun oneno kit atuku awot kede.
4. Iyonge tuku itum, peny apeny atye ibuk pwony ite miyo otinkwan leyo tam iye ikom tuku man, kun otio kede coc atye ibuk pwonyere pi konyo nyamo tam.

## Cawa me pwonyere


1. Wek otinkwan bed igurup acel adit.
2. Tati gi tere tere tyen kop me tic icoc atye ibuk pwonyere.
3. Ka icawa ame itye itato tere tere, rot tam otino ka ce oniang gini. Cukuru cuny gi me penyo apeny ka pe oniang gini.
4. Iyi agiki, yung bed acek cek ngec apirgi tek iyi pwony man.



## Tic angat acel acel

1. Kwa ngat acel acel me tic apirgi kengi.
2. Migi oniang aber ngo ame imito ni gin otim, alubere icitep-icitep ibuk pwoyere.
3. Apwod pe ocako gini tic, rot ka oniang gini aber. Iniang ngo itimo? Jo ducu oniang?
4. Yeyi otinkwan me wot nwongo kony ibot owote, ento cukuru cuny gi me ngat acel acel tiyo ticere kene. Ka ngat ape ngeo kwan onyo coc aber, yeyi gi me tic karacel kede jo angeo kwan kede coc.
5. Ka ngat acel acel ocako tic, wowota ikin gi pi miyo kony onyo nwoyo apeny bot jo ape oniang ka twere.

## Lub yore me pwoyere pi miyi pwoyere cobere abe



## YUBERE IPWONY

### Apwod pe icako pwoy, ber me

- Beo iyi buk pwoyere ducu me miyi ngeyo ngo iwot timo kede ngo atye ibuk pwoy.
  - Apwod pe icako pwoy, beba iwi pwoyogo adongo-dongo atye iyi buk me poyo wi igin iwot pwoy.
  - Nwo kwano gin apwoy ojengere iye, coc ibuk apwoy kede yungu pwoy apire tek me miyi niang aber koro ryeko ame imiyo bot opur.
  - Yub jammi ame iwot tic kede ipwoyere inino nono. Man tye iye kopi me cal onyo coc atye inamba me papara.
- Nwong jo ame ipwoy kede ngeyo gupo agin otye kede me miyi ngeyo kite me donyo icawa me pwoy. Ikin jammi amyero inen obedo kare apur acel acel ori kede ipur, mwaka mere, rwom me kwanere, ico onyo dako (Kop me kwan kede coc).
- Niang ticci acalo apwoy. Bed icuny me konyo medo iyabere bot okwan. Bed iyubere me telo leyo tam apat itelo leyo tam ducu. Bed ame iyabere pi gamo tam otinkwan me wek gin dang onywak tam gi.
- Yubere me keto citeg me pwoyere. Yubere ite nyute kede nwongo diro ame mio otinkwan nyute pirgi kengi. Kwa gi me ketto piny cik amyero olub icawa me pwoyere calo gwoko cawa me wot ikilaci me pwoy, cego cim kede woro tam ajo okene. Man bino miyo pwoyere wot apwod kede konyo imiyo ngat acel acel gec ngo omito iyi anyim.

# Dul Me 1:

## GOYO PULAN ME MIYO BIACARA ME PUR WOT APWOT



### Miti apwonyere man:

Opur atitino i Uganda nwongo tek me miyo farm gi doko biacara. Man pien pol gi me acel puru cem ame ocamo paco eka ote catto anonok. Akadi bed amanono, diro me pur iUganda tye alokere, pol opur ocalo puru cem me acata alo cem me acama paco. Iyore me miyo pyem timere alubere igum atye amede malu, opur myero dop neno me kelo aloka loka icuk ibeo iyiko, inwongo magoba kede nwongo lim. Pulan me module man pi miyo opur atitino itungmalu me Uganda cobo neno me dongo biacara me pur, cak tamo medo itimere bala jo obed ocatwil atye ineno me nwongo magoba, jengere imoko tam kede yiko rwom me biacara ileb me lim.

## Pwony Ocano Piny:

**Pwony me 1:** Niango ngo obedo pur acalo biacara (cawa 1)

**Pwony me 2:** Niango catowil kede biacara me pur okubere karacel (cawa 1.5)

**Pwony me 3:** Niango biacara pur kede magoba (cawa 1)

**Pwony me 4:** Dongo myeka me cako biacara (cawae 8)

**Pwony me 5:** Yero biacara akelo magoba (cawa 1.5)

**Pwony me 6:** Nwongo agam me peki angole i biacara me pur (cawae 2)

**Pwony me 7:** Dongo pulan me Biacara (cawae 6)



### Neno i pwony man:

Iyi agiki me pwony man, otinkwan myero:

- Niang guti me pur acalo biacara
- Niang neno me donyo itam me timo biacara kede kite otim biacara
- Niang ngo obedo pur/biacara me magoba
- Dongo myeka me biacara kede yero biacara akelo magoba
- Niang kite me nwongo agam ipeki me biacara pur
- Kite me dongo pulan me biacara



### Jami me pwonyere ame amite:

- Papara alac, alam maka, masking tape, buk coc kede alam coc
- Jami goyo cal (nwongere ipapara namba 1-8)



### Cawa 15.5

# PWONY ME 1:

## Guti Me Niang Pur Acalo Biacara



### Kwen apwony ojengere iye :

- Me niang kit ame pur i Uganda olokere kede ikare ni
- Me niang ber abedo itam ojengere ikop me biacara



### Jami me tic:

Papara alac me goyo cal, alam maka, Annex 1 kede 2

## TIC ME ATIA ME 1: Kit ame pur olokere kede imwaki okato angec









### Leyo lok igurupe atitino

1. Kwa okwan me nyute gini kun otucu nying gi kede kwon pur ame otye otimo.
2. Ka man otum, co apeny magi ipapara alac:
  - Pingo omio ibedo apur?
  - Koro ngo aber ame yin inwongo ipur?
3. Kwan apeny malu idwon alongo. Kwa otinkwan me lokere bot owote gi ote titi owote gi agam gi.

## Leyo tam igurup

1. Kwany otino kwan mogo ite miyo gi nyamo lok ikom alokaloka ame otimere ipur mwaki okato anged kede co agam apire tek i papara alac. Ti kede apeny magi me cako nyamo tam:
  - Pur me tin rom aroma ipur me mwaki 10 onyo 20 okato anged?
  - Pingo, onyo pe pingo?
2. Nyuti otinkwan annex 1: Aloka loka otimere ipur iUganda. Peny jo 3-4 me tito acecek tamgi amako ngo ame tye atimere icale.

Year	Year of Issue	Year of Issue	Year of Issue
MWAKI 20 OKATO			
MWAKI 10 OKATO			
MWAKI 10			

### Coc apwony

Opur obedo puru cem me acama keken pi jo pacci gi pi kare alac. Man olwongo ni **puru cem me acama**. Akadi amanono, ikare ni pol opur tye apuru witcem me acama kede me acata. Man olwongo ni **pur acalo biacara**. Tye tyenkop apol apola ame omio tye atimere:

- Opur jengere ipur pi nwongo cente me wilo jammi okene acuny gi amito.
- Opur myero pur cem adwong pi konyo jo me Uganda ame pe tye apur.
- Amako diro anyen me pur irwom amalu, opur twero puru cem adwong alo cem ame gin omito me acama, man mio gi ocato en okene oko.
- Opur tye anwongo wel magoba adwong imedo gupo acem apura iyonge cat.
- Opur mitto kelo lonyo kede keto biacara me jammi okene me temo gengo peki me biacara.
- Pur konyo imiyo tic. Pol ajo me Uganda aman tye oco gi itic me factori me cem aporere pur, catto jami me pur, giwot iyo, miyo lim den me pur, ikin en okene.

## Leyo tam igurup

Kwany kare me kelo nyig kop adongo-dongo ame tye i biacara me pur. Titi otinkwan ni nyig kop magi abino ipwony me anyim kede tic me atia. En omio ber me miyo otino ngeyo con.

### Coc Apwony

**Magoba:** Obedo lim ame dong ite cao iyonge kwanyo cente ame irwenyo ducu kede garama me culu ocolo. Magoba ame inwongo nen ka cente ame irwenyo itic me pur kede kwanyo cem ipoto kede garama me culu ocolo titidi. Magoba obedo olungtuke me goyo loss (donyo igarama adwong adwonga).

**Biacara:** Biacara obedo tic ame itio pi wilo kede cato gin ame itye kede pi nwongo cente. Pi miyo biacara cobere kakare, dano myero ti kede neno me tiyo magoba.



**Biacara me pur:** Obedo biacara ame cwako puru, cato onyo poko cem okwanyo ipoto polere irwom adwong (large scale). Man tye iye:

- Ocatwil ame cato nyig kotti, kweri, fertilizers, ikin en okene;
- Opur ame wilo kede cato bot ocatwil onyo kastoma ame wilo me acama gi;
- Ocatwil ame wilo nyig cem ibot opur ote catto bot kastoma ame wilo me acama onyo meddo rwom me ginapura.
- Weggi otoka ame mio giwot pi tero cem opur bot owil; kede
- Jo ame mio lim den onyo konyo ipwonyo opur ikin paco/omitam ikom pur ame opango ote culu gi.

**Pur me acama:** Man obedo tic ijami pur irwom apiny, rwatte ipeki pur irwom apiny kede tic ikwon pur me kare okato angec ame apur tio kede diro me pur me tekwaro; nwongo cem irwom apiny, kayo cem me acama keken kede cato cem anonok pi nwongo cente.

**Pur me cente:** Man obedo olungtuke me pur me acama. Oporu irwom amalu, rwatte ipeki irwom amalu kede tio ikwon pur me rwom amalu pien ticcere ducu ojengere inwongo magoba. Gin oneno jammi magi:

- Puru cem kwone acel ilobo alac ikare moro-nono pi biacara;
- Tic ijami me pur arwomere tye malu kede teto diro me nyony pur anyen apat ibedo tic idano (calo tractor); kede
- Miti bedo adwong iginapura te kelo magoba adwong.

**Biacara me pur:** Man obedo yore me pur me tiyo magoba ibeo ipur. Cakere igoyo pulan wot ipur naka imoyo cuk. Tye kede kite kwone angwen:

1. Dwoko piny wel garama
2. Dwoko piny peki ame apur romo rwatte kede
3. Medo malu rwom me nwongo cente.
4. Cukuru cuny otim biacara adongo

## TIC ME ATIA ME 2: Dongo tam ocung i biacara



### Ceko A

1. Pok otinkwan igurup ite miyo gi koppi me pwonyere atye i Annex 2: Ceka A.
2. Kwan citori karacel kedgi igurup gi.
3. Peny gurup me leyo tam ingo otimmere iyi citori ibeo apeny magi;
  - a. Koro biacara ango ame Mary tye atimo?
  - b. Wel cente adi ducu ame Mary arwenyo itimo biacara?
  - c. Wel magoba adi ame Mary onwongo mwaka ni?
  - d. Cente adi ame Okello awot nwongo?
  - e. Pingo omio Mary tye amito gengo Okello itongo piny tyen yen Yao?
  - f. Ngo obedo ber kede rac atic itam aryo me biacara?
  - g. Nga ame tammere tye ocung ibiacara: Mary onyo Okello? Pingo?



## Ceka A: Akello kede wode Okello depo nyig yao

Pi mwaki apol, Akello obedo depo kede yiko nyig yao doko moo yao pi jo ode. Mwaki aryo okato, en owinyo ni ngatoro tye awilo nyig yao kun tero i Cuma me yiko moo-yao i rwom amalo. Akello te cako depo nyig yao wek erom cato en ayie pe amito. Ikare ame nyig yao ocek, odiko duc en obedo wot i te yao apar oguro ture me depo nyig yao opoto. Ipaco, en opaco poke, odino ngeye, eka te twoyo nyig yao i kom ceng.

Ducu dong, Akello obin odepo nyig yao aromo kilo 100 me acata. En te cato nyig yao 800 pi kilo acel acel, kun nwongo wel lim aromo 80,000. Lyi acaki, yie owang pien en otamo ni enwongo cente adwong, ento en te niang ni nyig yao obedo gum bote pien pe tye garama moro itimo biacara naca. En myero pe wil koti-yao nyo yat neko kudi nyo cul otic me konye yiko poto pien yao dong odongo oko dang anaka nwo tye aen pwod nyako. En te ngiyo ni ka edepo nyig yao apol ebino dang nwongo magoba.

I Dwe pur me aryo wode, Okello, nwongo tye amito tongo tyen yao adongo aryo ame tye i diokalo-gi me wango makar. En te myeko-ni eromo nwongo makar puki 20, ame nwongo eromo cato ciling 10,000 pi cao acel. Ducu, en nwongo anwongo 200,000. Man bino bedo twon cente ame ot Akello onwongo awanga acel. Ento, kit ame depo yao owoto aber i season okato, Akello nwo tye atamo apat ikom yen atye i diokalo mere. Akello te miyo wode niang-ni akaka nwongo cente adwong awanga acel, gin oromo mede depo nyig yao eka ote nwongo cente mwaka duc. Iyonge mwaki aryo, en te myeko ni gin oromo nwongo 160,000. En te kobe-ni ka gin duc odepo nyig-yao, gin oromo depo ote nwongo cente adwong. Iyonge lok-gi, Okello te cako tamo apat kun cikere me konyo totere i depo yao i mwaka abino me tiyo cente.

### Coc apwony

- a. Akello depo nyig yao.
- b. Akello pe arwenyo cente me timo biacara man.
- c. Mwaka ni, Mary otio magoba me 80,000 UGX.
- d. Okello omako ciling 200,000 UGX, ento icel keken.
- e. Ibeo itongo yen, Okello otio cente icel keken. Akadi amanono, gwoko tyen yen amiyo jo me pacu anwongo cente mwaka imwaka. Mary omito me juko Okello ibalo biacara ame atimere mwaka ducu pi kare alac.
- f. Ber a biacara Akello aye nwongo magoba ikare ducu. Pe kelo peko ikom yat kede dang pe kelo garama. Raccere acel keken ame tye, pe kelo cente adwong awang acel. Ber a tam Okello aye ni jo pacu onwongo atiyo cente adany inino moro acel. Raccere obedo miyo Okello nwongo cente icel kede balo yen.
- g. Akello tye itam ocung ibiacara pien en tye ineno me tiyo cente odany imwaki abino anyim. Okello pe itam ocung ibiacara pien tye amito cente me oyot oyot abongo paro anyim.

## Kwena me pwony apire tek

- Pur olokere i Uganda. Opur apol aman tio kede farm gi me tiyo cente, pe me acama keken.
- Mite me opur ibedo itam ocung ikom biacara kede nwongo magoba me wek farm gi kony icuburu paco.
- Bed itam me biacara, tere ni moyo aride, goyo pulan me mwaki apol kede jengere ineno me tiyo magoba.
- Pwony abino anyim tye ikom nga ame obedo acatwil kede kit ame atim biacara ame biacara mere odongo myero ti kede.

Pwony abino anyim tye ikom nga ame obedo acatwil kede kit ame atim biacara ame biacara mere odongo myero ti kede.



## PWONY ME 2:

# Niang Catowil Kede Biacara Me Pur Okubere



### Kwen apwony ojengere iye :

- Me niang kite acatwil ame biacara mere odongo
- Me niang kit ame otio kede biacara me farm pi miyo biacara me farm dongo



### Jami me tic:

- Papara alac, alam maka, alam coc, masking tape, Annex 3 kede 4

## TIC ME ATIA ME 1: Kite ocatwil ame odongo



### Leyo lok igurupe atitino

1. Kwa okwan me wumu wanggi eka ote tamo apur ame odongo ikin lwak ame tero pur acalo biacara. Ngo ame omio gi odongo?
2. Iyonge dakika anonok, okwan myero nywak ngo agin otamo kede gurup. Co tam agin okato kede iyi papara alac, kede ite yabo dogola me leyo tam amako kite otim biacara me pur odongo. Ti kede coc ibuk pwonere pi tato tere.
3. Nyuti otinkwan Annex 3: Kite acatwil odongo. Kwa gi me gweto kite acatwil odongo.

## Coc apwony

**Atim biacara** obedo dano ame ocibo biacara kede neno me nwongo magoba. Myero onwong jami amite me miyo biacara wot anyim. Gin ocoro yi peki alubere icako biacara.

Ocatwil odongo tye kede tim magi ikite gi:

- **Nga agin obedo:** Myero okan imung, bedo igen, miti, mitti me pwoyere kede coro yi peko, ento bedo iworu amalu pi mito ni jammi aber otiye. Kite ocatwil okene obedo:
  - **Kit aber me dongo:** Bedo igen pi neno jammi abeco tye atimere kede cuny me cukuru jo okene.
  - **Neno iooko:** Bed amjero imok gum me cuke anyen, nen yore ducu me nwongo gin aber iye.
  - **Yubere me corro peko:** Yubere me corro peko ibeo itemo jammi acata kede cuke. Man pat ibedo ape iparo; dano myero bed me corro yi peko kede kato agamere ka twere.
- **Bed iwat:** myero bed otela aber ame ngeo tic ijo. Kit otimere gini kede:
  - **Tela:** ngeyo tic ilwak medo icukuru cuny jo okene iketo gi karacel.
  - **Kubere:** Ngeyo kubere itam kede poro wel kede jo okene.
  - **Bedo agen:** Jo okene myero nen dano acalo agen. Ico/dako myero bed imoko tam, bed irikod me nying aber kede wor jo duc.
- **Diro kede ngec:** Acatwil myero bed kede diro kede ngec acalo:
  - **Guti me kwan:** Myero nge coc, kwano kede timo cura atitino. Medo kede pwoyere romo konyo, ento dang ngat ame oyoko pwoyere romo dang dongo icato wil
  - **Kubere:** Myero ibed ingec olagoro kede kubere itwok piny apapat.
  - **Gupo me timo Biacara:** Myero inen ka twere me nwongo magoba kede timo cura me wel, cente obino icao kede magoba me biacara. Ico onyo dako myero bed ogwokere kede tamo pulan.
  - **Diro me iryonget:** myero bed oyubere aber, ibeo ikelo ngec kede tam iyore oyubere aber.




Yung leyo lok ite dwogo acecek ni wan ducu oromo bedo otim biacara odongo ka opoto kite ocatwil odongo kede cako tam bala jo obedo ocatwil. Titi okwan ni obino mede pwoyero kit ame atim biacara odongo tio kede ibeo ikony ibot biacara me farm.

## TIC ME ATIA ME 2: Biacara pur okubere karacel

### Leyo tam igurup

1. Pok okwan i gurupe ite miyo gi koppa me pwonyere atye i Annex 4: biacara me farm.
2. Titi gi tere tere ni biacara me Farm obedo yore me nyutu koro tic ame omio biacara odongo.
3. Kwa gurupe me lok amako ngo agin otamo ipat me farm apapat. Ti kede coc ibuk apwony.



### Coc apwony

**Citep 1: Nwongo kare me timo:** Tam amako peki ame dwoko piny biacara ifarm (mo ngo arac), kede ngo amyero otim me yubo biacara.

**Citep 2: Goyo pulan:** Tam citep amite me aluba pi miyo cobo neno me biacara. Mok tam ikom gin imito timo kede goyo pulan.

**Citep 3: Timo:** Tem pulan. Man tye iye cako, jammi pur, roto kede moyo cuk. Cako tye iye moyo jami me cako kede jo amite me keto pulan itic. Jammi pur obedo gin ame apur tio kede me puru cem. Roto obedo kit a biacara tye awot anyim aber kede neno ka ce pulan ame ogo tye acobere.

**Citep 4: Tamo yo tic:** moko ka pulan otio onyo pe otio kede ka neno ocoberere.

Acatwil ame neno mere ocoberere moko tam jengere ikom ngec apire tek kede goyo pulan. Gin omede roto tam me biacara kede kelo aloka loka kan ame tye akelo goro ibiacara, onyo jingo gupo ipat me biacara ame pwod tye awot aber. Biacara pur woto kede konyo opur me tamo iyore amito odiro atye ingec olagoro, apat ibedo nwoyo timo koro pur icako con abongo bedo icaden ame nyuto ni tye atic aber.



## Ceko B

1. Kwan citori B ibuk pwoyere, pat acel acel pi konyo niang aber biacara me farm okubere. Titi otino me lubo kun oneno cale icitori Annex 4.
2. Iyonge kwano citori, kobbi gurupe me leyo lok ingo otimere icitori ibeo apeny magi.
  - a. Ngo ame Akena otimo me acel? Pingo omio man ber?
  - b. Ngo obedo pat ipulan Akena me puru garlic?
  - c. Ngo otimere iyonge Akena ipito garlic? Ngo aen otimo iye? Pingo?
  - d. Iyonge Akena cato garlic ducu te wot paco, ngo aen otimo? Pingo?
  - e. Akena onwongo magoba? En ngo ni ngo?

### Ngec a John Akena i pur

#### Dul me 1: Nwongo gum

Akena omoko tam me cako pur acalo biacara. En nwo amito ni enwong cente aromo konyo ture. En te lok kede opur ogure me niango nyig cem ajo maro pito. En oniang-ni gin opuro oranga, nywagi kede atungulu. Akena te wot i boma aceggi kun loko kede ocat duka kede ocat wil. En te nwongo ni jo tye amito tungulusum i rwom amalo. Ocat duka adek okobe ni gin owilo tungulusum ibote, ka tye aber, iwel me ciling 15,000 pi kilo.

#### Dul me 2: Goyo pulan onyo myeka

Ami kony bot opur te konyo cako puro tungulusum ilobo  $\frac{1}{4}$  me acre. En obedo i gen ni eromo nwongo tungulusum kilo 250 kun ka ecato iwel me 15,000 pi kilo, en eromo cato iwel me ciling 3,750,000. Me nwongo wel cente abino bede magoba, en te mito-ni ecek niango wel jami ame eketo i puru kede cato tungulusum. En te cano jami ame ebino keto i puro tungulusum medo kede gi wot kede garama okene okane. En te nwongo ciling 800,000. En te moko tam we wot anyim kede pulan man.

#### Dul me 3: Tlmo: Yiko, Puro, Ngiyo kede Cato

Akena oyiko jami ducu amite ame oketo i poto eka te yiko lobo, te pito nyig tungulusum. Ikin dwe acel, kono, Akena te niang ni jami pe otur aber dang dok tungulusum pet ye adongo kit ayie amito. En te wot bot dano akonyo Opur me yenyo tam, dano ca te kobe me dok pito kwon tungulusum okene. Kadi bedi man now dok garama okene bot Akena, en ogamo kwon koti okene me apita kun ngeo-ni ecikere kede owil apol ni ebino poki-gi tungulusum aber. En te ribo cura





oyot dang te niang oko ni enwongo magoba. Iyonge cabite anak, tungulusum Akena now cegi icek dang now tye anen aber. En te wilo puki me gwoko kede te puto oko ape otero kare.

Ka nwongo otye aputu tungulusum i potu, nwo otye aroto, lwoko ote keto i cao. En ame reco obin obolo oko, kun en okene obin opiko i puku-kekei. Akena te nwongo-ni etye kede kilo 200. Man nwo nok kato kit ame egeno, ento Akena ongeon ni pwod enwongo magoba. Akena te tero tungulusum mere bot ocak-duka adek. Yii-gi obedo yom pi kit ame tungulusum-man nwo ber kede.



#### **Dul me 4: Tamo ki ame biacara ni owoto kede**

Akena te dwogo paco ayie-yom atek. Ento en te niang-ni ticere nwo pwod pe otum. En myero kong etam ikom biacara mere me tungulusum kun eporo ngo ame epiro kede ngo enwongo. En ocato kilo 200 me tungulusum iwel me ciling 15,000 pi kilo, kun nwongo ciling aromo 3,000,000. Garama mere obedo ciling 900,000 kun tye iye ciling 100,000 ame omedo kede koti. Magoba mere ducu nwo obedo ciling 2,100,000. Man nwo acaki me Akena iketo kome itic me paco te dang nwongo cente adwong akato mwaka okato.

#### **Coc apwony**

- En oloko kede jo apol amako kwon cem apura kede en awelere tye malu icuk pi kelo lim, calo garlic. En okwedo wel ocato kede garlic icuk. Ber me timo ikweda icuk me biacara me cem imito puru pien konyi imoko tam.
- En oyoero koro cem ame emito puru pi biacara mere, kit ame ecato i garlic kede magoba ame tye ageco. Man obedo citep apire tek pi goyo pulan acalo yore me konyo apur ka biacara mere akelo magoba.
- Iyonge pito cem, en opoyo te nwongo ni otuu ararac ame pe akelo anyaki aber ka omede. En openyo tam ibot obwo pur te pito koti anyen. En otimo man pi gwoko magoba.
- En opoyo ngo ame otimere i biacara ateteni omio en oporo ikom ngo egeco me timere ikom biacara mere.
- Ateni, otio magoba. En ogwoko rikod me garama ducu eka te poro iwel cente ame onwongo icat.

#### **Kwena me pwony apire tek**

- Acatwil myero bed icuny aber, pi tiyo cura me peki abino, romo tela aber, bedo iwat aber ijo okene, pwonyere, diro kede ngec me dongngo biacara.
- Acatwil odongngo tio kede biacara pur okubere karacel. Gum angole, keto pulan opore, kede roto biacara gi pi miyo wot aber kede goro cako nen ibiacara. Biacara pur okubere konyo apur me donggo tam ojengere itimo biacara, apat ipuru kwon pur ame anaka ibedo timo.
- Me miyo biacara donggo, myero iyubere me winyo tam kede pwonyo diro anyen ibot jo okene dang.

Biacara me pur okubere karacel cwalo pwony okene abino anyim amako neno ber ajami amyero opur timmi me miyo biacara me pur kelo magoba.



CAWA 1



### Kwen apwony ojengere iye :

- Me niango apoka poka ikin biacara me pur adano kede biacara ducu ipur okene
- Me niango abalo magoba me pur kede kite me tiyo cura me magoba
- Me niango ber apoko kin cente abino ipur kede paco kede garama.



### Jami me tic:

Papara alac, alam maka, bukcoc, alam coc, papara acoc pe iye, Annex 5

## TIC ME ATIA ME 1: Apoka poka ikin biacara me pur kede pur me acata



### Leyo lok igurupe atitino

1. Mak malu Annex 5. Peny otinkwan me tucu mene obedo biacara me pur kede mene obedo pur me acata ikin cale aryo A kede B. Mii otinkwan anonok kare me nywako tam gi. Ti kede coc ibuk apwony me tito tere tere.
2. Kel pwony i catowil pyem, catwil me medo rwomere malu kede catowil omedo kede en okene, kun itio ipwony ibuk pwonyere. Kwa otinkwan me tamo kit ame man romo balo i magoba kun nwongo oleyo lok karacel.

## Coc apwony

### Cal A: Biacara me pur

Biacara me pur obedo kit adano acel acel puru kede. Cem acel acel onyo leyi otye agwoko obedo biacara me pur. Apur romo gwoko gwen, puru mogo onyo dok cak. Ikin gi acel-acel obedo biacara me pur.

### Cal B: Pur me acata

Pur me acata obedo kwon biacara ducu orubere ame tye ipur. Ducu ka onoto karacel obedo biacara me pur.

**Biacara me pur tye iyore adek: biacara apyem ien okene, biacara omedo rwomere kede biacara otimo karacel kede en okene.**

### Cal ogo

**Biacara apyem ien okene:** Biacara man “pyem kede en okene” ka otio kede cente acel ame otio kede ien okene.

**Biacara omedo rwomere:** Biacara man “omedo rwomere” ka otio kede cente ape oromo.

**Biacara atio karacel:** Man “tio karacel kede en okene” ka orwatte icuburu tergi, iyore aryo. supportive, two-way process.

Kit kwon biacara acel balo inwongo magoba:

- Biacara apyem ien okene dwoko piny magoba ento biacara omedo rwomere kede en ame otimo karacel kede en okene medo malu magoba ibeo igwoko lim iginapura. Apore, tic manure iya icet gwen ibeo ibiacara me gwoko gwen ame konyo igwoko balo cente iwilo fertilizer me biacara me nywagi.
- Ka itye ikwon biacara apol ifarm acel, ber pien mio ingeo kit ame biacara acel balo kede owote mere. Apore, ka omedo biacara okene ikom awotere.

**GIN AMYERO INGE:** Garama irwatte kede iwel apiny, kelo magoba iwel adwong. Atim biacara odongo temo itekere me tiyo magoba adwong. Poyo wi otinkwan ingo obedo magoba ame tye ipwony 1 kede itic me atia me 1.




## TIC ME ATIA ME 2: Ngo abalo magoba me biacara?



### Leyo lok igurupe atitino

1. Gur cal idyere me papara alac eka coo ni “magoba pur”.
2. Poyo wi otinkwan ni magoba obedo cente ame dong ite cao iyonge kwanyo garama kede gelo ocolo. Magoba obedo olungtuke me goyo loss.
3. Kwa otinkwan me tito ngo abalo magoba me pur. Co agam gi ipapara alac idyere. Ti kede coc ibuk pwonyere me miyo agam ipeki abalo magoba ipur.

## Ngo abalo magoba ipur?



### Coc apwony

- **Pyem icuke:** Ka jo apyem oduonyo icuk, gi acata mede adwong kede wel cat dot piny. Man dwoko magoba piny.
- **Nyony tic:** Man konyo imiyo tic woto oyot yot iwel apiny kede jo atic. Man konyo imeddo magoba.
- **Wel icuk:** Wel ame otye atic kede icuk icawa ni obedo wel ame owilo ijami apura ni. Ka wel icuk tye piny alo wel ame igeco me cat, tere ni itiyo piny nono (goyo loss).
- **Miti icuk:** Miti me nwongo cuk me cat, meddo wel eka magoba te bedo malu. Ka miti me cuk tye piny, wel cat dok piny kede magoba dang.
- **Wel jammi pur:** Ka wel wilo jammi pur oyito malu, rwom me magoba poto piny.
- **Cem me paco:** Kwon cem ame ocamo paco pe obedo pat me magoba. Ka rwom me camo cem pacu oyito malu, magoba bedo piny.
- **Aloka loka piny:** Kwon pur acel acel mitto cwe akot kede ryeny aceng. Cwe akot adwong onyo pe akot balo cem okwanyo ipoto kede magoba me biacara.

Magoba ber pien farm opur pe bedo me acama keken, ento pi cente dang. Pur me cente ber me tiyo magoba ame ber me miyo biacara me farm mede anyim kede cobo miti me pacu.

Ka iyero kwon pur acunyi opwo akelo lim, opur myero yer en akelo magoba. Myero iwek kwon gin apura ape kelo magoba pien balo naka magoba ducu i farm.





## Leyo lok igurupe atitino

1. Tit ni tiyo cura me magoba romo timere ibeo ikwanyo wel garama ducu ikom wel cente ame inwongo icat.
2. Coo koro apeny magi ipapara alac eka nyuti gi kite me tiyo cura magoba.
3. Tii kede coc ibuk apwony me konyo niango agam kede tam apire tek amako magoba.

### Apur A

**Cente onwongere ipur** = 1,000,000 UGX

**Garama me pur** = 400,000 UGX

Apur onwongo magoba? Onwongo adi?

**Magoba** = **Cente onwongere ipur** - **Garama me pur**  
1,000,000 - 400,000

**Magoba** = **600,000 UGX**

### Apur B

**Cente onwonere ipur** = 3,200,000 UGX

**Garama me pur** = 3,300,000 UGX

Apur onwongo magoba? Onwongo adi?

**Magoba** = **Cente onwonere ipur** - **Garama me pur**  
3,200,000 - 3,300,000

**Loss** = **100,000 UGX**

## Coc apwony

**Agam:** Apur A otio magoba me ciling 600,000 UGX. Apur B pe onwongo magoba. Apur B ogo garama me ciling 100,000 UGX.

### Tam amako magoba:

- **Lim abino ipur:** cente anwongere icato cem okwanyo ipoto kede rwom me cem ocamo. (Poyo ni cente abino ipur ya ikwon pur ducu otimmere ipur).
- **Garama me pur:** cente orweny i pur kede gi acata icuk; wel jammi ducu ame otio kede ipur. Tye garama kwone 2 ibiacara me pur:

- **Garama aloloka** – man obedo garama me pur. Otio kede ikom kwon pur apapat, romo timmere ikom kwon biacara acel, tye iye koti, fertilizers, pango otic, cem aleyi kede tic amako leyi.



- **Garama ape loloka** – man garama ame timmere ipur ducu. Garama ape loloka obedo garama ame pe loloka akadi aloka loka tye atimere ikwon gin acel ame opuru. Garama ape loloka pe paro jammi tic. Akadi jammi tic pe, garama pwod pe loloka. Man tye iye otic ame oculu ocara, nyony me tic ipur, citoa kede osikari/ogwok kuc.





## Leyo lok igurupe atitino

1. Niang ni cente abino me gwoko paco kede garama mere myero opok bed pat icente ame bino ibiacara kede garama mere, me miyi ngeyo kit ame timo biacara tye awot kede. Tii kede coc ibuk pwonyere me niang ijammi okene.

### Coc apwony

- Garama me biacara me pur kede cente abino ipur myero opok ikom cente abino me gwoko paco kede garama mere.
- Akadi yuba me gwoko pacu ojengere icente abino ipur, ber me poko gi pat me miyi ngeyo ka pur tye amiyo magoba onyo pe.
- Man romo timere igwoko rekod me garama kede cente abino ipur pat kede tiyo cura ka pur tye anwongo magoba. (**Cente abino ipur – garama me pur = magoba**). Iyonge tiyo cura ite nwongo ni pur tye atiyi magoba, opur twero kwanyo 'ocara' iya imagoba me cobo jammi amite paco.
- Ka cente abino kede garama me pur kede paco orubere karacel, bedo atek me tito ka pur tye anwongo magoba kede mio bedo atek ateka me moka tam aromo miyo magoba yito malu.

Titi otinkwan module 2, gin owot kobo kite me gwoko garama kede cente abino ipur papat. Cente abino me gwoko paco kede garama mere myero bed apat me pur pi miyo opur niang ka biacara ipur gi tye atiyi magoba.

### Kwena pwony apire tek

- Biacara acel ipur obedo puro cem kwone acel onyo gwoko leyi eka biacara me pur obedo kwone biacara ducu atye ipur acel.
- Biacara acel ipu romo pyem kede owote mere, meddo rwomere kede noto karacel ien okene. Biacara omeddo rwomere kede biacara onoto karacel awotere mio magoba yito malu ento kwon biacara apyem awotere dwoko piny magoba.
- Jo apyem itimmo biacara, nyony tic ipur kede miti i cuk, balo magoba ipur.
- Cura me magoba okwanyo wel garama ikom cente obino ite cao.
- Garama tye kwone 2: garama aloloka kede garama ape loloka. Garama aloloka tio ikom kwon biacara acel ame romo dwoko piny onyo yilo malu rwom me pur. Garama ape loloka timmere i biacara ducu ipur pe yito malu onyo dok piny i pur.
- Cente abino me paco kede garama mere myero opok pat icente abino kede garama me pur me miyo apur ngeyo ka otye olimo magoba.

## PWONY ME 4:

# Goyo Myeka Me Biacara Me Pur



### Kwen apwony ojengere iye:

- Me niang goyo myeka me kwone biacara acel kede dongo me moko magoba ikwone biacara apapat.
- Me niang jammi abalo biacara ka otuno iyero kwone biacara.



### Jami me tic:

Papara alac, alam maka, Annex 6, 7a, 7b

## TIC ME ATIA ME 1: Niang myeka me biacara iyero



### Leyo lok igurupe atitino

1. Titi jo akwan ni goyo myeka obedo itao me miyo biacara dongo. Man myero otinkwan ducu tic kede i farm gi. Bed igwenyo tam ocwiny amako apeny magi. Ti kede coc ibuk apwony me cuburu leyo tam.
  - Myeka obedo ngo?
  - Myeka me biacara obedo ngo?
  - Awene amyero odong imyeka me biacara kwone acel?
  - Nga amyero dong myeka me biacara?
2. Tit ni myeka biacara omaro dongo pi ekkac acel me lobo, ber me opur ngeyo kite me pimo ekkac i farm kun otio ijammii ticgi. Mi opur kare me tuco ekta kede ekkac (hectares kede acres) ileb lango. Tii kede coc ibuk pwonyere kede annex 6 me niang ekta ekkac iyore ame opur niang.

## Coc apwony

- **Myeka** obedo coc atimere me gecoo wel cente abino kede garama pi kare moro nono.
- **Myeka me biacara iyero** (icawa okene olwongo ni myeka me puru cem kwone acel) obedo gi tic ame nyutu cente atic kede ipur (garama ogeco), cente ogeco abino icato cem kede magoba ame apur anwongo.
- Myeka me kwone biacara acel myero odong apur pwod pe ocakere, pi konyo apur moko me mede onyo pe mede ikoro biacara nono. Ka myeka ocimo ni koro biacara nono pe akelo magoba, apur pe myero mede ibacara.
- Opur ducu myero dong myeka me biacara pi kwone biacara gi acel acel.

### Nge man: Ka idongo myeka me biacara:

- Ti kede cente ame igeco ni abino iwel apiny kede garama idonyo iye bed malu pi miyi agam me aloka loka atimere icuk.
- Ti kede gi pimo lobo arwomere tye malu acalo ekkac me lobo onyo leyi, pi mwka acel onyo pur icel.

### Keto rwom me gi pimo lobo imiti apur me konyo goyo myeka me pito cem

1 hectare pimo 100m X 100m ame arom aroma 10,000m<sup>2</sup>

1 acre pimo 100m X 40m ame rom aroma 4000m<sup>2</sup>

Gonyo hectares ileb me acres

Imalu nu, omio hectare 1 obedo 10,000m<sup>2</sup> (100m x 100m), kede acre 1 obedo 4,000m<sup>2</sup> (100m x 40m)


$$1 \text{ hectare} = \frac{10,000}{4,000} = 2.5 \text{ acres}$$

**NGE MAN:** Opur tio iyadi akwone papat ka opimo poto gi. Koporo man kwen iwot miyo pwony iye. Ti Annex 6 pi konyi pwony.



## Leyo tam igurup

1. Pok yi jo atye ika pwonyere igurupe kede kwa gi me leyo tam ikom apeny magi.
  - Ngo ame itamo ni myero bed imyeka biacara?
  - Pingo omio myeka biacara ber pi pur acalo biacara?
2. Ti i Annex 7a me nyuti otinkwan apor me myeka biacara.



## Coc apwony

### Gin atye imyeka biacara

1. Geco cem icek aber/gwoko leyi
2. Geco cente me bino icao iyonge cato cem
3. Geco wel cato cem (man obedo wel ame igeco icawa me cato cem)
4. Geco garama me pur (jammi pur calo wilo koti, fertilizer, pango otic, pango otoka, ikin en okene). Man mako garama aloloka ento pe garama ape loloka.

- Geco magoba onyo loss (magoba timere ka cente obino ica o obedo adwong alo wel garama, eka goyo loss obedo ka wel garama obedo adwong alo cente obino ica o)

**Myeka biacara ber ipur acalo biacara pien tio me:**

- Tiyo cura magoba ame ogeco ibiacara apwod pe pur ocakere.
- Por biacara apapat pi neno mene akelo cente adwong.
- Mako peko iyore ayot, man mio tyeko peko cobere icawa ikokome.
- Mio aloka loka aber timmere.
- Ibedo tamo dongo biacara icawa ducu.
- Can piny garama aloloka (aporere tic, jammi pur) man apur romo moko tamere ka ico/dako tye icente me culu.
- Moko tam ka biacara myero timere.

## TIC ME ATIA ME 2: Goyo myeka me biacara acel me pur



### Leyo lok igurupe atitino

- Tii kede niang, ngec kede pwo ny ame ilimo itic me 1 okato nu, me teto myeka biacara me gin otimmere i nywagi a Joseph. Ti Annex 7b pi neno ni onwongo agam atir.
- Nen jammi apir gi tek icoc ibuk pwo nyere karacel kede jo atye apwo nyere me miyo gi ngeyo ngo amyero olub ka ogoyo myeka me biacara kede moko tam i biacara akelo magoba.

### Apor me Biacara

**Joseph i biacara me nywagi**

Cakere idwe me 1, 2020 – idwe me 6, 2020

Pur i acre 1 me poto = kilo 1000

Wel cat = 1,000/= pi kilo acel

Apur ogo pulan me catto kilo 900 me nywagi

Apur ogo pulan me gwoko kilo 75 me acama paco

Apur tye amito gabbo kilo 25 bot wati mere apat jo ode.

**Garama aloloka me puru kede catto kilo 1000 me nywagi:**

Wilo kilo 10 me koti = 4,000 UGX pi kilo acel

Lwero bung = 50,000 UGX

Puru poto – 1 boto poto = 140,000 UGX

Lokko poto – 2 loko poto = 100,000 UGX

Pito koti = 50,000 UGX

Wilo jammi okene me pur bala fertilisers, ikin en okene = 100,000 UGX

Tic i fertiliser = 10,000 UGX

Doyo cem = 60,000 UGX

Kayo/ kwanyo cem ipoto = 30,000 UGX

Pango otoka me kwanyo cem ipoto tero paco pi nywagi puki 10 = 30,000 UGX

Bito nywagi puki 10 = 30,000 UGX

Wilo puki 10 ayigi nono = 12,000 UGX

Pango otoka pi nywagi puki 10 kwanyo ipaco tero icuk = 50,000 UGX

Garama me cuk pi puki 10 = 10,000 UGX

## Myeka biacara me nywagi a Joseph

**Citep me 1:** Kwon biacara: **Nywagi**

**Citep me 2:** Kare: **Jan 2020 Nywagi June 2020**

**Citep me 3:** Geco dit apoto: ekkac: **1**, Geco cekkere **700kg**

### Citep me 4: Geco cente abino ica

Jammi itere	Pimo	Rwomere	Wel wil	Wel cente
Puru nywagi kede cato	Kgs	900	1,000	900,000
Puru nywagi kede gwoko pi acama paco	Kgs	75	1,000	75,000
Nywagi opuru ote miyo oko	Kgs	25	1,000	25,000
<b>Citep me 5:</b>			<b>Wel cente obino ica:</b>	<b>1,000,000</b>

### Citep me 6: Geco garama aloloka

Jami itere	Pimo	Rwomere	Wel wil	Wel cente
Wilo koti	Kilo	10	4,000	40,000
Lwero bung	Ekkac	1	50,000	50,000
Yiko lobo - 1 puru	Ekkac	1	140,000	140,000
Pur poto me 2	ekcac	1	100,000	100,000
Wilo jami okene me pur (Fertilizer, yat kiro kudi, ikin en okene)	Oribo welere karacel	1	50,000	50,000
Pito koti	Ekkac	1	100,000	100,000
Tic i fertilizer	Ekkac	1	10,000	10,000
Doyo cem	ekcac	1	60,000	60,000
Kwanyo cem ipoto	ekcac	1	30,000	30,000
Otoka kwanyo ipoto naka paco	Puki	10	3,000	30,000
Bito nywagi	Puki	10	3,000	30,000
Puki	Puki	10	1,200	12,000
Pango otoka ya ipaco naka icuk	Puki	10	5,000	50,000
Garama me cuk	Puki	10	1,000	10,000
<b>Citep me 7:</b>			<b>Wel garama ducu</b>	<b>712,000</b>

### Cente Cente obino ica

Nywagi ocatu	Kilo	1000	1000	1000000
<b>Wel cente ducu obino</b>				

**Citep me 8: Magoba onyo loss = wel cente ducu obino (a)-wel garama aloloka (b) Magoba 288,000**

## Coc apwony

Piny kan tye gin apire tek amyero inge ka iketo myeka kede poro magoba me biacara apapat:




1. Tuc cam acel/biacara ame imito puru.
2. Rye tic ducu ame mite me puru kwon biacara imito cakere iyiko poto naka imoyo cuk.
3. Ket garama me tic acel alubere idwongere.
4. Yik tic amite, ket karacel igarama alubere kit otimmo kede, kun ineno ni pe ikalo moro keken itic amite ipur tuno naka icuk.
5. Med garama ducu me kwon pur me nwongo wel garama me pur (a).
6. Ibeo ipenyo tam onyo ngec itye kede, tit kite me miyo cem cek abup i ekkac acel me koti ipuru.
7. Ibeo ipenyo tam onyo ngec, nwong wel cat pi pim acel acel (aporere kilo) me koti ipuru.
8. Nya cem ocek pi ekkac acel me koro cem ame ipuru kede wel cat pi nwongo wel cente ducu obino iyi cao (b).
9. Me moko ka biacara nono kelo magoba onyo pe ka opuru, kwany wel garama me pur ducu (a) ikom cente obino (b). Man amiyo igeco magoba onyo loss. Ka namba onyutu ni tye aber (positive), nwongo itiyi magoba. Ka namba onyuto alama ni pe ber (negative), inwongo loss.
10. Nwo yore man kede biacara okene imito puru.
11. Por magoba onyo loss igeco ikom biacara apapat ame iketo myeka iye. Mok tam ikom biacara ame iketto gupo me puru alubere imyeka biacara. Yer biacara amiyo magoba.

**NGE MAN:** Otinkwan myero nge ni myeka me puru cem/biacara lokere ikabedo acel wot ikabedo okene, dano acel naka idano okene lubere cawa kede kit imito nwongo kede. Mede itito gi, me mako kit me dongo myeka biacara/puru cem, bedo temo amite acalo citep tye apol amyero olub.



## Leyo tam igurup

1. Pok yi otinkwan igurupe. Kwa gurupe me kato imyeka biacara me cem kwone adek/biacara acunyi opwo.
2. Go meja magi ipapara alac. Kwa gurupe me pongo alubere adwogi goyo myeka biacara. Meja man akonyo gi me poro myeka me biacara adek magi kede konyo iyero biacara mene akelo magoba.
3. Ka gurupe otyeko, peny gurupe me kobbi jo adwogi leyo tam gi me wek memba me gurupe okene cwak agam gi onyo kwer.

Jami apura	Wel garama me pur (a)	Wel cente obino icaao (b)	Magoba onyo loss (b-a)
Koti A 			
Koti B 			
Koti C 			

## TIC ME ATIA ME 3: Moko wel cat me ginapura



### Leyo lok igurupe atitino

1. Titi jo akwan ni gin apire me neno ni biacara atio magoba obedo me moko wel kakare.
2. Cak leyo lok amako jammi akonyo imoko wel cat. Ti icoc ibuk pwoyere ipiny kan me cuburu kor nyamo.

### Coc Apwony

Wel me cat pe bedo arorom pien tyenkop magi:

- **Kit acuk tye kede:** Cuk romo bedo ipyem anonok, tere ni cat iwel amalu, onyo twero miyo pyem yito malu, tere ni bolo wel cat piny.
- **Garama omedo iyore me cwalo tuno bot kastoma:** Wel cente ame acwal jami orwenyo icawa me pok balo wel cat bot jo awilo me acama.
- **Kwon jammi acato:** Jami acata bedo iwel apapat. Aporere kilo 1 me coffee welere bedo malu kato wel kilo a nywagi kilo acel.
- **Dwong cem:** Opur dwongere nwongo wel amalu icat pi kilo acel acel ka ocatu adwong awuyu awangacel lo ka ocatu atitidi.
- **Cawa me cat:** Pot dek opuru con nwongo cente adwong lo pot dek ame ocatu icawa ame pol ajo tye icuk me catto pok dek. Amanono dang, ka nywagi ogwoko icitoa pi kuru kare me cato aber, medo wel nywagi malu pien nwongo jo anonok aye tye acato.
- **Kit ame okwanyo icem ipoto:** Korro cem icuma medo rwomere malu, aporere kwanyo pok nywagi mio kastoma miti me wilo wunga. Man en omio wunga opaco poka welere tye malu lo en ame ocatu anyige.
- **Ber aginapura:** Rwom me berrere, nyanya abeco ame oyero ikom en areco nwongo cente adwong lo en ape oyero ikom owote.
- **Keto ipuku:** Cem acata ame opiko ipuku aber kede ogwoko pe obale, nwongo cente adwong alo en ape oyero kudi iye.
- **Kaka cat:** Cem me produce nwongo opia abup ka ocatu i City apat cuk me kin callu. Produce ame ocatu i supermarket ber kato en ocatu icuk atye tangala iyamo. Man pien pol kastoma ikabede apapat mito wil iwel amalu, onyo wel apiny ikom gin acel otye acato pien ocatu keto wel apapat.



### Leyo Tam Igurup

Ti ibicara me nywagi a Joseph i myeka me puru cem

1. Pok yi otinkwan igurupe kede miki kopi me Annex 7b ame obedo myeka a biacara Joseph. Kobby otinkwan me tic i citori a Joseph kede myeka me tiyo cura me garama acel acel me pur me miye ngeyo cente adi otere me puru nywagi unit acel. Ngec man romo konye me moko tam iwel ango amyero ecat i nywagi mere pi nwongo magoba.
2. Ti kede coc ibuk apwony pi konyo ileyo lok.
  - Kit ango amyero Joseph ngid icura me nwongo garama unit acel ipuru nywagi?



## Tii kede biacara me nywagi Joseph

Joseph ogo pulan me catto nywagi kilo **900**.

Joseph ogo pulan me gwoko kilo **75** me acama paco.

Pulan Joseph tye me miyo nywagi kilo **25kg** bot wati mere apat jo ode.

Man tere ni Joseph oceko nywagi **900+75+25 = kilo 1,000**.

### CITEP 1: Nwong wel garama me pur a Joseph

Gin amyero ipoyo imyeka Joseph obedo:

**1. Wel garama onwongo tye 712,000 UGX imyeka.**

**2. Ekkac acel acel oceko nywagi kilo 1,000.**

$$\text{Garama me pur} = \frac{\text{Wel garama ducu me pur}}{\text{Cem ocek pi ekkac acel acel}}$$

$$\frac{712,000 \text{ UGX}}{1,000 \text{ kg}} = 712 \text{ UGX/Kilo}$$


**NGE MAN:** Garama a Joseph me pur pi unit acel tye 712 UGX. Man tere ni:

1. Man obedo wel apiny ame oromo wilo inywagi pi dwoko wang cente me garama ame otio kede ipur.
2. Ka Joseph ocatu produce mere iwel apiny ape tuno 712 UGX pi kilo acel acel, en adonyo i loss.
3. Wel cente akato 712 UGX ame Joseph aketo me catto nywagi, abedo magoba mere. Wel atye malu akato wel garama me pur obedo magoba.

## Kwena pwony apire tek

- Ka ipur acalo biacara, ber me tyeko myeka biacara pi neno biacara mene tye imagoba.
- Myeka biacara myero odong apwod pe pur ocakere.
- Ber me ngeyo garama me pur pi unit acel acel me cem. Man konyi pe me tiyo loss.

# PWONY ME 5: Yero Biacara Akelo Magoba



## Kwen apwony ojengere iye:

- Tat yore me yero biacara akelo magoba kede nyam yore okene amyero tiye me temo kit tam me biacara romo cung atek medo iperakino.
- Mar pwonyo tic screening matrix me yero biacara akelo gen ojengere ikite me yero.



## Jami me tic:

Papara alac, alam maka

## TIC ME ATIA ME 1: Yero biacara akelo magoba



### Leyo lok igurupe atitino

1. Titi otinkwan ni tye jammi okene apat myeka me biacara ame iter bala gin apire tek ka otuno ikoro biacara ango amyero iyer.
2. Kel pwony itam me temo yero biacara apwod pe icako. Mi otinkwan nge ni pwony me tamo temo yero biacara tere ni obedo pimo me moko ka tam ame ikato kede rwatte me apur itic kede.
3. Pwony gi iyore adek me temo kede yero biacara arwatte. Ti kede coc ibuk pwonyere me niango citep acel acel.

## Coc Apwony

### Yore adek me temo kede yero biacara aber

1. **Diro kede gupo me tic:** Man obedo teko kede goro ame apur tye kede, ka otwero puru cem kare ducu. Apur myero kwed gin otye alwongo ni teko, goro, gum angole kede bura me ngeyo kwen ateko gi ocung iye kede yubere me tyeko peko me kwen agoro tye iye.
2. **Jammi me tic:** Man obedo tye ajammi me tic anwongere ikin callu, ikin lwak kede irijon amen gat acel acel romo tic kede me dongo biacara gi. Man dang neno lim apur.
3. **Miti a kastoma:** Man obedo cawa ame kastoma tye amito wilo ginapura. Neno kit ame biacara wao imiti adano kede ka jo bino mito wilo cem. Aporere, biacara ame konyo jo pe tye icawa ame miti a kastoma me wilo dwong iye. Miti a kastoma dang obedo pyem me biacara.



### Leyo lok igurupe atitino

1. Titi gi ni tye yore moro me tic iyore adek me konyo moko tam ka myero oyer biacara moro ni.
2. Go screening matrix (acal en atye ibuk pwonyere) iyi papara alac. Tii iyore adek ame opwonyo itic me atia malu nu kede yero magoba. Med jammi okene ame konyo iyero biacara aber, ka otinkwan okato iyore okene, bino bedo gin apire tek ame akonyo imoko tam.
3. Can piny biacara iporo kede magoba ame opwonyo ipwony 4. Peny biacara acel acel alubere iyore ame oyere kede. Ka yore nono nwongere, gwet yi canduk ame tye ite yore otio kede apat igweto biacara. ka yore otio kede pe onen, ngol kaba iyi canduk. Med wel ogweto ducu pi biacara acel acel. Biacara ame ogweto tye apol aye nwongo obedo biacara aber. Ti kede apor me screening matrix ibuk pwonyere me nyuti agam.
4. Iyonge neno adwogi, titi otinkwan me tito ka biacara agin oyero itic me atia okato anged acalo biacara aber aromo kelo magoba bino bedo ayot me gin ducu itimmo alubere screening matrix. Ka pe twere, titi gi me moko tam iyero kwon cem acel ame gin ducu oromo puru pi kelo *magoba*.

Biacara onyo tam me yero biacara	Yore me yero					Wel oribo ducu
	<i>Mio magoba</i>	<i>Diro kede gupo me tic</i>	<i>Jammi tic (jammi pur kede lim atye)</i>	<i>Miti a kastoma dwong iye</i>	<i>En okene</i>	
Gwoko gwen		✗	✗	✓		1
Puru soybeans	✓	✓	✗	✓		2
Puru pot dek	✓	✓	✓	✓		3
Puru nywagi	✓	✓	✓	✓		4

### Kwena pwony apire tek

- Biacara ducu onyo tam me biacara myero otem apwod pe ocako pi miyo opur moko tam atye atira.
- Temo tam me biacara moko tam aromo tic me cobo dongo biacara.
- Tye yore angwen (4) me temo tam me biacara aber. Man obedo 1) nwongo magoba; bedo idiro kede gupo me tic; bedo ilim kede ikommi; kede 4) miti a kastoma adwong me wil.
- Yore oken pwod oromo meddo ikom screening matrix/ yore me temo ka jo omoko karacel kun jengere ikare moro nono.

Ikop man apire tek, opur oyero biacara ame gin owot timo. Citep okene abedo kite me bedo agam ipeko acoro biacara i farm. Kwon ginapura mogo rwatte ipeki apol alo owote gi, ame ber me niango level me peki apwod pe icako donyo itimo biacara mere.

# PWONY ME 6:

## Pimo Peki Atye Ibiacara Me Pur



### Kwen apwony ojengere iye :

- Me moyo peki ame kemo biacara i farm kede kite me nwongo agamere.
- Me gecon peki apapat ame romo donyo i farm kede moyo peki akelo.



### Jami me tic:

Papara alac, alam maka, papara me coc, tape

## TIC ME ATIA ME 1: Peki atye ibiacara me pur



### Leyo lok igurupe atitino

1. Cooniyig lok magi i papara alac:
  - Peki angole
  - Tic ipeki angole
2. Kwa gi me tito ngo agin ongeon amako nyig lok magi. Rot agam gi kun itio kede kit ogonyo itergi icoc ibuk pwoyere piny kan.

### Coc apwony

#### Gonyo nyig lok apirgi tek

**Peki angole:** Obedo gin akelo rwenyo cente (loss) i farm.

Peki okene angole lo gupo apur, calo lokere awel icuk, cwe akot, ikin en okene. Akadi amanono, twere me bedo agam ipeki magi. Peki okene angole opur romo cobo calo moko tam ingo me apura, kwon ginapura amyero owil ote tic kede, ikin en okene.








**Agam me peki angole:** Kwanyo tyelo me dwoko piny rwenya acente i biacara. Obedo temo me dwoko piny adwogi me peki angole.

Ber me niang ni bedo agam me peki angole pe obedo medo malu rwom me cente ame onwongo ibiacara. Akadi amanono, opur myero bed agam me peki angole ibiacara me gengo adwogi arac ikom biacara.



## Leyo tam igurup

1. Pok yi akina otinkwan igurupe.
2. Titi gurup acel acel me kato kede peki angole ame rwatte kede kwon pur ame gin otye otimo kede ngo agin otimo me gengo. Tii kede coc ibuk pwonyere me telo leyo lok.

Peki angole	Yore me gengo peki angole
<p><b>Aloka loka me piny</b></p> 	<ul style="list-style-type: none"> <li>• Pur kwon cem akato acel i season</li> <li>• Bed yore apol me nwongo cente</li> <li>• Gwok pii pi gengo ryeny aceng onyo ti kede nyony me kiro pii ipoto.</li> <li>• Tiyi kwon koti akanyo ceng kede kudi</li> <li>• Ket koti piny con teki kot ocwe me acel</li> </ul>
<p><b>Kwo</b></p> 	<ul style="list-style-type: none"> <li>• Pung jammi iot/pung doggola</li> <li>• Pe iwot ijammi apirgi kede cente adwong ikommi.</li> <li>• Gwok cente ibank</li> </ul>
<p><b>Kudi kede twoe twoes</b></p> 	<ul style="list-style-type: none"> <li>• Tii kede kwon koti akanyo</li> <li>• Kir cem kede yat neko kudi kede two</li> <li>• Wil yat tucu leyi pi gengo two</li> <li>• Lweny irwenyo kudi kede two karacel apur obedo jirani ni</li> </ul>
<p><b>Mac</b></p> 	<ul style="list-style-type: none"> <li>• Gwok jammi akelo mac ipaco ni</li> <li>• Yik ka lweny ikom mac ikin cem kede paco</li> </ul>
<p><b>Ret me yoo</b></p> 	<ul style="list-style-type: none"> <li>• Kan cente me peko angole atura</li> <li>• Geng jammi akelo peko</li> </ul>
<p><b>Litkom</b></p> 	<ul style="list-style-type: none"> <li>• Kan cente me can angole atura</li> <li>• Gwok yotkom</li> <li>• Mar camo cem aber me yotkom</li> </ul>
<p><b>To</b></p> 	<ul style="list-style-type: none"> <li>• Kan lim me can angole atura</li> <li>• Gwok wat aber i wati kede owote</li> </ul>
<p><b>Aloka loka me wel</b></p>	<ul style="list-style-type: none"> <li>• Rot wel apapat</li> <li>• Tem me tic ikare aber me wilo jammi pur/ cato cem</li> <li>• Tem me gecko kit wel wil icuke tye awot kede</li> <li>• Wil adwong iwel ayot ite gwoko me acata iwel aber</li> <li>• Tem me keto kontrak bot owil me konyo iketo wel ape lokere</li> </ul>
<p><b>Peki ducu angole</b></p>	<ul style="list-style-type: none"> <li>• Mi wat aber iwati, owote kede jirani</li> <li>• Pulan onyo gwok cente pi jammi ape gengere angole</li> <li>• Bed ngat atye ingec (otimmo pwonyere apol, ngeo peki angole kede kite me gengo)</li> </ul>

**Nge man:** Opur acano kop apol akato magi. Cukuru cuny gi me tuco peki angole ame dwoko piny rwom me pur kede magoba. Migi dang otuc en agin orwatte kede acegi cegi kede kit otemo me tyeko peki magi pi gwoko magoba i farm.

## TIC ME ATIA ME 2: Pimo kede lweny ipeki angole



### Leyo lok igurupe atitino

1. Cwal otinkwan icitep abic me pimo kede lweny ipeki angole ibiacara itic coc ibuk apwony.
2. Ti icitep 5. Kwa okwan me konyi:
  - **Citep 1:** nwong peki angwen angole ame nen calo orwatte kede i farm gi.
  - **Citep 2:** nen adwogi me peki angole acel acel:
    - Adwogi me peko acel acel angole obedo ngo ka otimmere? (adwogi atye malu, adwogi idyere, adwogi apiny)
    - Peki me lim acalo adwogi me peko acel acel angole obedo ngo ka otimmer? (adwogi adit, adwogi okene, adwogi ape)
    - Ngo ame romo timmere ipeko acel acel angole ka otimmere?
  - **Citep 3:** ket irwom irwom adwogi me peko acel acel angole kun jengere ikweda otimo icitep 2 kede ka oye peki angole onyo pe omito kato agamere.
  - **Citep 4:** moo kite lweny ipeki angole.
  - **Citep 5:** Yik pulan neno peko angole acel acel.

### Coc Apwony

**Citep abic me pimo kede kato agam me peki angole ibiacara.**

1. **Nwong peko:** Bed ingeyo peko aromo ngole te balo biacara.
2. **Nge adwogi mere:** Nge kit peki timmere kede adwogi me peko acel acel.
3. **Ryeyo rwom me adwogi mere:** Mok peko mene angole ame cok timmere kede en arac alo. Mok peko mene ajo ye kede mene akite tek amyero olweny iye.
4. **Lweny ikom peko:** Go pulan me lweny ikom pako arac angole ibiacara.
5. **Neno kede wopo yore:** Peki ducu angole ame onwongo myero onen iwang abit, omo yore kede orot.

## Kwena pwoy apire tek


- Biacara ducu rwatte ipeki angole. En okene temo gengere, mogo pe twere. Akadi amanono, peki angole agengo tek pwod dang oromo lweny iye me gengo.
- Ber me nwongo peki angole ame okemo biacara kede keto pulan me lweny iye pi dwoko gupo mere piny.
- Peki angole oromo pimo gupo mere eka ote lweny iye itic citep abic: 1) nwongo peko; 2) ngeyo adwogi mere; 3) cano rwom me adwogi me peki angole; 4) lweny ipeko angole; 5) neno kede roto yore.

Man obedo pwoy me agiki i Module 1. Pwoy me 6 obedo pwoy omeddo me miyo apwoy juru ka tye irwom me pwoy. Tye jammi me apwoy adwong alo pwoy me opur atitino. Ka cunyi winyo ni opur atye iot tye idiro me ngeyo pwoy man, wek mede anyim me tic ipwoy me miyo pwoyere ipwoy abino.



# PWONY ME 7:

## Dongo Pulan Me Biacara Me Pur



### Kwen apwony ojengere iye:

- Me pwonyo kite me yiko neno kede miti ame biacara acung iye.
- Me yiko pulan me biacara i farm pi koro biacara ame iyero.



### Jami me tic:

Papara alac, alam maka, Annex 8

## TIC ME ATIA ME 1: Kite me yiko neno



### Leyo lok igurupe atitino

1. Acalo otinkwan tye ingec amako koro biacara me pur ame gin otye otimmo, mite me gin icako keto pulan me kwon pur acel ame gin omito cako.
2. Titi okwan ni ka omito cako, myero oket neno kede miti pi biacara ame gin otimmo. Ti kede coc ibuk apwony atye piny kan me tito iyore yore ngo ame miti kede neno ame biacara ame iyero ocung iye aporere nywagi.
3. Kwa otinkwan me tic kengi kengi, kun ngat acel acel kato kede neno kede miti me cako biacara ame gin owot timmo.

## Coc Apwony

Bedo **ineno** tere ni obedo tamo kop ame imiti ni icung iye. Tere ni obedo keto pulan pi anyim aber me kwo adano onyo biacara.

**Apor me neno:** iyonge mwaki 3, nywagi na akelo magoba kede amiyo cem adwong pi jo paco na kede me acata pi nwongo lim ame acato pi mwaka acel ate tiyo magoba me 4,000,000/=.

**Goal** obedo miti ame itye imito cobo ikin kare acecek onyo abor. Goal obedo pat me neno, ento en kobo kan aler. Goal oromo coyo i pulan me biacara pi konyi mako tic ame itiyi kede me konyo jo okene ngeyo ngo imito timo.

**Apor a goal:** ameddo magoba me biacara me nywagi na ibeo imeddo puru cem wek dwok piny loss.

Mi otinkwan cawa me kato ineno kede gin omito timo pi biacara oyero me timo ite yub me yero kwon biacara acel.



## Leyo lok igurupe atitino

1. Acalo okwan oyero biacara medo iketo piny neno kede ngo omito timo pi biacara, pwod oromo gini keto pulan me biacara.
2. Peny, ngo obedo pulan me biacara i farm? Nga amyero dong pulanere?
3. Mi otinkwan kopi me Annex 8: pulan me biacara oyiko ipapara kede tergi ikwon pulan me biacara apapat. Tii kede apor me pulan me biacara ibuk pwonyere me telli.

## Coc Apwony

Titi otino kwan ni ka ipur acalo biacara, ber me cobo myeka biacara pi neno kwon biacara pur akelo magoba. Myeka biacara myero odong apwod pur pe ocakere. Iyonge nwongo kwon biacara imito timo, pulan me biacara myero odong pi miyo tic aber.

**Pulan me biacara** obedo balu ame gwoko rikod me tam abeco ame omoko kede gin atye abalo tic biacara i farm. Obedo yore me neno ni itimo gin amyero itim, kede otimo iyore ame mio farm magoba.

**Pulan me biacara ogwao jammi magi:** kit icako kede, pulan me pur i farm, pulan me cuk, magoba, tye acente, peki angole.

### Ber agoyo pulan me biacara:

- Nyutu miti me dongo biacara
- Nyutu pat amyero oyub aber
- Orimi tic kede me gamo lon pi cuburu biacara.
- Konyo imoko tam ka ce myero iket cingi i kontrak onyo pe, kede owil.
- Nyutu kwen ame peki angole atuc iye kede kite me tyeko con.
- Nyutu kit biacara tye adongo alubere imiti ame ocoo piny.

## Pat me pulan me kwon cem iyero me biacara – Aporere

Kwon cem: **Nyanya / Tonggweno / Nywagi**

Nino oyubo iye: **Jan 20, 2020**

### 1. Wie wie ikomi :

Nying	Wangtic/District	Cawa me pulan
Joseph Otema	Gulu	Feb 1, 2020 – Sept 30, 2020

**Neno me kwon cem iyero me biacara:** *Iyonge mwaki 3, nywagi na akelo magoba kede amiyo jo tura nywagi adwong me acama. Amiya kare me catto ate nwongo magoba me cilling 4,000,000 UGX mwaka imwaka.*

**Miti me Biacara:** *Amedo malu magoba me biacara nywagi ibeo imedo rwom me koti kede dwoko piny rwenyo acente. Iyore ango? Atic ikoti ibot ocat koti ame cato en arwomere tye malu, kede kudi kede two pe balo.*

### 2. Pulan me biacara pur:

Cem/puru pot dek			
Kwon cem	Eria (ekcac)	Output (kg/acre)	Wel onwongere ducu
Nywagi	Ekkac 2	1,000 kilo/acre	Kilo 2,000

### 3. Pulan me cuk:

Biacara	Cuk cat	Owil	Rwom ogeco me cato (units)	Wel cuk (UGX/unit)	Wel me cate (UGX/unit)	Wel cat icuk (UGX/unit)
Nywagi	Star market	Ocen	Kilo 1,500	1,000 UGX	50	800

### 4. Biacara akelo magoba

Nwongere acente			
Jami oryeo piny	Dwongere	Wel cuk (UGX)	Wel duc (UGX)
Nywagi	Kilo 1,500	1,000 UGX	1,500,000
<b>Wel cente obino icaio</b>			<b>1,500,000</b>
Wel aloloka			
Jami oryeo piny	Dwongere	Wel acel acel (UGX)	Wel duc (UGX)
Koti	Kilo 50	500	25,000
Fertiliser - Urea	Puku 1	7,000	7,000
Fertiliser - DAP	Puku 1	35,000	35,000
Garama me pii	Cawae 10	4,000	40,000
Pango otic opito koti	Cawae 8	4,000	32,000
Pango otic okwanyo cem ipoto	Cawae 8	2,500	20,000
<b>Wel garama aloloka ducu abedo</b>			<b>159,000</b>
<b>Magoba ikwon cem oyeru= (wel cente onwongere – wel garama aloloka)</b>			<b>1,341,000 UGX</b>

## 5. Cente atye:

Tic me atia	Dwe me 9	Dwe me 10	Dwe me 11	Dwe me 12	Dwe me 1	Dwe me 2	Dwe me 3	Dwe me 4	Dwe me 5	Dwe me 6	Dwe me 7	Dwe me 8	Wellere ducu
<b>Keto cente itic</b>													
Cem ocato										5900			5900
<b>Total Cash Available</b>										5900			
<b>Wel cente atye</b>													
<b>Keto cente itic</b>													
Wilo koti			500										500
Wilo fertiliser			500										500
Wilo yat kiro kudi				200									200
Pango otic		900	900		540				900				3240
<b>Wel cente ducu amite</b>		900	1900	200	540				900				4440
<b>Cente owoto</b>		-900	-2800	-3000	-3540				-4440	+1460			+1460

## 6. Ikweda ipeko angole:

Peki angole	Kite me tyeko peko angole
Cem me produce romo bale iyo icawa me tero me acata te miyo wile iwel agede.	Nen ni opiko cem iyi puku iyore ame ogwoko aber.
Wel cuk romo poto piny, man te kelo magoba atitidi.	Medde iyubere me kuru aloka aloka me wel icuk kun imoko kit icato kede, kede wel adi icawa awel odok piny.



## Tic adano acel acel

1. Titi otinkwan acalo oniang gini guti me dongo pulan me biacara, owot gini odong pulan me biacara pi kwon cem ame gin otye opuru kun otio apor omio malu nu.
2. Kwa otinokwan me tic Annex 8 pi yiko pulan me biacara otio ipapara ame oyubu.
3. Cukuru cuny otinkwan me medde iroto pulan me kwon cem ame gin otye opuru pi biacara naka wang ame omoko gini nimano, obedo kit agin omito ni bed kede. Gin myero obed agonya me penyo tam onyo nwongo ngec ibot apwony icawa moro keken.

### Kwena pwony apire tek


- Opur myero ket neno gi kede ngo agin omito timo pi kwon cem agin oyeru me puru kede dang ibacara me farm alutu.
- Opur myero yik pulan me biacara pi konyo icobo miti me gin agin otye igen me nwongo iya ipuru kwon cem ame cunyi oyeru.

Ka otino otyeko ticgi, pwo gi pi tyeko pwonyere i module me acel kede dongo cogo-cogo pulan me biacara me farm gi. Cukuru cuny gi me medde iroto kede bebea ikwano pulan me biacara me farm naka wang ame oneno gini ni tye awot aber alubere imiti gi.

I Module me 2, obino gini jengere iber agwoko rikod kede koro rikod ame opur myero gwoki pi biacara gi me pur. Rikod obedo gin apire tek pi pur acalo biacara pien konyo apur gwoko rikod me garama, cente odonyo ite cao kede magoba, ikin en okene. Rikod konyo opur imoko tam aryeko tye iye amako biacara me pur me wek omed malu magoba gi.

# Dul Me 2:

## GWOKKO REKOD ME BIACARA



### Miti apwonyere man:

Gwokko rekod pire tek pi opur ame tero pur gi acalo biacara pien myero gin ogwok coc olil me mokko tam opore akwako biacara. Biacara ducu, akadi tino onyo dongo, myero gwok irekod, me wek ongee gini ka otye onwongo magoba onyo garama. Gwokko rekod yot ka itimo kara i kare abongocot. Ka myero ipur pur me biacara, pire tek ni imok tam ikom ngo ame imitto puru. Ka imitto biacara me pur, mok tam kong ikom ngo ame imitto puru, gwok rekod apapat kit ame ineno kede i Dul nama 1 ca. Rekod me goyo bajet, goyo pulan, kede ngiyo wel aye konyi me nenno biacara mene ame kelo magoba.

Gwokko rekod aber dang konyo opur ka onyo omitto gini denno cente i bot Bank. Dul ame mio cente, acalo Bank mito ni kong onen gini rekod me pur eka ote mokko ka myero omi gini apuri cente kede cilling adii. Pol a Bank pe mio opur cente ka onwongo ni rekod ni pe olil, onyo ka ipe kede pulan me biacara. Dul man ngio ber a gwokko rekod kede kwone rekod apapat ame mitte pi biacara me pur. Dul man tye kede pwony 2: Niang ber a gwokko rekod kede kwone rekod apapat ame mitte.

## Pwony Ocano Piny:

**Pwony me 1:** Niang ber a gwokko rekod (wang cawa 1)

**Pwony me 2:** Rekod ame biacara acel acel myero bed kede (wang cawa 2 i nucu)



### Neno i pwony man:

Ame kwan i dul man atum, jo ame tye i kwan myero bed i ngec i kom jami magi:

- Niang ngo omio biacara myero gwok rekod.
- Tit kit rekod apapat ame biacara me pur myero bed kede.
- Niang oote ketto i tic, kop me gwokko rekod iyo apapat.



### Jami me pwonyere ame amite:

- Paper, alam marker, celotape, buk me coc kede alam.
- Jami me anena (Annexes 9-12)







### CAWA 3.5




# PWONY ME 1:

## Niang Ber a Gwokko Rekod

			
Dwong ocato	40,000 UGX	80,000 UGX	30,000 UGX
Welere	10,000 UGX	15,000 UGX	5,000 UGX
Magoba	30,000 UGX	65,000 UGX	25,000



 CAWA 1



### Kwen apwony ojengere iye:

- Me niang ngo omio opur okene pe gwoko rekod.
- Me niang ber a gwokko rekod.



### Jami me tic:

Papara, alam, Annex 9 and 10

## TIC ME ATIA ME 1: Ber a gwokko rekod



### Tuku me nywakko tam

1. Jol otino kwan in dul me 2 me Pwonyo diro me biacara - Basic Economic Skills Training.
2. Wek jo gure ame omako cing gi pi tukku tuku me “bayo odilo” Ka ngat acel omako odilo, en nywakko ginoro acel ame en poyo i Dul me 1. Ka otyeko, en bao odilo bot ngat okene, ngat ca dok te kobbo gin ame en poyo. Man myero meddenaka jo ducu loko.
3. Ni ni okobo gini pol jami ame opwonyo i dul me 1.
4. Kob i gi ni i dul me 2, obino nyammo gini ber a gwokko rekod kede kwone rekod apapat ame twero wekko biacara gi wok.



## Leyo lok igurupe atitino

1. Coo jami ary ni i kor bao:
  - Rekod
  - Gwokko Rekod
2. Peny otin kwan me otit kit ame gin oniang kede tyen lok magi. Rot agam gi kun itio kede coc a apwony ame tye piny kan ni.

### Coc apwony

**Rekod** obedo anyut me gin ame otimere, ngo ame tye atimere onyo ngo ame igeno ni bino timere. Twero dang bedo coc ame moko gin ame okobere kede nga ame okobo.

**Gwokko rekod** obedo coyo jami ping, eka ite wot i lokko ka alokaloka tye. Rekod me biacara otwero coyo i buk, iyi kompiuta onyo i kor bao tekki ka twero bedo aber.



## Nyutu tuku 1

1. Kob i otino kwan ni oneno gini tuku goga ame pwonyo ber a gwokko rekod.
2. Nwong jo 2 me jalle. Mii gi coc me goga ame tye i Annex 9: Tuku goga i kom gwokko rekod. Wek gi tuk tuku ni.
3. Inge tuku, peny jo ducu apeny magi. Tii kede coc i bokci piny kan ni me telli i kom agam.
  - Ipwonyo ngo ikom tuku goga man? Gwokko rekod pire tek pingo? What have you learned from the role play?
  - Ngo amio opur pe maro gwokko rekod?



### Coc apwony

Ngo amw ipwonyo i kom tuku man? Gwokko rekod pire tek pingo?

- Gwokko rekod obedo tic a jo i paco ducu.
- A clear plan of spending should be well-known and written down for all.
- Rekod weko peko me cente pe cungu wii.
- Konyi me ngeyo ciling adii ame igamo, adii ame itio kede kede ngo ame itimo kede.
- Itwero neno pur mene ame keli magoba kede mene ame obedo garama.
- Itwero poyo jo mene ame oden cente boti kede jo mene ame yin itye kede cene gi.
- Itwero ngeyo jami tic mene ame itye kede, kede jami me acata arom mene ame idong kede.
- Itwero poyo awene ame kot cakere iye te gik iye, meddo kede rwom me kot ame cwee i kare moro ni.
- Itwero poyo nying kede nama cim a jo ame wilo wil boti kede jo ame yin iwilo jami bot gi.

### Ngo amio opur atitino pe mito gwokko rekod?

- Jo okene tamo ni pien biacara gi tino tutwal, kony a gwokko rekod pe.
- Gin pe ngeo ber a gwokko rekod.
- Jo okene nwongo pe ngeo coc, dong mio gwokko rekod tek. Opur okene nwongo pe ngeo coc ento dang pe oyee ni jo kene kony gi.
- Jo okene wac kom aye yelo gi, pe omito ballo gupu gi.
- Jo okene nwongo ni biacara gi gite tye atimmo aber abongo naka gwokko rekod.
- Jo okene tamo ni otwro poyo jami ducu iwi gi abongo coyo ping.

## TIC ME ATIA ME 2: Gwokko rekod me neno ka magoba tye



### Ceko D

1. Pokotino kwan i gurup atitino ite miyo gi Annex 10: Story D.
2. Kwan ceko man karacel ked gi igugup gi.
3. Inge kwanno ceko man, wek gi nywak tam i kom ngo ame otimere iyi ceko man, kun ipenyo gi apeny magi.
  - a. Itamo ni Adwong Okwang kede dako mere onwongo tye agwokko rekod ikare ame pwod pe onwongo gini pwoyere?
  - b. Itamo ni ngo onwongo twero timere arac ka onwongo gin pe omoko tam me cakko gwokko rekod?
  - c. Gwokko rekod okonyo gi me niango kede yubbubiacara gi iyore mene?

### Adwong Okwang kede cege gin roto kit ame biacara me poto gi tye kede

#### Part me 1:

Okwang kede cege obedo gini opur i tumalo me Uganda. Gin puru atungulu, nyanya kede amaido. Gin tye i gurup opur i calo gi. Inino moro acel, apwony opur obino me lok ked gi i kom gwokko rekod. Okwang kede cege onwongo ngec atut ikom gwokko rekod apapat me biacara.



### Part me 2:

Okwonga gi con onwongo gi pe ogwoko rekod, ento onwongo otye kede miti me temmo. Ikare acon onwongo gi opuru jami gi ka, abongo paro ciling adii ame gin obalo i pur onyo ciling adii ame gin onwongo ikom catoo jami gi.

Ocako gini i rekod me cente ame otio kede kede cente ame onwongere pi jami gi 3 ni.



### Part me 3:

Oyotoyot, Okwangs gi oniang ni gwokko rekod kara ber. Owilo gini jami apol, acalo ba koti, yat me kiro poto, kede jami tic. Onwongo gini ni poyo jami ducu tek ka imako iwii ame pe icoo piny.

Gwokko rekod okonyo gi ikare ame atic hi acel okobo ni en pwod ete ekuru ocaro mere. Okwang otamo ni eculu dano ni oko. Dako mere te kobbe ni kong engii te buk. Ikare ame Okwang oneno te buk, onwongo ni rekod me cul gite pe. En te kwayo kica bot aticcere ni, te culle. Atic ca yie obedo ayom me nwongo ni Okwonga gi gwoko rekod aber.



### Part me 4:

Ikare ame gin okwanyo cem gi ducu oko i poto gin otemmo ngiyo rekod me onen magoba ame onwongere. Igum arac, obedo kede wur ne nwongngo ni nyanya kara pe okelo magoba akadi acel. Onwongo gi opuru nyanya kit ame didik opuru kede, ento onwongo gi pe oniang ni nyanya kara pe kelo magoba bala amaido. Piman gin onyao poto amaido eka ote cakko yenyo yoo me wekko nyanya kelo magoba.



## Coc apwony

- a. Twero bedo ni anaka gite pwod pe opwonyo gini gwokko rekod. Twero bedo ni pe ongeo gini ber a gwokko rekod. Twero bed ni otamo ni otwero makko rekod me cante ame gin obalo kede en ame gin onwongo iwi gi.
- b. Kono odaa kede atic gi. Kono omedde gini puru nyanya pi mwakki apol okene ote medde i loss ka onwongo rekod pe.
- c. Okonyo gi me nenno cente ducu ame obino icing gi kede en ame gin obalo, me konyo biacara mene ame kelo magoba. Okonyo gi dang me mokko tam gi me kelo alokaloka me puru gin ame kelo cente bala amaido kede nenno yoo me yubbu puru nyanya.

## Kwena pwony apire tek

- Wii pe twero makko ngec ducu me biaara ni. Myero icoo jami ping me wek ipoyo aber.
- Gwokko rekod pire tek pien konyi me mokko tam ame yubu rwom me biacara ni. Konyi me ngeyo mene ame tye atimmo aber kede mene ame amitto alokaloka.
- Coyo jami piny konyi me pe bedo i rucucucu ikin yin kede otic onyo jo turi.
- Opur ducu ame biacara gi obedo pur myero ogwok gini rekod aber.

Dul anyim kan ni obedo kit rekod apapat ame opur myero gwoki.





### Kwen apwony ojengere iye:

- Me ngiyo rekod apapat me pur ote temmo coyo.
- Me ngiyo dwe pur pi gin apita acel acel ote temmo coyo.



### Jami me tic:

Papara, alam, Annex 11, 12

## TIC ME ATIA ME 1: Gecco kit rekod apapat



### Leyo lok igurupe atitino

1. Kob otino kwan ni gin dong oniang oko ikom ber a gwokko rekod. Aman dong omitto ni otemnenno kit rekod apapat ame apur myero gwoki.
2. Tel jo me nywakko tam ikom kwone rekod apapat ame otino kwan ngeo. Tii kede coc a apwony i piny kan ni me gecco agam gi.

### Coc Apwony

Kwone rekod apapat me biacara

- Rekod me pur
- Rekod me gin acama paco
- Jami me tic i poto (Rekod me lonyo ni)
- Cente ame inwongo (in-flow)
- Cente ame ibalo (out-flow)
- Calendar me pur kare ikare

## TIC ME ATIA ME 2: Kwone rekod me biacara



### Leyo Tam Igurup

1. Pok otino kwan i gurup apapat. Gurup acel acel myero bed kede papara ame coc me Annex 11 tye iye: Apor apapat me rekod me biacara.
2. Wek ngat acel acel niang rceord acel kun tio kede apor ipiny kan ni.
3. Inge ngiyo coc me rekod acel acel, amema myero tem coyo megekene kun pongo yii form kede coc awopere kede ngo ame tye i farm gi acel acel.
4. Wek joni ducu gwok rekod magi paco bot gi mw wek ongii gini kor biacara gi i diro.

### Buk rekod pi biacara me pur

Man nyutu kac ame inwongo inge kare moro ni. Man ber icoo inge kac ka pi gin apita. Ka pi lee myero bed cabit i cabit, dwe i dwe onyo inge dwe adek adek.

Biacara	Dit a lobo (acres)	Nino me pito	Dwong a koti opito	Gen me adwogi mere pi acre acel	Nino me kayo	En okao ikokome (tons/ kgs/bags)	Dwong ocatu	Ngec acego
	1	12/3/2019	Kilo 50	Kilo 1,250	23/7/2019	Kilo 1200	Kilo 1,000	Otiyo kede moc cam ame romo kilo 35
	2	14/3/2019	Kilo 40	Kilo 500	2/7/2019	Kilo 800	Kilo 700	Opito icen
	1	27/3/2019	Kilo 10	Kilo 500	2/7/2019	Kilo 180	Kilo 150	Obalere oko pi kwidi

### Rekod me cem I paco



Rekod me jami otio kede paco otio kede me gwoko wel gin apura ame apur tio kede iyi ode, nyo mio jo-ode nyo owote mere nono. Rekod man dang kwako nyig cem ame obale nyo orweny ikare ame okwanyo i potu ote gwoko. Miyo jo nyig cem nono mio apur nwongo cente anak, dong ber me ngiyo kwene ame nyig cem owoto iye. Gwoko rekod me cem ocamo paco kede omio jo okene nono ame oketo wel iye bino konyo apur me yiko kit ame itio kede nyig cem. Poore me gwoko rekod me jami magi ninio-i-nino wek wii pe wil.

Biacara	Nino dwe	Dwong ame Ogwoko pi tic paco	Welere (UGX)	Welere duc	Lok
 <b>Ocere</b>	20/08/2019	Kilo 2	3,000	6,000	Omio i cukul a wode
	21/08/2019	Kilo 10	3,000	30,000	Omio Amin-totere
	22/08/2019	Kilo 100	3,000	300,000	Yiko lyel paco
	20/08/2019	Kilo 20	3,000	60,000	Omio aminere
	20/08/2019	Kilo 50	3,000	150,000	Obale pien pe ogwoko storage
<b>Wel duc</b>		<b>Kilo 182</b>		<b>546,000</b>	



## Jami tic (Rekod me jami-atye)

Rekod me jami atye konyo apur me poyo awene kede pi wel-mene ame ewilo kede gi-ticere. Konye dang poyo awene amyero eyik nyo elok-gi. Apor a jami magi obedo kweyi, lee, apwod piny, panga, kweri-dyang, opik, tunabali, puku, gadi gadi ikin mogo.

Kop ikome	Nino dwe owilo	Namba-gi	Welere (UGX)	Kare me ticere	Lok
 Lee	Jan 1, 2018	1	12,000	Mwaki 4	Owilo i duka pur
 Kweri	June 1, 2019	2	24,000	Mwaki 2	1 amito pur

## Rekod me Cente/Cat (en abino)

Rekod me jami ocato otio kede me gwoko ngec ikom cente ducu ame apur nwongo. Rekod man konyi ngeyo kit joo mene a wilo jami-ni, ikin kare mene i mwaka, i rwom mene kede kwon ngo ame jo maro.

Kop ikom jami-atye	Nino dwe owilo	Wel ame owilo	Wel nyige (UGX)	Gen me kwo mere apwod tio	Kwon awil	Kite me cul
Nywagi	6/9/2019	Kilo 50	1,000	50,000	Acat gali	Cente akome
Nywagi	15/9/2019	Kilo 500	1,100	550,000	Acat awuyo	Cente me cim

## Garama/Rekod me cente awot oko

Man obedo rekod me cente duc ame apur tio kede ikare me puro kede cato wit cem. Rekod me cente aen nwongo kede tio kede pire tek pien gin aye bino miye ngeyo ka tye anwongo magoba nyo pe. Man pire tek me apur coyo piny nino duc. Gwok Rekod me cente ame otio kede ikom wit cem acel acel wek ibed ingec olil.

Biacara	Nino dwe owilo	Gin owilo	Ditere	Welere (UGX)	Lok
	20/01/2019	Koti	10kg	40,000	Owilo i duku pur
	21/02/2019	Fatilaija	Cao 1	50,000	Owilo i duka pur
	22/02/2019	Puku	Cao 20	10,000	Puki me gwoko jami
	20/03/2019	Jo opito koti	Jo 2	20,000	Akin paco
	20/03/2019	Wot	1	5,000	Otio i bodaboda
<b>WEL DUC</b>				<b>125,000</b>	

Rekod me cente abino kede men awot oko obin oneno oko i Modul me 1, topik me 4 (dongo bajet me jami). Iyi ageyi, nwo otio kede me goyo pulan me anyim kede yero kit jami ame romo kelo magoba. Aman dong otio kedgi me gwoko rekod kit ame biacara tye awot kede.

**Nge man:** Reko magi duc imaloni pirgi tego bot apur wek biacara mere me pur wot apwot. Biacara me pur duc atye atimo aber myero gwok rekod me cente agin nwongo kede cente awoto oko wek gin onge ka otye onwongo magoba atiratir. Rekod man myero gowk nino-i-nino ikom wit cem acel acel.

## TIC ME ATIA ME 3: Kalenda me cem acek kare i kare



### Leyo lok igurupe atitino

1. Kobi otin kwan ni rekod okene apire tek amyero gin oyik kede ogwoki dok obedo rekod me cek acek kare ikare.
2. Nyuti-gi annex 12: Apur a kalenda amaido ame cek kare i kare
3. Peny-gi apeny magi. Tii kede bokci Apwony iping-ngi me cwako agam-gi
  - Kalenda me kare ikare en ngo?
  - Yore mene ame kaelndaa me kare i kare twero konyo kede apur igwoko/tic i cente mere?
  - Yore mene ame kalenda me kare i kare twero konyo kede apur nwongo jami amite me tic?
  - Yore mene ame kaalenda me kare i kare konyo apur medo rwom me jami mere?

### Coc apwony

- Kalenda me kare i kare obedo yore me nyutu kan aler kit tic me pur ango amyero otim iyi akina kare apapat iyi mwaka wek apur ka kac abup.
- Man konyo apur me neno awene ame tic apapat myero otim. Gin dong oromo myeko wel cente adi amite me konyo gi ikin dwete apapat wek ocul ijami atiyi. Romo dang konyo gi ngeyo awene amyero oden cente, wek ongi gini anyim eka ote penyo pi lim adena con.
- Konyo apur me neno awene ame tic amito jo myero tim, wek en yik me nwongo jo aromo tiyo tic magi.
- Romo dang konyo nyayo rwom me kac pien apur nwongo oyikere me tiyo kwone tic apapat con (pit con, kiro yat kudi con, kayo cem con, etc)

Kalenda me kare i kare myero go ame kare anyen pwod pe ocakere nyo iyi acaki mwaka. Opur myero ket kalenda me kare i kare pi wit cem ducu agin opuro. Kalenda man romo konyogi goyo pulan aber pi kare naca amio gin onge awene ame tic acel acel me pur myero timere iye kede otic medo kede cente ame tye pire. Goyo pulan man medo rwom me kac.



## Leyo Tam Igurup

1. Pok jo i gurup. Kobi gurup duc me kato kede kalenda me kare i kare pi wit cem ayi gi omito
2. Gurupe myero cak leyo tam cako i kare ame kot oero cwer i kabedo-gi
3. Eka ote ngiyo gini kwon tic ducu amyero timere iyi akina kare no (lwero bung, pito cem, doyo cem, etc)
4. Kobi gurup acel aaacel me:
  - Keto nino dwe ame gin acel acel myero timere pi wit cem acel acel i kot me acel me mwaka.
  - Go kalenda me kare i kare, aporere me Amaido i Annex 13. Gin myero oti kede kaka jami amyero otim kaede dwte/ nino alubere kede wit cem agin oyo.

JAMI ATIYE	KARE ME ORO				KOT ME ACEL			KARE ME ORO		KOT ME ARYO		KARE ME ORO		
	Dwe me angwen	Dwe me abic	Dwe me abicel	Dwe me abiro 1st-15th	Dwe me abiro 16th-30th	Dwe me aboro	Dwe me abungwen	Dwe me apar	Dwe me apar wiya acel	Dwe me apar wiya aryo	Dwe me acel	Dwe me aryo	Dwe me adek	Dwe me angwen
Goyo pulan														
Lwero bung														
(pwodo nyo kiro)														
Pur me acel kede keto TSP/ SSP														
Pur me aryo														
Pito														
Doyo														
Doyo me aryo kede keto CAN														
Lweny ikom kudi kede two														
Kayo														
Twoyo														
Gwoko														
Cato														

### Kwena pwony apire tek

- Rekod myero bed ayot aromo kwane.
- Rekod myero bed me kony bot opur.
- Opur myero tyek keto i rekod-gi cutu iyonge ikato kede ngo me atima, ka pe wii-gi bino wil
- Opur atinio myero bed i rekod abic wot anyim; 1)rekod me kac; 2)rekod me cem i paco; 3) rekod me jami atye; 4) rekod me cente/cat; kede 5)rekod me cente otio kede.
- Ka opur okene tye i peko i gwoko rekod, myero openy gini jo okene wek konygi nyo gin myero ye me rwate kedgi ote nwongo kony calo gurup.
- Jo-ducu myero tem me coyo rekod kun otio gini kede apor ame tye i Annexes pien rekod oromo niang aber ka oketo itic.

Man obedo dul kop me agiki i modul me 2. I modul me 3, obino neno yore me gwoko cente apiri keni. Opur myero nge yore me bedo aryek ikom cente ka myero gin olony ipur, omi jami pi udi-gi kede dang okwoo kwoo aber. Obino miyo pwony apol kite me kato kede neno pi dano acel acel kede dany myeka, gwoko kede nyayo lim me tuno kana wan omito.

# Dul Me 3:

## YOORE ME TIC KEDE CENTE



### Miti apwonyere man:

Miti a modul me yore me tic kede cente tye me miyo okwan ngec ikom yore ame oromo kato kede neno me nwongo lim kede kwanyo tyelo tyelo (calo kato kede myeka, kano lim, nyayo lim kede gamo lim adena iyoore opoore) wek gin otun ingo omito. Miti mere tye me konyo opur gwokere i can apoto irwenyo cente acalo adwogi me pe yubere, gwoko kede tic i limgi kede nyayo limgi iyore apapat kede gamo lim adena.

## Pwony Ocano Piny:

**Pwony me 1:** Gwoko lim paco (cawa 1.5)

**Pwony me 2:** Kato kede myeka me cente i paco (cawa 2)

**Pwony me 3:** Gwoko kede nyayo lim (cawa 2.5)

**Pwony me 4:** Ka nwongo cente me culu i biacara me pur (cawa 2)



### Neno i pwony man:

Iyo agiki me modul man, okwan myero twer:

- Niango tyen lok me gwoko lim kede kite me kato kede neno me nwongo lim
- Go myeka pii ode wek ejog lim dwe id we
- Niang te ngiyo yore apol me gwoko kede nyayo lim
- Niang ticere kede ngo amyero etim ikare me nwongo lim adena
- Kato kede magoba ame oya i kom lim adena



### Training Materials Needed:

- Papara Flipchart, alam marker, odok masking tape, buke coc kede alame
- Jami me konyo neno (Annexes 13-16)
- Odilo nyo ginoro okene ame oromo coro abongo peko (cupa pii ayie noono, papara ame odolo calo odilo, etc)



### Cawa 8

# PWONY ME 1: Gwoko Lim Paco



## Kwen apwony ojengere iye:

- Me nyuti ngo a gwoko lim obedo
- Me pwonyo kite me keto neno me bedo i lim



## Jami me tic:

Papara Flipchart, alam markers, odilo nyo ginoro ame oromo bayo, Annex 13

## TIC ME ATIA ME 1: Nyuto kite me gwoko kede bedo ineno ikom lim



## Leyo lok igurupe atitino

1. Jol okwan i modul 3 me pwony ikom ngec acegocego i yore me biacara.
2. Mi okwan nge-ni ibino leyo kedgi atutut yore me gwoko lim.
3. Mi jo-ducu gure ote tuku tuku me “Toss the Ball”. Mi apeny ite bayo odilo bot akwan. Ka akwan omako odilo, gin myero onywak agam me apeny. Gin dok myero ba odilo bot dano-okene me nywako agam-gi. Mede kiti naka wang ame jo duc obedo ikare me gamo apeny.



4. Tii kede kodi apeny magi i tuku me “Toss the Ball”. Tii kede coc Apwony me konyi i leyo tam.
- Iniang ni ‘gwoko lim’ obedo ngo?
  - Iniang ni ‘bedo i neno me lim’ obedo ngo?
  - Ngo ame ‘goyo myeka pi lim’ obedo?

## Coc apwony

### Iniang ni ‘gwoko lim’ obedo ngo?

Lim obedo ginoro keken akwako cente.gwoko lim kwako nwongo eka ite bedo kede neno pi lim, kun ikato kede pulan pi kit ame neno magi romo cobere kede yore iyore kun ikato kede myeka ikom jami atye wek konyi iyoore me tic i lim. Man dang oromogonyo dok ni obedo yore me tic i cente iyore aber.

### Iniang ni ‘bedo i neno me lim’ obedo ngo?

Neno me lim obedo jami ayiwa amito ni cobere i kwowa ame mito cente. Man romo bedo neno me wilo ginoro pi paco calo TV, neno me roco jami atye paco calo culo kwan nyo gero ot, nyo cako nyo roco biacara.

### Ngo ame ‘goyo myeka pi lim’ obedo?

Myeka pi lim obedo gin ame otio kede me moko tam me gwoko kede nyayo cente me cobo jami me anyim-wa.man olwongo ni myeka me lim.



## Ceko E

1. Pok okwan i gurupe ite miyo-gi pot papara me Annex 13: ceko E.
2. Kwan ceko karacel kedgi i gurupe-gi.
3. Peny gurupe me nwyako ngo otimere iyi ceko kun itio apeny man.
  - Ngo ame Okello kede Abalo otimo me gwoko lim-gi?

### Ngec Okello kede Abalo ikite me gwoko lim

Okello kede Abalo onyomere. Gin omaro nywako lok ikom yiika-gi me anyim. Gin otye omito ni otino-gi wot i kwan. Gin otye omito ropo wii-ot gi ame kot pwod pe odwogo. Gin dang otye omito wilo dyang me wek ocak gini miyo otino-gi mato cak kede dang wilo lobo pi nyayo lonyo-gi.gin dang otye omito ni banya-gi bed anonok.

Gin omoko tam karacel me neno yore me nwongo jami a gin omito. Me acel, gin oneno ote coyo piny nying jami ame tye botgi.gin ote donyo kede myekaikom lim a gin otye onwongo kede otye otic kede pi dwete apol wek gin onge kokom cente adii ame gin onwongo ote tic kede. Gin ote kato kede wel me nwongo jami ayiigi tye amito calo culo kwan, roco wii-ot, wilo dyang kede wilo lobo.





Gin omoko tam me gwoko lim, abongo paro tidi mere, dwe-i-dwe. Gin dang ote ribo wel lim amyero oket tenge dwe-i-dwe pi culo banya-gi. Amanni, gin oromo neno cente adi ame odong iyonge gin iculo banya duc, gwoko cente me culo kwan kede culo banya. Gin otye dong kede yika me neno cente adii ame otic kede me wilo dyang kede lobo, kede awene ame obino nwongo gini jami ayigi amito.

Iyonge kato kede moka magi, Okello kede Abalo otye owinyo agonya. Yii-gi yom pi moka-gi. Aman dong cuny-gi tye atek ni obino lubotam ame okato kede wek onwong jami ayii-gi amito.

## Coc apwony

### Okello kede Abalo otimo ngo me gwoko lim-gi?

- Gin okato kede neno akwako lim-gi (1. cwalo otino i kwan; 2. roco wii-ot; 3. Wilo dyang kede lobo)
- Gin oneno cente adi amyero gin **onwong** kede **otii**-kede.
- Gin oneno **wel** jami amyero onwong
- Gin omoko tamgi ikom:
  - Cente **adi** agin ogwoko dwe-i-dwe
  - Cente adi ame **oculo i banya** dwe-i-dwe
  - Cente adi ame myero gin ket itic me ocobo neno gi me wilo gyang kede lobo dwe idwe

Okello kede Abalo nwo tye otimo gin olwongo ni gwoko lim. Man twero ka timere ka gin oniang kede ote tic kede diro ayot me gwoko rekod kit ame opwonyo i Modul me 2 itic kun ocako iketo cente i tic (myeka). Bedo temo mio jami bedo aber.



## Leyo tam igurup

1. Poyo wi okwan ni gin nama acel ame Okello kede Abalo okwanyo nwo obedo me kato kede neneo me lim pir-gi.
2. Peny apeny anak bot okwan me nywako neno gi me lim aceloro.
3. Kobi okwan me lokere bot ngat inget-gi eka ote leyo tam anak akwako neno-gi me lim. Nenogi myero bed kede cente adi agin omito, ngo agin omito timo kede cente kede awene ame gin omiti onwong cente-no.
4. Iyonge dakika anonok, peny okwan anak me nywako neno-gi me limeka ote coyo-gini i papara me konyo i tic okene.

## Kwena pwony apire tek

- Yadi me acel iyoo me bedo kede diro me gwoko lim aber obedo kato kede neno pi lim wek inge ngo itye itic me nwongo
- Iyonge kato kede neno-ni, myero ikato kede myeka. Myeka obedo neno i diro kakwene ame iromo dwoko piny rwom me tic i lim.
- Myeka aber myero bed kede cente ame imito-ni igwoki, cente ame imito-ni iket pat me culo banyi anwongo itye kede, kede dang cente ame iketo pat me nyayo wie.

Topik okene abino neno kitene iromo kato kede myeka abino konyi me gwoko lim, culo banya kede nyayo lim.

## PWONY ME 2: Myeka Lim Pi Paco



### Kwen apwony ojengere iye:

- Me niango kite me kato kede myeka ikom lim me paco
- Me pwonyo kato kede myeka pi lim me paco



### Jami me tic:

Papara Flipchart, alam markers, Annex 14

## TIC ME ATIA ME 1: Pwonyo kato kede myeka



### Leyo lok igurupe atitino

1. Kobi okwan ni gin dong oneno apor me myeka lim pi paco
2. Cak leyo tam ikom ngo a myeka obedo kede ngo aticere obedo. Tii kede coc Apwony me konyo leyo tam.
3. Mii okwan pot Annex 14: apor me myeka lim pi paco
4. Kony okwan ngiyo yadi acel acel i kato kede myeka lim pi paco, tii kede Annex 14 kede coc Apwony me konyo kori.

## Coc apwony

### Myeka obedo ngo?

Myeka obedo neno me **cente abino** kede **cente-awot**-oko pi kin **kare moro**. Wan oketo myeka pi nyig cem i modul me 1, dong man myero pe bed anyen. Yore bwot rom aroma.

### Tic a myeka obedo ngo?

Man obedo gin ame otio kede i gwoko neno me lim-wa. En konyowa me mokko tamwa kite me tic kede gwoko cente wek onwong ngo ayiwa amito. Poyo kong myeka pi wit cem ni otio kede ka pi wit-cemoro-no/ biacara. Myeka lim pi paco myero nen biacara kede jami ape obedo biacara dang.pi man, biacara nwo obedo jami awan otye onyayo-wie.

### Yadi me kato kede myeka

Kun oneno miti ame okato kede i topik okato, lub yadi magi me kato kede myeka lim pi paco

1. Ngi cente adi ame inwongo dwe ducu (cente abino). Man obedo cente-abino boti. Romo bedi 'ocara' ame icule kede i poto-ni, cente ame inwongo i biacara okene nyo cul ame inwongo ikom tic okene. Ogo cal Cente-abino i Modul 2, man oromo tic kede me gwoko rekod pi cente me nino i nino me acel.
2. Ngi cente adi ame imito tic kede idwe duc (cente awot oko). Pire tek me keto ngo a paco mito kede jammi a paco tio kede, man romo konyo me kwanyo oko tic i lim iyoore a pe opore, wek i gwok lim me anya.
3. Ngi cente adi ame iromo gwoko pi dwe duc. Pire tek me neno ni igwoko lim dwe ducu, kadi bedi nyo nok. Welere romo lokere idwe duc kun lubu cente ame ibedo nwongo.
4. Rib cente okato malo nyo odwogo piny pi dwe duc. Man otimo kiti:

Cente duc-cente ogwoko-banya=cente okato malo/cente odwogo piny

**NGE MAN:** Por kong 'cente okato malo' kede magoba, eka ite poro 'cente odwogo ping' kede cente orweny. Man obedo leb ame otio kede ikom lim me gonyo ni itye i cente nyo pe.

Cwak okwan me timo gini man karacel kede owotegi.man dako, cware kede otino ka twere.

Mi okwan kare me kato kede myeka lim irwom me yi-ot. Poyo wii-gi kit ame gwoko rekod ber kede, kede kit ame kwone rekod i Modul 2 kubere kede topic man (aporere rekod me cente abino kede cente awot oko).

Cibap me 4: Cente			
Kam jami	Dibere	Welere (UGX)	Welere duc (UGX)
Myeking opuru ote penko- ot anye awoma	K20 900	1,000	900,000
Myeking opuru ote penko- ot anye awoma	K20 75	1,000	75,000
Myeking opuru ote nyo pi awoma	K20 25	1,000	25,000
<b>Cibap 4:</b>		<b>Wal cente duc:</b>	<b>1,000,000</b>
Cibap me 5: Yantaba Cote			
Kam jami/ite	Dibere	Welere (UGX)	Welere duc (UGX)
Wilo kati	K20 10	4,000	40,000
Leemo bang	1 acre	50,000	50,000
Platy paku-ome acal	1 acre	140,000	140,000
Platy paku-ome anye	1 acre	100,000	100,000
Pacu	1 acre	90,000	90,000
Wilo jami okoro- abato i paku-ome kati/abato, etc.	Abatoni	100,000	100,000
Kato Pentipar	1 acre	10,000	10,000
Doyi	1 acre	80,000	80,000
Katu	1 acre	30,000	30,000
Kawonyo i joko-ome paku	10 bags	3,000	30,000
Pymu	10 bags	3,000	30,000
Caci-nyig-ome	10 bags	1,200	12,000
Tani-ome	10 bags	5,000	50,000
Caroma-ome-ome	10 bags	1,000	10,000
<b>Cibap me 5:</b>		<b>Wal cente duc:</b>	<b>712,000</b>
<b>Cibap me 6: Magoba me Biacara (gross margin) - Cente duc - Wal</b>			



## Leyo lok igurupe atitino

1. Cak leyo tam kede okwan ikom peki agin onwongo i keto myeka me lim me paco. Tii kede coc Apwony me konyo i leyo lok.

### Coc apwony

#### Apeny ame omaro penyo ikom myeka lim me paco

Ngo atimere ka atye i lim okato? (lim okato tere ni itye kede cente odong adonga inge myeka)

- Iromo yero me tic kede cente okato no Kun inyao wie i biacara nyo iromo yero me gwoko agwoka pi kare me anyim.

Ngo agengo wa keto cente awan ogwoko ikom en ame okato/orem?

- Cente agwoka myero pe rib imen okene. Myero pe oti kede me ribo cente okato ame otye anyayo wie pien ngatoro ducu myero gwok cente kun pe ribo kede men otye anyayo wie i biacara.

Ngo atimere ka atye i cente orem i myeka (cente orem tere ni man obedo cente ame pwod ape kede icawano).

- Yin myero idok i myeka ite neno kwene ame iromo ngolo, nyo inen yore me medo cente-ni
- Tye yore okene apol me culo myeka ame limere orem, calo gamo lim adena, ento lim adena myero gam i diro kede i woro.

Kite angu ame aromo dwoko cen lim ame atio kede adongo dongo idwe ducu?

- Iromo keto cente moro tenge dwe idwe pi lim adongo. aporere, ka ingeo ni myero icul kwan 450,000UGX idwe me aryo, Abic kede Abongwen, tem i teki me gwoko 150,000UGX dwe i dwe wek man pe tui atua ka kare me culo kwan otuno.

Aromo ngeyo ni ngo jami awelere abedo malo iyi anyim wek atii cura me cente mere oko con?

- Kato kede myeka aping pi lim itwero nwongo eka ite keto myeka amalalo pi en ame itic kede. Man konyi me gengo alokaloka angole.



## Tic angat acel acel

1. Kobi okwan me loko coc ikom myeka lim me paco ame tye i template i Annex 14 eka ote cako-gini pongu alubere kede lim ame ot-gi nwongo dwe idwe, lim a gin tio kede medo kede nenogi me gwoko lim. Gin myero opong myeka pi dwete adek tuno iyi abicel nyo mwaka acel. Mii kony bot jo amito.

### Kwena pwony apire tek

- Kato kede myeka pire tek pien konyi bedo i neno ikom cente ame itye igeno kede en ame itic kede dwe duc wek inen ka ibedo ilim okato nyo orem
- Ka itye kede lim okato, iromo nyayo-wie, iromo nyayo-wi cente okene, eka ite gwoko mogo.
- Ka itye i cente a pe oromo, iromo temo me ngolo jaami-okene nyo mede cente-ni. Ber me poyo ni myero ikato imyeka ikom NEEDS apwod pe iketo myeka pi WANTS a jo odi.
- Pire dang tek me bedo i yika me gwoko cente moro, dwe duc, kadi bedi tye anak. Myero imi dok tici me gwoko cente moro wek kare duc nwo itye i lim eka ite tic atek me tuno irwom me lim ame itye imito.

Pwony okene bino neno tyen lok me gwoko lim, yore aber kede kan oromo tuno iye me gwoko cente kede dok yore me nyayo cente-ni.

# PWONY ME 3: Gwoko Lim Kede Nyayo-lim



## Kwen apwony ojengere iye:

- Me ngiyo tyen kop omio jo gwoko lim
- Me nyutu yore apapat me gwoko lim kede moko tam ikom acel me tic kede



## Jami me tic:

Papara Flipchart, alam markers

## TIC ME ATIA ME 1: Tyen kop me gwoko lim



### Leyo lok igurupe atitino

1. Peny okwan me cung ogure karacel.
2. Kobigi ni i penyo-gi apeny. Ka ngatoro amito gamo apeny, gin myero onyik ote cung idyere ajo eka ote gamo apeny. Ti kede kodi apeny magi ata. Ti kede coc Apwony me konyo agam-gi.
  - Gwoko lim obedo ngo?
  - Ngo omio pire tek me jo gwoko lim, kadi bedi gin oromo ka gwoko anak?



## Coc apwony

Gwoko lim obedo ngo?

- Obedo Tim me keto tenge dul a cente ame inwongo pi tic iyi anyim.
- Pe otimo icel, ento ikare duc pi kare alac.
- Ikare okene myero ijal jami ame imito wilo i cawani wek igwok lim pi kwo-aber anyim

Ngo omio pire tek me jo gwoko lim, kadi bedi nyo gin oromo ka gwoko anak?

- Gwoko lim tero kare. Pol a jo pe dwong i cente ame gin pe myero oti kede ikom jami agin omio, tere-ni gin myero ogwok anonok. Pire pe tek cente anak nyo adwong ame igwoko, teki ka itye itemo me gwoko kun iyele, bino bedo aber pi anyiim.
- Jami angole atura: can apoto atura romo timere bot ngatoro keken. Pire tek me yikere pi-gin ibeo i gwoko lim.
- Tio: pore me keto cente moro pat pien ka itye iti pe iromo tic nyo nwo pe imito tic.
- Me nyayo-lim: yot me culo pi tic me poto ka itye i cente akome. Tic kede cente-ni medo magoba itic me pur. Bedo ayot me wilo jami aketa ipoto, pango otic nyo gi-wot pi tic me poto-ni.

## TIC ME ATIA ME 2: Yore me gwoko cente-ni



### Leyo lok igurupe atitino

1. Cak leyo-tam ikom kan ame jog woke cente-gi iye. Coo agam du came omio ping i papara flipchart kun ipoko kingi alac. Eka ite leyo apeny magi. Ti kede coc Apwony i bokci me doro leyo tam:
  - Yoo me gwoko cente iyero-no tye Safe?
  - Dano aamito gamo cente mere ame egwoko romo nwongo oyotoyot i yore ame iyero-no?
2. Iyonge bebea i yore me gwoko cente duc, pok gi i gurupe me leyo tam ikom yore me gwoko cente acel acel atutut. Peny gi me me paro ngo omio gi otamo ni yore moro ca ber nyo pe ber.

## Coc apwony

### Yore apapat me gwoko lim

Gwoko lim paco (iyi canduk, ite kabutu)


- **Bedo mere safe: Man pe tye safe**, Oromo kwalo oko oyotoyot dang yot me tic kede.
- **Nwongere-mere:** Cente-ni nwongere oyotoyot i paco dang ikwanyo icawa moro keken. Man ber ka imito nwongo cente pi can apoto atura, ento romo bedi arac ka itio kede igin ape pire tek something you don't need.





### Gwoko lim ikom jami amaka calo lobo nyo leyi

- **Bedo mere safe:** Gwoko lim i lobo yot loo ikom leyi pien leyi romo too nyo okwalo oko. Wel leyi kede lobo romo mede nyo dok cen.
- **Nwongere-mere:** Gwoko lim i lobo kede leyi tere-ni cente-ni pe iromo nwongo oyot oyot. Lobo nyo leyi myero kong ocat apwod pe ogamo lim ogwoko, ame romo tero kare akun lubere kede miti owil.



### Gwokolim kede bolicap: Village Saving and Loan Associations (VSLAs) or Savings and Credit Cooperative Organizations (SACCOs) or Saving with a Purpose (SWAP)

- **Bedo mere safe:** Magi obedo yore atye safe me gwoko lim. Bed acunyi opwe ni igeno jo ame itye i gwoko lim kedgi i bolicap pien otye nwo icik abeco me neno ni cente a jo ducu tye kan aber.
- **Nwongere-mere:** Cente ame ogwoko i bolicap pe iromo nwongo iyot iyot. Bolicap maro bedo i cik akawako awene kede kitene ame iromo bedo kwanyo cente-ni, ame tere-ni, pe ikwanyo cente ka yi amito.



### Gwoko cente i Banki

- **Kano aber:** Man yore atye safe me gwoko lim. Gamente aye neno tic a bank. Bank, dong tek tutwal me jo ikwalo cente-ni i yi akaunt. PE IKOBI NGATORO PIN NAMBA NI. Pe iwek kad-di me bank ata ame ngatoro romo tic kede.
- **Nwongere-mere:** Bedo a dano abor kede jang bank nyo ATM nyuto yot anwongo cente mere i bank.



### Gwoko cente icim

- **Bedo mere safe:** Man tye safe idyere-dyere me gwokko cennte. Neni pe ikobi ngoro mobail manni PIN namba teki pe igene.cing cim ducu tye ikodi yika man me gwoko cente iyi cim.
- **Nwongere-mere:** Man nwongo yot ka itye ikobo cente ibeo iyi cim. Ka imito kwanyo nyo keto cente i bot agenti me cim, nwongo lubere kede cegi-ni kede.

### Gwoko lim kede owote nyo jo paco

- **Bedo mere safe:** Man pet ye safe. Cente oromo kwalo oko iyi paco/bot awoti atye agwoko-no nyo ngat okene. Iromo dang bedo atema tema me tiic kede oko.
- **Nwongere-mere:** Romo nwongere ka ibedo acegi awot nyo dano me paco-wu. Man ber ka imito cente oyotoyot pi jami angole, ento romo bedo rac ka itamo me tic kede igin akonyere pe, nyo ngat agwoko dang romo tic kede oko.

## TIC ME ATIA ME 3: Nyayo-lim



### Leyo lok igurupe atitino

1. Kobi Okwan ni tyen lok acel omio ogwoko cente obedo me nyayo-wie i potoni nyo i biacara moro ayii omio.
2. Cak leyo tam kede okwan ikom apeny magi akwako nyayo-lim. Ti kede Coc Apwony me telo-wu i leyo lok:
  - Nyayo-lim obedo ngo?
  - Ngo omio pire tek me nyayo lim?
  - Yore mene ame nyaayo-lim pat kede gwoko-lim?

### Coc apwony

#### Nyayo-lim en ngo?

- Nyayo-lim obedo wilo ginoro kede tam-ni gin iwilo-no bino tiyi cente iyi anyim nyo iromo cato i cen i wel amalo pi magoba.
- Apor a nyayo-lim obedo wilo kwery-dyang wek iti kede i puru poti te medi magoba me pur. Apor okene obedo cwalo otino-ni i kwan wek obed gini anyim aber. Wek gurup med apor okene. Welere pol cako irwom apiny tuno kede malo.

#### Ngo omio pire tek me nyayo lim?

- Inwongo jami okene dok me gwoko ber-bedo ni me anyim.
- Itwero nwongo jami ame itye kede i neno-ni me lim calo wilo ot, cako biacara nyo culo kwan otino-ni iya ikom magoba ame oya ikom lim-inyao
- Itwero jogo jami adwong pi berbedo me turi nyo onywal-li ame tye atii kede wati okene.
- Iromo dang tic kede me gwoko cente-ni ame iweko-itic.
- Iromo medo kero-ni me nwongo cente adwong iyi anyim.
- pe yot me medo lim irwom adwong ka nwo pe itye inyayo iyore-moro.

#### Yore mene ame nyayo-lim pat kede gwoko-lim?

- Gwoko-lim obedo ka igwoko cente ite gwoko kanoro aber kun ikuru tic-kede ijami angole, pi tiyo ngo omio ibedo gwoko, pi kuru ka iweko tic, iromo kwanyo ite tic kede.
- Nyayo-lim pe yot, obedo ka yin ikwanyo cente kede miti me miyo cente-ni dongo adwong.
- Gwoko lim kede nyayo lim cegi tutwal, dang pore me gwoko cente wek ite nyayo-wie, ento opur myero bed i cente ikare duc kun ogwoko iyore ame oromo nwongo oyotyot ka ginoro ongole. Kun lubere kede kit apuroro no tye kede, gin oromo nyo pe oromo nyayo-lim ikare moro-no.
- Yore apiretek adang opore alo me nwongo cente pi biacara me pur obedo cente-ni ikome ame nwo ibedo gwoko. Ber me gwoko cente kan aber naka i kare ame itamo-ni opore me tic kede wek nya cente okene dok. Tye yore apol me nyayo-cente ame jo romo tic kede me nyayo-cente gi.



## Leyo tam igurup

1. Ket papara flipchart 5 iyi ot karacel kede alam marker. Coo papara flipchart acel acel kede coc adongo apapat:
  - Nyayo-li i biacara
  - Nyayo-lim i leyi
  - Nyayo-lim i ceo
  - Nyayo-lim i pur kede jami-pur
  - Nyayo-lim i Lobo
2. Pok okwan i gurup 5 ite miyo gurup acel acel papara flipchart acel.
3. Ileyo tam i plenari, mi gurup acel acel me miyo jo ngeyo kit a gin oniang yore me nyayo-lim ame tye i papara flipchart ibotgi-no. Ti kede coc Apwony me roto agam-gi kede me neno-ni jo-ducu ngeo ngo ame yore me nyayo-lim otye olok iye obedo. Mede kede miyo gi apeny magi:
  - Ber a yore me nyayo-lim ame itye ilok iye tye ningo?
  - Racerre kono?
  - Yore me nyayo-limi nwongere botwa dang?

### Coc apwony

#### Nyayo-li i biacara

Yoo me nyayo-lim man obedo ka icako nyo nyayo biacara-ni. Inwongo cente ibeo i cato jammi kede tic kun inwongo magoba iye. Kwon biacara ame omaro neno obedo yiko-wic, tedo-cem,cato duka atino kede adongo, etc

#### Nyayo-lim i leyi

Yoo me nyayo lim man obedo ka iwilo dok, dyegi, punni, romo nyo apwo, ikin en okene. Wel leyi mede malo kare i kare, dong iromo wilo lee ite cato iyi anyim pi magoba.

#### Nyayo-lim i shares

Yoo me nyayo-lim man obedo ka ikwanyo cente ite keto i company a ngatoro kun inwongo twero moro me loyo company-no ame olwongo ni shares. Wel shares mede kede dwogo kare ikare. Iromo wilo shares dok ite cato oko i wel amalo pi magoba. Man maro timere pi company adongo calo bank, jang gamente, cooperative kede mogo.

#### Nyayo-lim i pur kede jami-pur

Yoo me nyayo-lim man obedo ka iwilo jammi pur calo gi-pur, machine kede jami oketo ipoto aromo medo rwom a cem. Jami ame oketo i poto medo rwom me cem dang dok te mede cente apur nwongo, dong gin dang obedo yore me nyayo-lim pi anyim. Oromo dang pango-gi bot opur okene i weloro.

#### Nyayo-lim i lobo

Yoo me nyayo-lim man obedo ka iwilo lobo nyo Ot/ot- apanga. Nyayo-lim i wudi nyo lobo romo kelo magoba ka otio kede aber.tam tye ni yin iwilo lobo nyo Ot ka welere yot, eka ite cato iwel amalo iyi anyim. Tam okene tye i nyayo-lim i udi-apanga ame romo bedo yore me nyayo-lim pi kare alac iyi anyim. Apwod pe iketo cente me nyayo-wie, pire tek me yin itimo ikweda ikom wel, kan alobo-no tye iye.

**NGE MAN:** yeyi okwan nywako tam ikom yore-me nyayo-lim a gin ongeon ni nwongere botgi. Oromo kelo aporerre apol, atwalere ka onwo ocalo gini tam acalo ocat-wil cako i Modul me 1.


## Kwena pwoy apire tek

- Yore apire tek dok opore me nwongo cente pi lim me biacara- ni obedo cente-ni ame ibedo gwoko.
- Gwok cente-ni ka kan ame tye opore.
- Gwoko cente myero bed kitti pe gin itimo icel icel. Pi cente moro keken ame inwongo, myero igwok. Gwok anak anak
- Neno acel me gwoko cente obedo me konyi nyayo-wie i ginoro okene aromo keli cente.
- Tye yore apol me nyayo-cente, dang jo-duc romo yero yore apapat me nyayo-cente
- Pol ayore ajo nyao icente tye kede peki. Cak i ngiyo peko ame itamo-ni iromo bedo kede eka ite ngiyo kit angome icobo kede apwod pe iketo cente-ni iye.

Topik okene bino neno yore me gamo lim adena. Bino dang leyo yore me bedo responsible ka i gamo lim adena kede i dwoko. Bino dang konyo opur niango kop akwako kato kede cura me interest (magoba me wi lim adena) wek opur niang wel loan atiratur.

# PWONY ME 4:

## Kwen Ame Cente Me Culu Biacara Me Pur Nwongere Iye



CAWA 2



### Kwen apwony ojengere iye:

- Me niang tyen kop me gamo lon kede me miyo cunyi pwoyo ngo ame imito timo kede cente me lon.
- Me maro tiyo cura me cente onywal ame bank mito.
- Myero inge yore ame olubu pi gamo lon.



### Jami me tic:

Papara alac me goyo cal, alam maka, nwongere inama 15 kede 16.

## TIC ME ATIA ME 1: Niango ngo obedo lon



### Tuku pi jo ducu

1. Titi ijo atye ipwonyere ni owot nywako pwony amako ngeyo ngo obedo lon kede kit ame oromo nwongo gin aber iye. Owot dang neno kop amako garama abino ikwayo lim kede kite me tic i lon iyore aber.
2. Co ipapara alac cal alama ame 'tye acwako' ite keto igwic ot tungcel. Igwic ot tungcel dang co alama acel 'ape tye acwako'.
3. Tati gi tere ni ibino kwano kop amako lon. Jo atye ipwonyere myero gin aye omok tam ka ce oye me cwako onyo pe cwako nyig coc ame oco ote miyo gi wot noko alama acegi. Iyonge gin inoko, ibino penyo ngat acel-acel iyi alama aryo magi me titi lwak tam gi amako alama ame gin oyero.
4. Ti tic ame jengere ikom nyig coc magi. Agam ateteni ikom nyig coc acel-acel ame oco tye ocano piny kan.

Kop	Agam	Tyen kop
Cente me lon obedo mega ngat ame odeno	<b>GOBA</b>	Obedo mega iryonget ame omio lon. Yin imede culu lon naka wang ame iculu ityeko iyonge deno.
Lon twero konyi cako onyo nyayo yi biacara ni ka ipe kede lim adwong me dongo biacara.	<b>ATENI</b>	Man obedo tyen kop me gamo lon.
Ka abwal pii obalo jammi, kudi kede twoe, pe myero icul lon.	<b>GOBA</b>	Obedo tici me culu lon, abongo paro gin ame otimere ikom cem i potu.
Ka biacara ni otur, pe myero icul banya lon.	<b>GOBA</b>	Obedo ticci me culu lon igamo, abongo paro gin otimere i biacara ni.
Tic icente ni me cako biacara ber kato deno lon pien welere pe tek.	<b>ATENI</b>	Wellere yot ka icako biacara kede lim ame itye kede, ka twere.
Pe obedo peko me keng culu lon teki ka imaro culu.	<b>GOBA</b>	Myero inen ni idwoko lon ducu teki iwot culu banya lon icawa ikokome aco ka tye pwod ame oketo ikomi.
Ka akwo okwalo cente onyo cem me acata i potu, pe myero icul banya me lon.	<b>GOBA</b>	Yin aye obedo ticci me culu lon, abongo paro gin otimere ikom jammi ni, onyo cem ipoti.
Wel cente ame dano amito deno jengere ikom kit ame ico/dako nwongo icente mere.	<b>ATENI</b>	Myero yin igam lon ame iromo dwoko alubere igupo me cente ame itye kede.
Obedo tam aber me gamo lon me wilo TV.	<b>GOBA</b>	TV pe konyo imiyo cente nywal onyo nya. TV obedo gi me awaka ame myero iwil ka imito, ento pe myero igam lon me wilo.
Romo bedo tam aber me gamo lon pi konyi nyayo kede dongo malu rwom me farm.	<b>ATENI</b>	Man romo bedo tam aber, ento lubere kit ame kwo tye awot kede ikare-nono.
Gin apire tek obedo me yin idwoko wel cente ame ikwao.	<b>GOBA</b>	Myero inen ni idwoko cente ame ikwao medo icente ame onywal iwi lon kede garama okene ame oyimo iwi aden lon.

## TIC ME ATIA ME 1: Lon bino kede garama



### Cawa me pwonyere

1. Titi ijo atye apwonyere ni wel cente ame iculu pi dwoko lon pol akare welere bedo malu atek lo wel cente ame ideno iyi acakki oko. Man tyen kopere ni iryonget ame mio lim adena meddo cente anywal iwi lim den kede garama ame bank yimo iwi aden lim pi insurance kede cente me yiko balli me miyo lon.
2. Mi dano niang aber kop amako cente ame nywal iwi lim den kede kwon cente apapat ame nywal iwi lim den. Ti kede buk apwony miyo otin kwan niang aber.

## Coc apwony

Iyore ducu ame olubo me gamo lon, tye garama ame oyimo imung iwi opur. Garama magi obedo; giwot, airtime, yiko balli me miyo lon, lim anywal iwi lon, cente me insurance, cente ame bank ngolo ikwanyo kede keto cente, ikin en okene. Pi man, wan owot neno kop amako cente ame nywal iwi lon.

### Cente anywal iwi lon obedo ngo?

- Cente anywal iwi lon obedo cente ame omedo iwi cente ame ngat ogamo lon odeno iyi acakki, ame myero en cul bot dano onyo bank ame omie lon.
- Cente ame nywal iwi lon obedo cura ame otio ileb me pacen me cente aden lon okwao.
- Cente man omaro kwano dwe idwe onyo mwaka imwaka, icawa okene dang omito ni icul cabit icabit onyo kare moro ni.

### Kwon cente anywal iwi lon

Cente ape lokere: Man obedo cente ape lokere ikare ame aden lon tye aculu kede banya lon. Man mi kare me gecko anyim me culu banya.

**Cente ame bedo lokere:** Kwon cente man oromo loko ikine kine me culu lon. Cente man romo wot malu onyo dok piny ento pol akare maro yito malu te medo wel cente me lon. Man mio bedo atek me gecko wel cente anyero icul iyi anyim.

**Cente anywal ame welere tye adok piny:** Man obedo cente awelere bedo dok piny, yin iculu keken wel cente odong ame nwongo welere pe otuno aromo wel cente me lon ideno ka ce ingole iculu but lon ame onwongo ideno.



## Cawa me pwonyere

1. Mi jo ipwonyo kopi me pwonyere atye i annex 15: Ti cura me cente anywal iwi lon. Kwan apeny nama acel idwon alongo:
2. Nyuti otin kwani yore-yore cura ikite me timo cente anywal ape lokere dwe idwe (fixed interest), kun nwongo ilubo citep atye i buk apwony jo.

## Coc apwony

### Citep 1: Cente onywal anyero ocul pi dwe

Lon Okello tye 400,000 UGX

Pacen 2% me cente anywal aye oyimo iwie. Man rom aroma 2/100

Cente onywal iwi lon = lon x 2%

$$400,000 \times \frac{2}{100} = \frac{400,000 \times 2}{100} = \frac{800,000}{100} = \mathbf{8,000 \text{ UGX}}$$

**Cente Okello aculu pi dwe tye 8,000 UGX.**

### Citep me 2: Wel cente ame onywal pi dwete 4

Nya cente onywal idwe acel (8000 UGX) kede dwete (4).

$$\mathbf{\text{Wellere ducu tye } 8,000 \times 4 = 32,000 \text{ UGX}}$$

**Apeny me 1:** Okello kede Abalo amito gamo lon me ciling 400,000 UGX. Ami-lon otito ni lon myero ocul ikine me dwete angwen kun cente anywal iwie abedo pacen aryo pi dwe acel acel. Cente adi ame joni aculu ducu ikare ame omio gi? Cente adi ame joni aculu dwe acel acel?



### Citep me 3: Cente ducu amyero ocul pi dwete 4

Med wel cente ducu onywal 32,000/= kede lon me 400,000 UGX.

**Agam: Wel lon ducu abedo  $32,000 + 400,000 = 432,000$  UGX**

### Cente adi ame joni aculu dwe acel acel?

Wel cente amyero ocul tye (432,000) pok kede nama me dwete 4.

**Dwe idwe abedo:  $\frac{432,000}{4} = 108,000$  UGX pi dwe acel**

## Coc apwony

Titi otinkwan me ngat acel acel lokere bot awotere me tiyo cura nama aryo anwongere iyi apeny nama 15. Tic kede buk apwony me moko ka agam gi tye ateni.

### Citep me gamo apeny nama 2: lon Acayo

#### Citep nama 1: Cente onywal amyero ocul pi dwe acel

Cente Acayo odeno tye 450,000.

Pacen 8% obedo cente ame onywal. Man romaroma 8/100.

Cente onywal = Cente odeno x 8%

$$450,000 \times \frac{8}{100} = \frac{450,000 \times 8}{100} = \frac{3,600,000}{100} = 36,000 \text{ UGX}$$

**Cente Acayo ame onywal pi dwe acel acel obedo 36,000 UGX.**

#### Citep nama 2: Wel cente ducu ame onywal amyero ocul iyonge dwete 10

Nya dwe idwe (36,000 UGX) kede (dwete 10).

**Wel cente ducu onywal obedo  $36,000 \times 10 = 360,000$  UGX**

#### Citep nama 3: Wel cente ducu amyero ocul iyonge dwete 10

Med wel cente onywal ducu (360,000) kede wel cente odeno (450,000 UGX).

**Agamere : Wel lon ducu amyero ocul obedo  $360,000 + 450,000 = 810,000$  UGX**

### Wel cente adi ducu ame en bino culu dwe acel acel?

Welere ducu abedo (810,000) pok kede nama me dwete (10)

**Dwe idwe abedo:  $\frac{810,000}{10} = 81,000$  UGX pi dwe acel**

Atin kwan romo temo timo apeny nama 3 pirgi kengi me miyo wigi bedo poyo kit ame otio kede cura man. Bedo tiyo amiyo gi omako aber.

Wel cente ame nywal iwi lon lubere kit ame ami lon oketo kede welere, ento ber me ngeyo con wel cente adi ame idwoko iwi lon ame pwod pe igamo, onyo kit ame magoba anywal kede. Peny apeny ducu ite niang aber en omio ite keto cingi piny me gamo cente me lon.

### Apeny me 2:

Imwaka 2017, awote Abalo olwongo ni Acayo ogamo cente me adena aromo UGX 450,000 me cako biacara mere me cato pot dek. En ogamo cente me adena ibot bolicup VSLA ame wiye anywal ipacen aboro-aboro pi dwete 10. Cente adii dong ame Acayo oculo iyonge tyeko cul? Cente addi ame en oculo dwe idwe?

**Apeny me 3:** Opoka onwongo tye kede cente ame en obedo gwoko caki imwaka 2018 ame en tye amito medo wie kede cente me adene me wilo cuma me buku pii me poto cem potdek iooro. Idwe okato, en owoto ibank te penyoo pi cente me adena aromo UGX 750,000 awiye anywal ipacen adek adek dwe idwe pi dwete 15. Cente adii ame Opoka aculu iyonge tyeko cul ducu? Cente adii ame en aculu dwe idwe?

## TIC ME ATIA ME 3: Yore ame olubo me miyo lon



### Ceko F

1. Mi atinkwan citori anwongere ipot papara nama (Annex 16), Citori F: Yore ame olubo me miyo lon.
2. Kobi atin kwan ni tye yore ame olubo imiyo lon. Tye citep 7 apirgi tek imiyo lon. Man olwongo ni yore ame olubo me miyo lon.
3. Kwan citep angwen me acaki alubere iyore me miyo lon ame nwongere ipot papara nama 16 (Yikere, pongo balli me kwayo lon, kwedo kede moko). Cak dong nywako leyo lok kede otinkwan amako ngec agin otye kede ikwayo lon kede ngo ame gin otamo ni mite igamo lon i bank. Ti kede gin ame tye ibuk apwony jo pi konyi ileyo tam.
4. Kwan citep adek me agiki kit ame omio kede lon (Miyo cente me lon, roto yo cente me lon kede culu cente me lon). Peny otinkwan kede apeny magi. Ti kede gin ame tye ibuk me pwonyere pi konyi ileyo tam.
  - Pingo omio ber me goyo pulan con apwod pe igamo lon?
  - Pingo omio omii lon mito cako roto biacara ni apwod pe omi, kede roto yore iyonge miyi?
  - Pingo omio culu lon icawa ikokome ber?

### Citep me 1: Yubere

- Tam pi neno a biacara-ni, nen lim igwoko eka ite moko tam cente adi imito deno.
- Yeny omi-lim adena adi aromo miyi cente.yeny en ame romo miyi lim a cik me lim-gi tye.
- Yub balo duc ame amite me amia bot omi lim aden.



## Citep me 2: Penyo

- Niang cik me lim-adena a gin amiya, ikingi interest kede kare me dwoko.
- Pong balo me penyo kede kop akwaki calo nyingi, nino me nywale, tic kede kan ibedo iye.
- Mii balo moro keken ame gin tye amito me konyo kori.



## Citep me 3: Peny

- Omi lim-adena kwedo poto-ni nyo biacara me niango ngo itye kede kede rwom a biacara-ni.
- Yore-man nwongo ngec me konyo gi neno ka iromo culo lim adena
- Omi lim-adena romo roto kit ibedo kede deno cente kede kit ibedo dwoko ikare okato.



## Citep me 4: Moka

- Omi lim-adena moko tam me miya nyo pe miya lim-adena.
- Obino miyo apur ngec ka balo-gi me penyo loan omoko nyo pe.
- Ami lim-adena bino pori jami apirgi tego i pora me lim-adena.
- Nen ni ipenyo me niango kan a pe iniang a pwod pe iketo cingi i contract.





### Citep me 5: Miyo

- Man obedo ka apur ogamo cente nyo jami me pur calo lim-adena.
- Kare ikin penyo kede miyo lim-adena romo bedo abor nyo acek, dong peny con!



### Citep me 6: Roto lim-adena

- Pire tek me ngiyo cente-adi amyero icul kede awene, alubere kede kit oketo ping.
- Ami lim adena bino dangg roti te ngiyo kit ame itye itic I cente.
- Nen-ni itio cente I tic ame igamo pire.



### Citep me 7: Culo lim-adena

- I rwom-man ogeno-ni iromo culo lim-adena kit ame ocoo i contract.
- Tii me dwoko lim-adena ikare ikokome, i dwe ducu.
- Ka pe iromo dwoko lim-adena-ni ikare ikokome, man romo keli tim mogo ape opore kede adwogi arecu calo itango.
- Omi lim-adena romo bino ika biacara-ni me roto kede ngiyo ngo atye atimere.
- Myero dong i den ka lim ame iromo culo.



## Coc apwony

### Gin amite me gamo lon i bank

- **Kann cente ite bedo ame iyubere me tic kede pi dongo biacara onyo purujek ni.** Man nyuti ami lim adena ni yin itwero gwoko cente aber medo iculu lon. Man dang nyutu ni purujek romo mede idongo akadi abongo lon.
- **Bed kede rikod.** Myero ibed ame iromo nyutu kit ame cente tye abino kede medo iricit ame ibedo wilo ijami, ikin en okene ame bino konyo imoko ngec kede diro me gwoko lim ame itye kede.
- **Bed igurup me pur.** Gin acel apire tek me bedo amemba me gurup aye ni, omemba romo cungi kede owote gi ikare me gamo lon, ento dano acel ka agamo lon omito ni jeng jami mere.
- **Bed iyore apapat me nwongo cente.** Man konyo me nyutu ijo ni yin itye iyore apapat ame itio kede me culu banya lon, teki biacara acel okwero kelo cente. Yore apapat ame cente bino kede ica obedo pur akwone papat calo puru nyig cem, cato cak ibeo igwoko dyang cak, cato duka, cente me ot apanga onyo dang ocara me opici.
- **Bed ingec me pur pi cijon moro aromo aryo.** Man mio jo amiyo lim adena bedo icuny atek ni yin nwongo itye ingeyo ngo ame itye itimo ibiacara me pur ame nwongo iromo culu lon ideno.
- **Bed irikod aber me culu lon.** Man mio jo amiyo lim adena bedo icuny atek ni yin iromo culu cente ame idenno pien nwongo kong iculu ityeko aber en ideno ikare okato angec.
- **Ti kede cente me lon pi cobo gin ame ikwao pire.** Ka ikwao cente me wilo koti me pur, eka ite kwanyo but cente man me wilo cim, mio yin pe iromo nwongo cente adwong iya ipur pi culu lon. Man dwoko cuny ami lon iyi anyim me medde imiyi lon.
- **Bed ijami ame ijengo/ngat acungi igamo lon.** Ka yin iwot deno cente piri keni, omito ni ingut caden ame moko ni iromo culu lon akadi bedi ginoro arac ngole iye.
  - Man obedo gin ame ijengo calo balu me wilo lobo, logbook me otoka, jami me ot ikin en okene. Ka culu lon oloi, ocato koro jami magi ame ijengo ote culu kede banya me lon ame igamo culu te loyi.
  - Dano onyo iryonget romo cungi me gamo lon. Man me miyo bank bedo igen ni teki culu oloi, ngat ocungi aye omio culu. Dano onyo iryonget man olwongo ni ngat acungi aden lon.

## Coc apwony

### Bed penyo apeny apol amako lon

#### Pingo omio ber me goyo pulan con apwod pe igamo lon?

- Iyi akina cawa me pongo balu me gamo lon kede miyo cente me lon, romo bedo abor onyo acecek alubere kede kwon lon kede koro jammi ame tye amite me gamo lon.
- Ber me goyo pulan con me wek obuny moko me miyi cente icawa ikokome pi cobo miti a biacara ni, aporere obedo icawa me pito koti icwe akot me acel.

#### Pingo omio omii lon mito roto biacara ni ikare me culu lon?

- Omito gini kwedo me neno ka ce itye itic ilon ame igamo iyore aber alubere kede coc ame ipongo iyi balu kwacci. Ka pe itye iculu lon, gin omito bino me niang kwen apeko tye iye.

#### Pingo omio culu lon icawa ikokome ber?

- Gale iculu lon mio iculu lon iwel atek.
- Ami den bedo ilworu me yimo lon okene pi tyeno me aryo teki pe ilubo icwil kede cik ame onwongo omi ikare me gamo.
- Ami lim adena romo mayo jami ni teki pe iculu banya lon.

## Kwena pwony apire tek

- Gam lon ka itye imito wilo jami me dongo biacara me poto onyo timo biacara okene.
- Lon myero ogam pi cobo peko me jami amite apirgi tek.
- Ka igamo lon, ber me keto pulan iyuba me dwoko lon me gengo donyo ibanya.
- Lon romo bedo aber, ento dang romo bedo twon banya adwong ka ikwia tic kede.
- Ka iculu lon, culu woto malu pien (nywal nya, bank ngolo cente me gwoko, cente me wowota, airtime, ikin garama okene).
- Tye yore ame olubo me gamo lon ikin cawa me pongo balu me gamo lon kede miyo lon. Go pulan con me wek omi lon icawa ame imito iye akokome.
- Cul lon icawa ikokome. Ka igale culu lon lano nyingi te balo wati kede omi lim adena.

Iyi module abino, owot neno kite me nwongo cuk kede cat. Icawa ni opur olimo ngec ikite me nwongo magoba ibiacara gi (Module 1), kite me gwoko ngec ikom biacara (Module 2) kede kite me ngeyo mako kede tic icente (Module 3), man obedo cawa me pwoyere ikite me tero jami icuk me wek opur ti cente iya itute gi. Mi otinkwan tam me wot limo cuk me wek owot onen jami atye icuk ame pwod pe ocako pwoyere atye i module man.

# Dul Me 4:

## CUKE KEDE MOYO CUK



### Miti apwonyere man:

Ipwony okato, oleo tam ikite me nwongo biacara akelo magoba, gwoko rikod kede kite me culu biacara me potiwa. Akadi amanono, puru koti akelo agoba pe romo me kelo owil me bino wilo jami iwel aber. Ento, opur aye myero obed jo akwiri ame romo nwongo cuk me jamigi. Man tere ni myero omo gini kwen ame miti owil kede kwone kede jami arom kwene ame omito wilo. Opur myero niang tyen kop ame omio ogod nyig cem bedo imiti me wilo nyig cem gi kede kit ango anwongo owilo gini kede. Myero onen gini ni owil romo tuno botgi kede dang myero orab kwena me cato wil pi miyo owil ngec anyen. Ipwonyere amako cuke kede moyo cuk, amiyo opur irwom apiny angeyo kite me moyo cuk pi jami acata gi kede miyo yi owil bedo ayom.



## Pwony Ocano Piny:

**Pwony me 1:** Nyutu ngo obedo cuke kede moyo cuk (cawa 1.5)

**Pwony me 2:** Ngeyo kwen amyero ocat iye kede miti ajo (cawa 2 )

**Pwony me 3:** Jami 5 imoyo cuk (cawa 1)

**Pwony me 4:** Moyo cuk igurup (cawa 2)



## Neno i pwony man:

Iyi agiki me pwonyere man, otinkwan myero oyubere me:

- Niang ngo obedo cuke kede moyo cuk
- Niang miti owil
- Niang kite ame 5Ps romo konyo gi nwongo cuk me jami apura gi.
- Niang ber kede rac amoyo cuk igurup



## Jami me pwonyere ame amite:


- Papara alac me goyo cal, alam maka, masking tape, buk coc kede alam coc
- Goyo cale (Annex 16-19)
- Odilo, cupa ayie nono, papara ame odolo ikin en okene.
- Niang ber kede rac amoyo cuk igurup



## Cawa 6.5

# PWONY ME 1:

## Nyutu Ngo Obedo Cuke Kede Moyo Cuk



 CAWA 1.5



### Kwen apwony ojengere iye:

- Niang ngo obedo cuk kede moyo cuk
- Pwonyere ikop amako ber kede rac akwon cuke apapat



### Jami me tic:

Papara me goyo cal, alam maka, alam me coc ikin jami okene ame oromo tic kede

## TIC ME ATIA ME 1: Niango ngo obedo cuke kede moyo cuk



### Leyo lok igurupe atitino

1. Jolo otinkwan ipwonyere me 4 amako nwongo diro me gwoko lim.
2. Titi ijo akwan ni ipwonyere man owot gini limo ngec amako moyo cuk pi ginapura.
3. Kwa otino ducu me ya malu kun ogure karacel eka ote cako yucu odilo. Peny apeny me “Toss and Ball”. Ka ngat acel tye kede odilo, myero onote iyi agam. Myero omede yucu odilo bot ngat okene me note iyi agam. Kun medde amanono naka wang ame jo ducu okato kede agam me apeny.
4. Ti kede apeny magi me tuku “Toss and Ball”. Ti kede buk apwony me telo otino ileyo tam.
  - Iniang ni “cuk” obedo ngo onyo “kan acuk tye iye obedo ngo”?
  - Ngo amaro timmere icuk?
  - Iniang ni moyo cuk obedo ngo”?

## Coc apwony

### Iniang ni “cuk” onyo “kan acuk tye iye obedo ngo”?

Cuk obedo kan ame awil kede acat wil woto rwate pi leyo wil ikin gi.

Cuke tye kede :

- **Jami me awila kede me acata:** Aporerere obedo cuk leyi, cuk cem, cuk bongi ikin en okene.
- **Cawa:** Aporerere cuk me ceng cabit, cuk abedo icel idwe, otyeno, cuk me odiko ikin en okene.
- **Kwen atye iye:** Aporerere idog gate me paco, cuk me kin paco calo cuk Amac, igombola Amac, Lira, cuk me boma calo cuk Owino me Kampala kede cuk adwong me Lira.

### Ngo amaro tiye iyi cuk?

- Wilo jami
- Cato jami
- Penyo wel jami
- Rabo kwena me cato wil pi jami
- Pyem cato wil ikin ocat
- Kwero niangere kede nywako leyo lok ikin jo atye icuk
- Poro lok iwel jami icuk
- Tero jo kede jami gi icuk kede dwoko gi paco.
- Boyo jami me acata
- Rayo ocolo

### “Moyo cuk” onyo kastoma obedo ngo?

- Moyo cuk obedo moyo kastoma me wilo jami kede miye ngeyo ni itye ijami abeco ame myero en wil iwel aber.
- Moyo kastoma tuno naka iwil kede cat.
- Moyo kastoma obedo cato jami acobo miti a kastoma kede magoba.

## TIC ME ATIA ME 2: Oeno kwon cuke



### Leyo lok igurupe atitino

1. Kobi gi ni owot nywako ber kede rac akwon cuke apapat.
2. Tuk tuku ni “Gure karacel ote cako leyo lok”. Yeyi gi me wot kun ogure karacel kede ka apwony gi okobo ni cak wunu “leyo tam” myero ngat acel acel bed aceggi awotere eka ote kuru gamo apeny ame apwony gi apenyo.

3. Ti kede apeny magi me tuku. Ti kede pwony ibuk apwony me nwongo ateni me agam.

- Cat ipoto onyo farm obedo ngo?
- Ber kede rac cat iyi farm bot apur obedo?
- Jo mene ame woto pong onyo gure icuk?
- Rac kede ber awot cat icuk ame jo pong iye obedo mene bot apur?
- Jo mene ame obedo owil kede ocat icuk ame pe owero cat atitino (wholesale) iye?
- Cuk ame owero jami atitino iye obedo ngo (retailer)?
- Rac kede ber acato jami icuk ame ocat wil atitino bot apur obedo mene?
- Kwon cukene ame yin itamo ni twara twara icato cem ame ikwanyo ipoti ni iye? Pingo?

Iyi poto	Berere	Racere
<p><b>Cat iyi poto/farm gate obedo ka opur tye acato cem gi iyi poti bot jirani, ocat wil onyo ojenti ame pwod pe okwanyo otero pacu.</b></p>	<ul style="list-style-type: none"> <li>• Ber ibot apur. Apur pe donyo igarama me keto iyi otoka onyo kwanyo iyi otoka cibo piny, pango otoka me tero. Pe obedo peko pien pwod iromo kubere kede omemba me gurup pi nwongo cuk.</li> </ul>	<ul style="list-style-type: none"> <li>• Wel ame owilo kede ipoto bedo piny atek ka iporo kede wel ame owoto ocat kede icuke okene. Apur maro cato ikilo atitidi akaka cato iwel kilo adwong.</li> </ul>
<p><b>Cuke me nino inino, cabit icabit, dwe idwe (cuke me kare ducu):</b> Tye cuke mogo ame opur kede ocat wil me kin callu rwatte iye kare ikare me cato jamigi bot ocatwil adongo.</p>	<ul style="list-style-type: none"> <li>• Opur romo cato cem gi acalo ngat acel acel onyo acalo gurup. Kodi cuke magi nwongere icallu onyo boma atitino ame opur woto iye. Opur romo wot cato jami gi iwel kilo apol.</li> </ul>	<ul style="list-style-type: none"> <li>• Mogo mako cem ikare me kayo cem keken, mogo dang pe nwongo kare me cato jami gi teki pe opuru.</li> </ul>
<p><b>Cuk me cato jami irwom adwong (Wholesale Markets):</b> Cuk me cato jami irwom adwong obedo kan ame ocatwil kede opur mogo anonok cato cem gi iwel adwong. Ocat jami me awera wera ame ngole cato cem gi atira bot kastoma, bino ikoro cuk man ote wilo jami gi ote wot wero iduki gi atitino.</p>	<ul style="list-style-type: none"> <li>• Opur wilo cem gi adwong igurup ote cato gini adwong iwel amal. Man konyo gurup opur ibalo cente ipango otoka kede mio gi ocat jamigi awang acel.</li> </ul>	<ul style="list-style-type: none"> <li>• Koro cuke magi nwongere iboma adongo kede i Citi, man pol opur pe woto iye. Pe obedo cuke ame apur acel keken ame opuru cem anonok romo wot cat iye.</li> </ul>
<p><b>Duka me wero cat:</b> Man obedo kan ame kastoma kede ocat wil atitino woto wilo jami ame gin omi to tic kede nino inino onyo cabit icabit.</p>	<ul style="list-style-type: none"> <li>• Opur romo cato cem gi adwong icuke ame owero cem awera iye, ento omaro gini cato iwel kilo anak.</li> </ul>	<ul style="list-style-type: none"> <li>• Ocatwil iwel adwong twero gengo opur pe me cato cem bot ocatwil irwom me awera wera. Man me miyo gi cato irwom adwong, opur myero keto cing me niangere piny kede ocat wil atitino ame wero jami awera.</li> </ul>
<p><b>Cuma:</b> Man obedo kan ame kampuni onyo awil acel acel woto wilo jami me medo rwom me ginapura iye kede loko doko ame oromo camo. (Obedo ka neko ringo kede jo aneko ringo).</p>	<ul style="list-style-type: none"> <li>• Jami ame owilo irwom adwong, maro bedo kontrak me kare alac.</li> </ul>	<ul style="list-style-type: none"> <li>• Man maro miyo cul gale, turu kontrak ame oketo kede dang cawa okene maro diyo jo tetek iwel me wil.</li> </ul>
<p>Ka apur tye apuru pur me biacara onyo apuru cem me acata, dako onyo ico myero nge ni gin ame cukere pe, pe myero opur. Ka apur okwero lubo gin ame awil amito, mio gi opuru cem ame pe oromo cato eka pe ote goyo loss. Ka iyero pur me biacara poyo me puru cem ame ocat kede en awille icuke.</p>		

Yore okene ame opur romo nwongo kede icuke nwongere ipwony nama (annex) 17. Pe mite me yin imiyo pwony atye inama 17 bot apur me tic kede. Ento tye me konyi yin apwony nwongo ngec okene ikom gin ame itye ipwonyo.

### **Kwena pwony apire tek**

- Dwaro cuk me cat pat icat. Ka itye imoyo cuk, tammi nwongo ocung icato jami abeco ame gamo wang kastoma kede cobo miti mere.
- Dwaro cuk ocung ibito kastoma pi miyo ye wilo jammi ni abeco ame lo mega owote ni.
- Tye kabede apol ame opur romo wot cato cemgi iye. Pol opur pe ngeo kabede magi.
- Cato cem ipoto ber ento mio ilabo cem iwel arep/apiny.
- Gurup opur myero cat cem gi ame ocoko karacel iwel adwong icuke me cato jami awuyu (wholesale market), ento man pe ber pi opur ame ocung iwigi kengi.
- Opur romo nwongo cente iwel amalu ka ocatto cem icuke apat icato cem ipoto.
- Opur myero yer kan aber ame mio gi onwongo magoba abup ka ocatto cem gi.

Penkop okene ame owot neno obedo kite me nwongo cuk kede cobo miti a kastoma. Man pire tek me opur ngeyo pien konyo imoko tam iwel.

## PWONY ME 2:

# Ngeyo Kwene Amyero Icat Iye Kede Cobo Miti a Kastoma



 CAWA 2



### Kwen apwony ojengere iye:

- Me kato itam amako kwen iwot cat iye kede cobo miti a kastoma ileb me moyo cuk.
- Me niang ngo amio nwongo kwen icat iye kede cobo miti a kastoma cobere aber.
- Me ngeyo kare mene ame wel woto malu kede dok piny alubere ikwen ame icat iye kede miti owil.



### Jami me tic:

Papara alac me goyo cal, alam maka, nwongere ipapara 18 kede 19

## TIC ME ATIA ME 1: Jami ame konyo inwongo kwene myero icat iye kede miti a kastoma



### Leyo lok igurupe atitino

1. Co jami magi apire tek ipapara alac me goyo cal:
  - Miti a kastoma
  - Kwen amyero icat iye
2. Peny okwan me tito iyore yore ngo ame gin ongeo amako cato witcem okwanyo ipoto kede nwongo. Rot yo agam gi kun itio kede agama ibuk me pwony atye piny kan.

## Coc apwony

### Kop adongo amyero ogony tere

**Miti a kastoma** obedo miti a kastoma me wilo jami ame yie amito alubere iwel cente amyero en cul pi gin aen amito. Miti a kastoma pe rwatte ikom gin acel keken. Miti a kastoma bedo lokere. Jami abalo miti obedo wilo cem icuk, dong miti ya ibot awil.

**Kwen amyero ocat iye** obedo koro ngo amyero opur, ocatwil kede ocat romo cato. Kwen amyero ocat cem ame okwanyo ipoto iye romo rwatte ipeki apol. Opur tero cem gi icuk, apur aye tero jami mere.



## Nyutu tuku 2

1. Titi otinkwan ni tic ame gin owot timo tye ipapara 18 me miyo gi niang aber ngo ame balo nwongo ka cat kede cobo miti a kastoma.
2. Iyonge gin ducu itimo man, peny gurup ducu amako ngo ame mio miti a kastoma cobere onyo ka cat. Ti kede coc ibuk apwony me nwongo agam.

### MITI AJO IKOM JAMI

#### Tic me 1:

**Acat:** Gin tye kar ciling 10,000 pi kilo acel.

**Awil:** Icabit okato onwongo tye ka 8,000! Pe dong awilo!

#### Tic me 2:

**Awil:** Atungulu ni pe tye anen acil. Bedo bala pe otwo aber.

**Acat #1:** Ento dang tye ka 2,000 keken.

**Awil:** Pe, apwoyo gite ento anwongo ni twara awilo atungulu ame otwo aber iwel amalu.

**Acat #2:** Atye kede atungulu ame otwo aber iwel me 4,000 ikilo acel!

**Awil:** Amito kilo aryo.

### JAMI ICUK

#### Tic me 3:

**Acat #1:** Kot orii ibino imwaka ni dang pe ocwee adwong.

**Acat #2:** Atamo ni nwyagi pe abedo aber. Atamo ni abedo atek me miyo owil nywagi agin tye amito.

#### Tic me 4:

**Acat wil:** Abolo kwon ame atye kan tin ene.

**Acat icuk:** Ento Man dong obedo nucu ame yam imioi. Ngo otimere?

**Acat wil:** Twoo abolo kwon obalo oko imwaka ni. Pola abolo obale oko.



## Coc apwony

### Tic amiti a kastoma:

#### Tic me 1:

Wel okonyo icobo miti awil. Wel me ciling 8,000UGX yot lo wel icuk ciling 10,000 UGX.

- Ka wel oyito malu, miti me wil maro dok piny.
- Ka wel opoto piny, miti medde malu.

**Kwen awil nwongo cente iye** dang kelo miti me wil. Ka rwom me nwongo cente a kastoma oyito malu, mio gi obedo itwero me wil kede miti ikom jami apapat. Ka rwom me nwongo cente a kastoma tye piny, olungtuke mere cobere.

#### Tic me 2:

**Rwom me gin opuru malu** medo miti awil.

- Owil mito jami arwomere tye malu.
- Medo malu rwom me gin apura medo kero, ento en arwomere tye piny dwoko piny miti me wil.

### Supply Role Plays:

#### Tic me 3:

**Kit apiny lokere kede** konyo inwongo ka cat.

- Ka piny olokere aber mio opur kao koti aber te miyo ka cat mede apol.
- Ka piny olokere arac calo ryeny aceng onyo abwal pii, mio opur pe kao cem ipoto aber te balo naka nwongo ka cat.

#### Tic me 4:

**Two balo** nwongo ka cato jami me poto.

- Kudi kede twoe dwoko piny rwom me cem ipoto.

**Otoka kede yo** dang balo nwongo ka cat aber.

- Giwot aber mio cem okwanyo ipoto tuno naka icuke atye iboma adongo te medo malu rwom me medo cat.
- Rac ayoe kelo peko inwongo cuk abeco.

**Wel puru cem** balo nwongo cuk me cat

- Mede amalu wel cente me puru kwon koti okene romo miyo opur weko kwon koti agin onwongo opuru con ote cako puru en ame magoba tye iye.
- Poto awel jami apura iyi Cuma kelo peko inwongo ka cat.

Jo atye alimo pwonnyere man myero med gini peki okene ame balo cobo miti a kastoma kun nwongo atic kede apor imalu nu. Kop apire tek ame oryeo malu nu ducu balo wel jami opuru iyore moro acel.

## TIC ME ATIA ME 2: Kit ame miti a kastoma kede nwongo ka cat konyo kede iwel



### Leyo lok igurupe atitino

1. Mi bot otinkwan papara nama 19: Kit ame nwongo cuk me cat kede miti me wil balo kede wel wil. Mi gi kare me neno cale kede gonyi gi tere.
2. Nywak kedgi apoka poka atye ikin wel kede miti awil ame cal tye anyutu. Ti kede apeny magi me konyo inywako pwonyere man. Ti kede buk apwony me nwongo agam.
  - a. Pingo omio wel woto MALU awene ame miti awil omede MALU?
  - b. Pingo omio wel dok piny awene ame miti awil adok PINY?
  - c. Pingo omio wel dok PINY pingo omio supply woto MALU?
  - d. Pingo omio wel woto MALU awene supply dok PINY?

### Coc apwony

- a. Wel woto malu teki jo apol tye amito wilo ginoro ni.
  - Ka miti me wilt ye malu, jo apol bedo imiti me culu cente adwong me wil.
  - Acat romo yimo wel malu, ento pwod kastoma dang te wilo. Aporere, ikare me kristmas wel gwen kede ringo yito malu, ento pwod jo wilo gi me acama.
- b. Wel dok piny ka jo anonok aye tye amito wil.
  - Ocat ryebo wel piny pi bito kastoma me wilo jami gi ame pe tye awile icuk. Ka apur opuru nyig cem ame awil pe amito, agiki mere ote puru cem ame pe romo cate te tuno naka ibolo wel piny.
- c. Wel dok piny ka rwom me tero jami me acata icuk tye ayito malu.
  - Ocat tye apyem kede owote gi me cato jami okwanyo ipoto, man mio gi odwoko wel piny me bito kastoma pi wilo ibot gi. Aporere, ka ikare ame nywagi ocek, ocat nywagi bolo wel piny ote cako pyem ikin gi pien nwongo dwong.
- d. Wel woto malu ka cuk me cat odok piny.
  - Ka peko me nwongo gi me acata tye, nyutu ni kastoma bedo moyo jami me awila teki onwongo te wilo iwel atek. Aporere, ka ikare ame aeme pe iwi yat, ocat yimo wel atek pi nyig aeme anonok.





## Tuku pi jo ducu

1. Titi otinkwan ni obino gini temo nwongo teki wel owoto malu onyo odok piny alubere kit ame aloka loka imiti ajo onyo nwongo cuk me cat.
2. Go cal alama me “WEL OYITO MALU” ite keto igwic ot acel. Go alama okene me WEL ODOK PINY ite keto igwic ot tungcel.
3. Mi gi oniang ni owot kwano peki abalo cobo miti a kastoma inwongo jami ame amito wilo. Myero omok tam ka otamo ni wel cem awot malu onyo apoto piny acalo adwogi eka ote wot yero alama ikin aryo magi. Iyonge yero acel, ipenyo atin acel acel ite alama aryo magi kun otito tam gi alubere alama ame gin oyeru.

### Kop:

- a. Cuk ducu me Gulu tye kede oranga anyen. Ngo ame awot timere ikom wel oranga?
- b. Abwal pii ongolo yo akubu Mbale kede Lira. Lira nwongo matooke/abolo, atunggulu kede cabbage i Mbale. Ngo ame atimere iwel coffee Lira?
- c. Mealybugs obalo mogo i Apac District. Ngo ame atimere iwel mogo?
- d. Owil me Kitgum onwongo puru keken sunflower me mo ikare okato. Aman opur puru soybean, sesame kede coconut pi yuko mo oya ipot dek. Ngo ame atimere iwel mo me sunflower?
- e. Machine me yiko amaido kare okato angedc otyeko nwongere Apac town. Machine man tic kede yot. Pol ajo icawa ni tye arego amaido otio idiro anyen. Ngo ame atimere iwel amaido?
- f. Opur anonok ogwoko nywagi gi i citoa naka wang ame jo okwanyo nywagi ipoti kede ocato otum. Gin okelo nywagi gi icuk icawa ame onwongo nywagi pe dwong. Ngo ame atimere iwel nywagi?

## Coc apwony

- a. **Wel oranga adok piny.** Jo atye acato dwong, kastoma tye iyore apol apola me wilo oranga. Owil myero dwok piny wel pi pyem owil okene.
- b. **Wel coffee ayito malu.** Yo me wot wilo matooke/abolo, atungulu kede cabbage tero Lira pii ocego oko, ka cato coffee abedo anonok. Man akeli kastoma wilo coffee iwel amalu.
- c. **Wel mogo ayito malu.** Kudi ongole obalo ipoto, tere ni rwom me wot cato adok piny. Kastoma aculu cente adwong me wilo mogo ame obwot.
- d. **Wel mo sunflower adok piny.** Kastoma tye itwero me yero mo ame emitto wilo, pien miti me wilo sunflower odok piny. Man tere ni wel mo sunflower dang adok piny pi pyem kede mo okene.
- e. **Wel amaido adok piny.** Jo apol opuru amaido kede diro anyen, man amiyo ka cato amaido orego abedo apol te miyo welere poto.
- f. **Wel nywagi gi awot malu.** Opur ogwoko nywagi naka pe omo ka cato. Man gonyo ni jo amoyo nywagi arwate ipeki apol me nwongo nywagi ame owil arwenyo cente adwong.


## Kwena pwony apire tek

- Wel jami romo lokere pien:
  - Wel cem romo bedo aber ibeo imiti kastoma, kwaliti, cawa iyi mwaka mere, puru koti okene atye icuk kede cente adi amyero kastoma rweny.
- Peki ame romo nen i supply obedo:
  - Aloka loka me piny, kudi abalo cem kede twoe, giwot kede yo, cawa iyi mwaka, garama me pur kede diro anyen me pur, ikin en okene.
- Ka opur oniang supply kede miti a kastoma aber, gin oromo moko tam ikom gin ame opuru welere te yito malu man:
  - Puru kwon cem ame welere romo bedo malu
  - Moko tam ikare aber me cato cem apura aporerere gwoko icitoa naka wang ame welere oyito malu.
  - Medo kwaliti me cem apura
  - Pur cem ame pol ajo pe opuru pi miyi nwongo lim adwong.
  - Opur myero pur kwon cem ame wilo yot aco ka pe ogoyo loss.

Igin ame wan owot pwonyere iye obedo 5Ps me moyo cuk (olwongo dang ni moyo cuk me cat orubere) ame obedo gin amyero opur tam amako moyo cuk pi jami apura.

## PWONY ME 3:

# Nwongo Cuk Kun Otio Kede Kop 5Ps



### Kwen apwony ojengere iye:

- Me niang 5Ps kede kite ame romo konyo kede apur aber me cato cemmere
- Me pwonyo kite me wot icuk kun nwongo tye agwoko 5Ps ikite me nwongo cuk



### Jami me tic:

Papara me goyo cal, alam maka, Annex 18 kede 19

## TIC ME ATIA ME 1: Niango 5Ps me nwongo cuke



### Leyo lok igurupe atitino

1. Nyuti okwan papara nama 19: 5Ps me nwongo cuk. Kobi otinkwan ni tye guti abic apire tek me tamo amako nwongo cuk. Olwongo ni 5Ps inwongo cuk pien gin ducu cakere inyukta p. Ikin gi obedo Product, Price, Place, Promotion and People ame gonyere ni (cem, wel, kabedo, dongo catowil kede jo).
2. Peny opur me kobo gin ame oneno gini icale magi kede ngo ame otamo gini iye arwatte inyukta 5Ps ka otye omoyo cuk. Tic kede buk apwony me konyo ileyo tam.

## Coc apwony

### Nyukta 5Ps imoyo cuk

#### Cem apura

Man obedo cem apura aporere obedo nywagi, atunggulu, mogo, cabbage, oranga, nyanya, sesam, ikin en okene.

Ber me ngeyo ni ka itye ipuru cem me acata, myero bed ame rwomere tye malu. Cem myero packing aber, anen amwonya awao miti awil icuk.



- Tye yore okene ame **iro mo yiko cemi te nen apat** kede nen amonya apat imega opur okene ame dang opuru koro cemmono ame wao cuny owil?



#### Wel

Man obedo wel ame cunyi tye amito cato kede gin apura ni bot owil. Wel myero rwatte igupo me cente awil alubere kit ame otye acato kede koti moro nono icuk. Tem me poro gin ame itye icato kede mega owote kede wel atye icuke okene.

- Koro **pyem** ango atye konono? Iwel ango? Iromo yimo wel malu onyo piny akato mega apur wadwu?
- Iromo **poro wel** ame pe loloko kede awil, onyo jengere iwel otye acat kede icuke?
- Cente ame otio kede ipur tye adi?



#### Kabedo

Man obedo eria/kwen ame opur cato cem gi iye. Obedo cuk me cat ame tye i eria ni, i farm ni, i citoa onyo kan ame ocoko cem me acata iye karacel ka acato igurup.

- Nga myero **ocat** cem bote? Icato bot acatwil ame wero awera, acatwil ame cato irwom adwong (wholesaler) wel, onyo duka, processor, onyo cato bot jo awilo me acama?
- Kwene ame icato iye? Ipoto, kan ocoko cem iye karacel, onyo cuk me kin callu? Onyo itero icuk me city?
- Yore ango ame itero kede cem icuk kwen ame iwot cato iye?





### Miyo biacara ngeye

Man obedo yore me miyo owil ngeyo ni itye icato kodi cem ame gin otye omito. Pol opur tio kede cim, eka mogo loko idoggi kede ocatwil onyo ibeo owote. Yore okene obedo radio, papara akwana, ikin en okene.

- Yore ango ame imio awil ngeo kede ni itye kede cem me acata? Ibeo **irabo kwena mere?**
- Yore ango ame itic kede me miyo kastoma anyen ngeyo kede loko tamgi pi miyo wilo ginapura-ni?
- Myero **ico kor puko** ame cem tye iye pi nyutu nit ye me acata?
- Ngo amyero itim me miyo jammi me acata nen **amwonya akao wang** awil?



### Jo

Man icawa okene olwongo ni kastoma. Obedo gini owil onyo jo awilo cem me acama. Man romo bedo jirani, ocatwil, kampuni, iryonget, ocat cem me awera, ocat cem me wholesale ikin jo okene ame tye imiti me wil.

- Ngo ame gin **otye omito?** Otye omito en acal ingo onyo nen ningo?
- Gin otye i **cente** me wilo cem?



### Ceko G

1. Pok otinkwan igurup ite miyo gi pwoyere atye ipapara 20: Citori G. Titi okwan ni owot kwano gini citori wek oniang aber ngo obedo 5Ps.
2. Iyonge kwano citori, kwa gurup me leyo tam amako ngo ame otimere iyi citori kun otio kede apeny magi.
  - a. Ngo obedo arac kede wel cem a Mirriam?
  - b. Ngo aen otimo iye?
  - c. Ngo a Mirriam otimo me miyo cemmere kayo wang kastoma?




## Miriam cato kicere oyotoyot

Miriam obedo agwok-kic ame toto-kic inge dwe adek-adek. En nwo gwoko ture naka ka jo obino wilo. Ento, ingeo dwete anak, en nwo tye agwoko kic adwong atek pien en nwongo pe romo cato oyotoyot ka en toto. Pol ajo dang pe ongeo ni en cato kic pien en nwo pe kede signpost. Owil Okene obino ento yi-gi te wang pien Miriam nwo cato kic ka I cupa me lita acel kun gin nwo omito wilo kic anak awelere nok.

Iyonge en niang-ni kiccere pe tye acate oyotoyot kit ayie amito, en te moko tam me wilo gi-mako kic icayi apapat wek erom ngollo wel apapat pirgi. Man te konye anak ento kic pwod te bedo adwong en te yenyo yore me cato oko.

Me cobo man, Miriam te moko tam me tero kiccere I cuk abedo I cabit-ducu I calo-gi I ceng-cabit ducu. En dang te cako nyutu kicere idog-yoo I dyeceng wek jo nen. En te yiko signpost adit me rabo-pi kiccere kede nyutu kit ame etye erabo-pire- ka ngatoro owilo kic aromo ciling 50,000, gin onwongo kic nucu lita nono. Yele man okonyo jo apol me ngeyo kop I kom kic aen tye acato eka en te cako nwongo jo apol ame tye abino me wilo kic I paco ture kede naka I cuk me cabit-ducu. En te cato kiccere ikine me kare anak iyonge tic kede diro me cat anyen.



## Coc apwony

- Miriam ocako catu **mo kic** ikebe adongo. **Welere** onwongo tye malu pi jo okene. **Kabedo** mere obedo ture, ento jo apol pe ongeo ni en onwongo tye imo
- En piko iyi **kebe atitino** te cato iwel apapat. En dang ocibo **signpost** ilanget ture me rabo kwena pi biacara mo. En ocako cat icuk ilanget ture ame bedo iceng cabit ducu.
- En mio nucu lita me nono bot dano ame owilo mo iwel me ciling akato 50,000 UGX.

## TIC ME ATIA ME 2: Kwedo cuk



### Leyo lok igurupe atitino

- Titi otinkwan ni yore me ngeyo 5Ps obedo limo cuk me neno kit ame awil kede acat loko gini kede.
- Cak leyo lok amako ngo ame gin oneno icuk alubere gin otye acato, wel, kabedo, rabo kwena mere kede jo.
- Mi okwan icwil me wot icuk pi kwedo 5Ps ibeo itic ipwonyere atye ibuk ame apwony jo tye atic kede.
- Titi okwan me wot limo cuk, ka twere wot nen cuk apwod pe idonyo iot pwonyere.

## Coc apwony

### Imung me wot icuk pi neno kit ame 5Ps tye atic kede icuk cat

- Ti icawa moro keken me wot neno cuk. Rot cuk idiceng kede iwor ducu. Wot icuk inine ducu atye icabit.
- Go pulan me ginapura 1 onyo 2 ame imito nwongo ngec ikomgi. Tam ngec ango ame imito wot nwongo icuk amako ginapura 1 kede 2 magi ikom 5Ps.
- Ka ituno icuk, cak wowota kun imano eria me cuk medo ineno jami ducu atye iye.
  - Gin apire tek nge nga atye acat, nga atye awil kede ngo otye acato icuk.
  - Nwong nga ame tye acuburu te biacara man idi cuk (aporere piko ipuku, tero, yeko gured, ikin en okene).
- Wot bot jo kede woro kede pe imi cunye dok cen. Ket iwi ni jo atye icuke obedo jo ame nwo tic odio gi atek ame icawa moro pe omiyo miyo ngec imito ibot gi pien mogo tamo yin imito pyem kedgi itimo biacara. Bed ngat amwol, ento medde kanyakino naka wang ame ngatoro acel oloko kedi.

Man obedo gum amyero iti kede me ngeyo kite dongo biacara acatwil- kit ocako kede, kit ogo ipulan aber, kite me bito tam kede kubere, ikin en okene.

### Ngo ame opur romo wot neno icuk alubere ginapura, wel, kabedo, rabo kwena me dongo biacara kede jo


- Kwon jami apura apol me acata tye i size, kala, akwone papat kede kwaliti mere.
- Wel apapat me ginapura, kwone, size, kede kwaliti.
- Kwon cuke ikabedo apapat. Mogo cuke me callu eka mogo tye iboma onyo citi. Mogo obedo cuke me wholesale onyo cuke ame coko jo apol, mogo duka. Ber ka ineno ginapura, wel, medo rwom me catowil kede jo lokere alubere kede kakan ame cuk tye iye.
- Ocat bino miyo wel ayot calo dwoko piny ame lo mega ocat wadgi. Mogo romo yongo owil jami me nono iyonge wilo ibot gi.
- Jo awilo icuk obedo dano acel-acel, owil me wholesale, ocatwil ikin en okene.



## Kwena pwony apire tek

- Ber me lubo ginapura, wel, kabedo, dwoko wel piny kede jo pi moyo cuk. Ngec man akonyi cobo miti a kastoma kede miyi cato jammi-ni aber.
- Limo cuk kede kwedo cuk konyo apur me ngeyo ngo atye atimere icuk.
- Kwed cuke apapat me miyi nwongo tam anyen ikom kit ame jo okene tye atic kede amako 5Ps pi moyo cuk.

Pwony me anyim owot neno ber kede rac amoyo cuk acalo dano acel onyo acalo gurup opur. Obino dang nyamo kit amyero opur atye igurup dongng kede ka omoyo cuk karacel.



 CAWA 2



### Kwen apwony ojengere iye:

- Me niang ber abedo igurup me pur pi timo biacara me pur.
- Me niang kite ame apur atye igurup dongo kede



### Jami me tic:

Papara alac me goyo cal, alam maka

## TIC ME ATIA ME 1: **Dano acel vs. leyo lok me gurup imoyo cuk**



### Leyo tam igurup

1. Peny ka tye ngatoro ame oroto cuk te neno jami tye atiye i 5Ps. Kwa gi onywak gin ame oneno icuk.
2. Kobi jo apwonyere ni moyo cuk dano acel acel romo timo onyo jo atye igurup. Tye berere kede raccere pi yore aryo nono ducu ento ber me opur iniang ikomgi me wek konygi imoko tam k ace omo cuk igurup onyo acalo dano acel acel.
3. Pok okwan igurup aryo. Mi gurup acel cwak tam me moyo cuk acalo dano acel acel eka gurup okene te dopo cwako **moyo cuk acalo gurup**.
  - Gurup acwako moyo cuk pi DANO ACEL ACEL myero otam ber kede rac atye ikom moyo cuk acalo gurup.
  - Jo acwako MOYO CUK ACALO GURUP myero otam ber kede rac atye ikom moyo cuk acalo dano acel.

4. Iyonge gurup ityeko nyamo tam, ket pyem leyo lok. Ti kede pwony atye ibuk apwony me cwako kor pyem lok man.
5. Iyonge tyeko pyem leyo lok, ket yera pi moyo jo atamo ni moyo cuk acalo dano acel ber kede dang jo acwako moyo cuk igurup (icawa me yera, pe paro tung ame okwan onwongo tye iye icawa me pyem leyo lok). Kwa jo moro anak me tato tye kop me yeragi.

Ber amoyo cuk acalo dano acel acel	Ber amoyo cuk igurup
<b>Rac amoyo cuk acalo dano acel acel</b>	
<ul style="list-style-type: none"> <li>• Apur romo kato itamere abongo winyo mega ajo ocele.</li> <li>• Wel cente ame bino icat ducu donyo icao apur.</li> <li>• Apu twero temo diro anyen, yore anyen me tic kede tam anyen me moyo cuk abongo penyongat okene.</li> <li>• Bedo akala kala bedo ape ka obedo biacara ni ikomi pien nwongo itimo ducu ikomi.</li> </ul>	<ul style="list-style-type: none"> <li>• Peko me moyo cente ducu jengere iwi apur.</li> <li>• Jo okene cako tamo ni ogelo gi pat me tic kengi.</li> <li>• Peki ducu, nyony tic kede wilo jami me pur jengere iwi ngat acel.</li> <li>• Apur myero tim ikweda me cuk kene abongo ngat akonye.</li> </ul>
<b>Ber amoyo cuk igurup</b>	
<ul style="list-style-type: none"> <li>• Mio inwongo lon i bank oyot yot pien gurup obedo jo acungi iculu lon.</li> <li>• Ibedo igupu adwong iporo wel wil pien nwongo itye wunu icem adwong acalo gurup.</li> <li>• Ibedo wunu iyore ayot me nwongo ngec amako moyo cuk kede omi tam.</li> <li>• Wil me awuyu kede note ipango otoka me wilo jami pur welere dok piny.</li> <li>• Bedo igurup mio iwao cuny owil apol ka icok cem wu karacel.</li> <li>• Nwongo cente wu bedo ayot kede cwak ibot gamente kede dule ape jengere ikom gamente.</li> <li>• Bedo igurup mio kare bot opur me medo kwaliti me cem agin opuru me acata icawa ikokome.</li> <li>• Gurup romo rayo cente ikin gi me goyo pulan apol.</li> <li>• Lokere awal romo gengere ka tye tic me kontrak.</li> <li>• Gurup romo nwongo pwonyere imedo ngec kede pwonyere me yiko cem iyi kampuni.</li> <li>• Cwalo cem icuk ikare ducu twere ka pulan kede tela tye aber.</li> </ul>	<ul style="list-style-type: none"> <li>• Tek me omemba ite gurup moko tam karacel iyi agam ipeki atye, aporere ka gen pe ikin omemba.</li> <li>• Goba, ikin omo cuk romo kelo lweny igurup.</li> <li>• Kwiya gwoko rikod romo kelo rweny a cente.</li> <li>• Mito yore aber me koko cem karacel kede tero icitoe kan ame tye icenta.</li> <li>• Kwo kede rweny acente romo nen ka pe ongeco koko cem icitoe.</li> <li>• Yoe aber mite me miyo owil adongo dongo bino pi wilo cem opur icallu.</li> </ul>

## TIC ME ATIA ME 2: Kite opur ite igurup dongo kede



### Leyo lok igurupe atitino

1. Titi opur ni tye adwogi aber me cat igurup kede moyo cuk. Ento tye kit kwo amyero opur igurup bed kede me miyo gi cobo catowil gi aber acalo gurup ame amoyo cuk karacel.
2. Yab leyo tam ikom kit kwo ango amyero opur atye igurup cob biacara gi ka tye omoyo cuk karacel. Tic ipwony atye ibuk apwony me nyuti kite me leyo tam.

### Coc apwony

#### Kite opur ite gurup imoyo cuk

##### *Kwaliti memba kede kite*

- Memba myero be ingec atut idiro me catowil.
- Omemba myero bed icokere kare ducu abongo keng.
- Omemba myero nen kit dano acel acel tye ayele kede igurup kede me puru cem akwaliti mere tye.
- Myero gene kede woro bed atye ikin omemba.
- Myero onyut yo tic adano acel acel ka otuno icato kede moyo cuk me ginapura.
- **Cik kede tela**
- Myero olub cik.
- Myero oyer otela alubere iloc alwak kun ogengo camucana kede kwiya tic ilim alwak.
- Otela myero bed jo ajale, jo atute, ongolkop atir kede jo awore.

##### *Yore me moyo cuke*

- Gurup myero mar timo ikweda ikom cuk kede goyo pulan iyonge cato cem.
- Gurup myero nwongo yore aber me nwongo ngec me moyo cuk.
- Komiti me moyo cuk myero mo biacara akaka omemba ducu.

##### *Gwoko rikod*

- Gurup myero gwok rikod atye atir.
- Myero ateni bed tye ikite me pok kede cul.

##### **Coko cem karacel**

- Cem ducu myero bed ame kwaliti mere tye malu kede arwatte (kwone, size, kala ikin en okene).
- Gurup myero bed icitoe ame nwongo yot kede wudi mere tye aber medo iyo aber.

## Kwena pwoony apire tek

- Moyo cuk acalo gurup ber kato moyo cuk acalo dano acel, lubere ikare moro nono.
- Tela me gurup pe yot. Icawa moro gen bedo ape onyo niang anok ikin omemba ame obedo peko. Ento man room cobere ibeo itela aber kede nyutu tic kan aler.
- Gurup myero bed kede cik atelo gi.
- Moyo cuk igurup opur romo bedo tam aber pi opur apol, ento genne myero bed atye ikin omemba, yero otela iloc alwak kede tute ibot omemba ducu me dongo biacara.







Man obedo pwoony me agiki i Module 4. Pwo jo otyeko pwoonyere man inwongo ngec i kom dongo diro me timo biacara. Cukuru cuny gi me nywako kit apwoonyere owoto kede gin ame gin oromo yik. Pwo otinkwan pi bedo jo akiti kede peny k ace ngatoro tye kede apeny. Ka pe itwero gamo apeny gi, nwong kony ibot okony opur me kin paco (extension worker) onyo atic me GIZ me gamo apeny.

# ANNEXES

## 1-19



## ANNEX 1: Alokaloa atye i kite me pur i Uganda

Kare	Pur pi Cem	Pur pi Cente	Ngo okelo alokaloka man?
<p>MWAKI 20 OKATO</p>			    
<p>MWAKI 10 OKATO</p>			    
<p>MWAKA NI</p>			    

# ANNEX 2, CEKO A: Bedo kede wic me biacara


## 1. Biacara Akello pikare apapat



2.



3.



4.



## 1. Biacara Okello acel keken



2.



3.











4.











### ANNEX 3: Kit ame otim biacara atye atimo aber bedo kede

#### Kiti

1	Itye kede		Temo jami
2	Itye kede		Yenyo biacara
3	Itye kede		Tye kede ngec
4	Itye kede		Tye kede cuk me jami aber
5	Itye kede		Tye kede cuk me tic aber
6	Itye kede		Temo gummere
7	Itye kede		Pe jalo jami
8	Itye kede		Tio kede wie kene kede cunye tek

#### Wa kede jo

#### Ngec amegi kede jami ame iwok iye

9	Itye kede		Tye kede owote and leb me cato will aber
10	Itye kede		Tye kede ngec me tela
11	Itye kede		Gene
12	Itye kede		Ngeo lok kede joo
13	Itye kede		Okwano
14	Itye kede		Tye kede ngec olagoro
15	Itye kede		Tye kede ngec me cato wil
16	Itye kede		Tye kede jami amite pi timo biacara

**ANNEX 4:**



**1**  
**NWONGO KARE ME**  
**TIMO**




**4**  
**TAMO YO TIC**



**2**  
**GOYO PULAN**

**AWALA AME PUR**  
**WOK IYE**




**3**  
**TIMO: Yubere, cato kede**  
**nenno**






## ANNEX 5: Jami atima i pur kede biacara me pur

A




B




## ANNEX 6: Kite me pimo lobo

**1 hectare = 2.5 Acres**

**1 hectare = 100m X 100m**



**1 acre = 100m X 40m**



**Gonyo hectare dwoko acres**

Imalo, ka omio ni 1-hectare obedo 10,000m<sup>2</sup> (100x100) m, kede ni 1 acre is 4000m<sup>2</sup> (100x40) m.

$$1 \text{ Hectare} = \frac{10,000}{4,000} = 2.5 \text{ Acres}$$

**1 Hectare = 2.5 Acres**

**Loko acre iyore apur i teddero, lango tio kede Atala, Acholi tio kede tal**

Apwony romo konyo miyo okwan niango kite me pimo lobo i acre ileb a gin oniang aber kaka kobo i meter.

Ka oneno kit opimo i acre acel. I Dokolo, Oyam, Kigum, Agago kede Otuke ame otio gini kede “Tal”/ “Atala” anwo tye meter 3 me pimo poto-gi, loko tal/atala i acre otimo kiti.

$$40 \text{ metres} = 40/3 = 13.3 \text{ Tal/Atala}$$

$$100 \text{ metres} = 100/3 = 33.3 \text{ Tal/Atala}$$

Pi mano, pi appur oya i Dokolo, Oyam, Kigum, Agago kede otuke, acre gi obedo (33.3 X 13.3) Tal/ Atala ame nwongo rom aroma (100x40) meter.


Pi apur oya Amolatar, Lamwo, Gulu kede but pader ame tal gi romo 1.8 metres

$$40 \text{ metres} = 40/1.8 = 22.2 \text{ Tal/Atala}$$


$$100 \text{ metres} = 100/1.8 = 55.6 \text{ Tal/Atala}$$

Pi mano, pi opur oya Amolatar, Lamwo, Gulu kede but pader, acre gi now obedo (55.6 X 22.2) Tal/ Atala ame romi (100x40) meter.

**Kit opimo kede Dokolo, Oyam, Kigum, Agago kede Otuke (1 acre)**



**Kit opimo kede Dokolo, Oyam, Kigum, Agago kede tu Pader (1 acre)**



**Ngec:** Kit ame onyutu kede malo, opwonye romo tiyo cura opore kun otio kede kit a jo ikano pimo kede lobo.



## ANNEX 7a: Apor me goyo myeka pi biacara

<b>Citep me 1:</b> Gi atia _____				<b>Citep me 1:</b> Ket nying gin itiyoyo ping (e.g. oranga) i bur ame oweko i template no.
<b>Citep me 2:</b> Pi kare: _____ tunu _____				<b>Citep me 2:</b> Yee me neno kare ame myeka man atero (e.g. cako January 2020 tunu June 2020). Pi cem, man nwo obedo kare me pito cem pi season acel. Pi leyo, man romo bedo dwe i dwe, nyo i kin dwe angwen.
<b>Citep me 3:</b> Lac alobo (acre/ha): _____				<b>Citep me 3:</b> Tii cura me lac alobo i puru (i acres nyo hectares)
<b>Citep me 4: Cente</b>				
Kom jami	Ditere	Welere (UGX)	Welere duc (UGX)	<b>Citep me 4:</b> Tii-cura me cente amite pi biacara man ibeo ikato kede nyig yore apol ame ibi cat/tic kede jamii inwongo. Man myero bed kede wel ame itye igeno kede wel ame obino cato kede i dog poto, iyi cuk, nyo bang jo atero i lobo aoko.  Myero dang iket-itye wel ame igwoko pi acama paco nyo ipoki jo.  Dit kede welere pi line acel acel romo bedo pat.  Ka jami inwongo itye igwoko me acama paco, neni welere iketo arom aroma i wel men atye i cuk.
<b>Citep me 5: Cente ducu</b>				<b>Citep 5:</b> Med namba duc ikan oco ni 'Welere duc'. Man bino nyuti cente duc ame inwongo ikom gin icato no. Welere ducu myero co kan oco ni 'Cente ducu'
<b>Citep me 6: Wel aloloka</b>				
Kom jami	Ditere	Welere (UGX)	Welere duc (UGX)	<b>Citep me 6:</b> Tii cura ikom wel duc kun iporo kede kit ikao kede wit cem. (eg, Oranga) ikan oco ni Kom, coo garama duc ame ibeo iye ikare me pur. Pi acel acel, yeny ditere kede welere ikokome wek inwong welere duc (UGX) pi Kom acel acel.
<b>Citep me 7: Wel aloloka oribo duc</b>				<b>Citep me 7:</b> Rib namba duc atye i te welere ducu. Man bino keli wel alokaloka pi wit cemoro no. Wel man ducu-ni myero coo kan oco ni 'wel alokaloka oribo duc'.
<b>Citep me 8: Magoba me biacara (cente ame inwongo) = (cente duc inwongo – wel alokaloka oribo duc)</b>				<b>Citep me 8:</b> Kwany 'wel alokaloka oribo duc' ikom 'cente duc' wek inwong magoba me biacara.

## ANNEX 7b: Apor ikom myeka i biacara a Joseph

Citep me 1: Biacara: Nywagi

Citep me 2: Pi kare: Jan 2020 tuno June 2020

Citep me 3: Lobo otio kede (acre/ha): 1



### Citep me 4: Cente

Kom jami	Ditere	Welere (UGX)	Welere duc (UGX)
Nywagi opuru ote cato	Kilo 900	1,000	900,000
Nywagi opuro ote gwoko iot me acama	Kilo 75	1,000	75,000
Nywagi opuro ote miyo jo nono	Kilo 25	1,000	25,000

### Citep 5:

**Wel cente duc:**

**1,000,000**

### Citep me 6: Variable Costs

Ikom jami/tic	Ditere	Welere (UGX)	Welere duc (UGX)
Wilo koti	Kilo 10	4,000	40,000
Lwero bung	1 acre	50,000	50,000
Puro poto –me acel	1 acre	140,000	140,000
Puro poto- me ary	1 acre	100,000	100,000
Pito	1 acre	50,000	50,000
Wilo jam okene oketo i poto calo fertilisers, etc.	Assorted	100,000	100,000
Keto Fertilizer	1 acre	10,000	10,000
Doyo	1 acre	60,000	60,000
Kayo	1 acre	30,000	30,000
Kwanyo i poto tero paco	10 bags	3,000	30,000
Pyeto	10 bags	3,000	30,000
Cao ayigi nono	10 bags	1,200	12,000
Tero i cuk	10 bags	5,000	50,000
Garama me cato	10 bags	1,000	10,000

### Citep me 7:

**Wel ame loloka**

**712,000**

**Citep me 8: Magoba me biacara (gross margin) = Cente duc - Wel ame loloka**

**MAGOBA 288,000**

## ANNEX 8: Buk me pulan pi biacara me pur

Apor: \_\_\_\_\_ Nino oyiko kede: \_\_\_\_\_

### 1. Acaki:

Nying	Calo/Distrik	Kare me pulan man

Neno a biacara me pur:

---



---



---



---

Miti a biacara me pur:

---



---



---



---

### 2. Pulan me biacara

Puru cem			
Kwon cem	Lobo (acres)	Adwogi mere (kg/acre)	Adwogi mere ducu (Kgs)

Onyo

Gwoko leyi			
Kwon leyi	Wel leyi	Wel lee acel acel	Wel leyi ducu









## ANNEX 9, Apor A: Gwoko rekod



**Acheng:** Amito cente moro me wilo uniform me cukul pi onyira-wa ame bino wot i cukul i cabit abino.

**Opio:** Ape i cente.

**Acheng:** Ngo? Ocato puki 10 me ocere iwel me 2,000,000 UGX. Cente-no owoto kwene?

**Opio:** Otio kede me wilo jami me yii-ot, eka ote nyayo-wie odong i biacara me gwoko gwen.

**Acheng:** Yin agoba! Myero bed imato cente no oko i bia kede owoteni. Nwo dwong ame pe iromo ka tic kede kito!

**Opio:** Iromo ero kobo ni an agoba ningo? Aya, cako tin wot anyim, ngat acel acel ikin wa myero coo ping kit ame otio kede cente.

## ANNEX 10, Ceko D: Mr. kede Mrs. Okwang ngiyo magoba me biacara me pur-gi

1.

Mr. kede Mrs. Okwang obedo opur irwom apiny i tumalo me Uganda. Gin opuro atungulu, nyanya, kede amaido. Gin obedo dul kom gurup opur i calo-gi eka nino moro acel Apwony obino te lok kedgi i gurup akako gwoko rekod. Okwang-gi te pwoyere akwako kwone yore me gwoko rekod i tic me pur.



2.

Okwang-gi anaka nwo pe ogwoko rekod, ento nwo omito gini temo. ikare okato, gin nwo opuro cem abongo ngiyo kit ame tye awot kede nyo kit ame cat owoto kede.

Gin omoko tam-gi me cako keto rekod me cente kede garama pi kwonne cem-gi adek.



3.

Okwang-gi cutu te niang tam me gwoko rekod. gin ote cako wilo jami pur apol calo koti, fertilizier kede jami-pur anyen. Gin oniang kit ame poyo garama tek-kede ka imako i wii dong yii-gi te bedo yom me coyo garama ka owoti culo.

Rekod dang okonyo-gi ikare moro ame atic-gi acel opoyo wii-gi ni etye ekuro cul. Mr. Okwang pe oye ni etye i banya aticcere- en otamo ni nwo ecule oko! Mrs. Okwang te poyo-wie me ngiyo kong buk rekod. nwo pe tye kanoro ame oco ni oculo atic-ca, Mr. Okwang te kwayo kica kede culo banya. Wii atic te weo. Okwang te gwoko rekod aber.




4.






Iyonge en ikwanyo cem i potu kede cato-gi, Okwang-gi obin ongio buk rekod me roto magoba adi onwongo. Wii-gi obin obale me nwongo-ni orwenyo lim i kom nyanya. Gin nwo opuro nyanya kite me kare ducu – gin nwo pe ongeo ni otye orwenyo cente-iye i kare ducu! Gin onwongo ni amaido tye akelo magoba, gin te moko tam me medo lobo me puro Amaido kun ocalo ngiyo kite me yiko magoba me nyanya-gi.



## ANNEX 11: Buk rekod pi biacara me pur

Rekod me adwogi pur								
Biacara	Dit a lobo (acres)	Nino me pito	Dwong a koti opito	Gen me adwogi mere pi acre acel	Nino me kayo	En okao ikokome (tons/ kgs/bags)	Dwong ocato	Coc
								
								
								
								

Rekod me cem i paco					
Biacara	Nino dwe	Dwong ame Ogwoko pi tic paco	Welere (UGX)	Welere duc	Lok
 Ocere					

Jami tic (Rekod me jami-atye)					
Kop ikom jami-atye	Nino dwe owilo	Wel ame owilo	Wel nyige (UGX)	Gen me kwo mere apwod tio	Lok
 Lee					
 Kweri					
 Panga					
 Kweri dyang					
 Opik					





## ANNEX 13, Ceko E: Kit ame Okello Abalo obedo kede

1.

Okello kede Abalo onyomere.gin omaro lok karacel pi neno-gi me anyim. Otye omi-to-ni otino-gi wot i kwan. Otye omi-to roco wi-ot gi a kot pwod pe odwogo. Otye dang omi-to wilo dyang wek ocak nwongo cak pi otino-gi kede wilo lobo me nyayo-lim. I kare acel-li, gin otye omi-to dang dwoko ping rwom a banya-gi.



2.

Gin omoko tam karacel me cobo neno man. Me acel, gin oneno eka ote coyo ping kwene a cente-gi aya iye. Gin ote ge-co cente abino kede en ame aket i paco pi dwete apol wek onge kom cente a gin obino nwongo kede tic kede. Gin ote nwongo wel me tuno i neno-gi calo culo kwan, roco wi-ot, wilo dyang kede lobo.




3.

Gin omoko tam me gwoko cente, abongo paro tidi mere, dwe ducu. Gin dang oribo cente amite me aketa tenge dwe ducu me culo banya-gi.

Aman dong, gin oromo neno cente-adi ame ogwoko iyonge culo banya atitino, gwoko cente me kwan kede banyi. Gin dong otye oyikere me nwongo cente adi amite kede awene wek owil dyang kede lobo, kede ocob neno-gi.

Iyonge tam-magi ducu, Okello kede Abalo tye awinyo aber.yii-gi yom pi tam a gin omoko. Otye kede gen ni ka ocung i tam-magi cite obino nwongo ngo ayi-gi amito.





## ANNEX 14: Apor me myeka lim pi paco

Dwe												
Jami atiyé	Acel	Aryo	Adek	Angwen	Abic	Abicel	Abiro	Aboro	Abungwen	Apar	Aparacel	Apararyo
<b>Cente</b>												
1. Cente me pur		200,000		300,000	100,000	500,000			500,000			
2. Cente me biacara, cato moo-yao	30,000	30,000	30,000	30,000	30,000			30,000		30,000	30,000	60,000
3. Cul ikom goyo brick	70,000	70,000	70,000				70,000	70,000				
<b>Cente duc</b>	<b>100,000</b>	<b>300,000</b>	<b>100,000</b>	<b>330,000</b>	<b>130,000</b>	<b>500,000</b>	<b>70,000</b>	<b>100,000</b>	<b>500,000</b>	<b>30,000</b>	<b>30,000</b>	<b>60,000</b>
<b>Cente ogwoko</b>	10,000	100,000	10,000	100,000	10,000	200,000	10,000	30,000	100,000			5,000
<b>Garama</b>												
1. Cente me kwan pi otino 3		60,000			60,000				60,000			
2. Cukal, kado, moo kede jami tedo okene	10,000	10,000	10,000	10,000	10,000	10,000	10,000	10,000	10,000	10,000	10,000	10,000
3. Limo Auntie – wot kede mic			15,000			15,000			15,000			15,000
4. Bongj anyen me wot i lego pi jo paco				100,000								
5. Airtime- Goyo cim	3,000	3,000	3,000	3,000	3,000	3,000	3,000	3,000	3,000	3,000	3,000	3,000
6. Culo banya	20,000	20,000	20,000	20,000	20,000	20,000	20,000	20,000	20,000	20,000	20,000	20,000
<b>Garama duc</b>	<b>33,000</b>	<b>93,000</b>	<b>48,000</b>	<b>133,000</b>	<b>93,000</b>	<b>48,000</b>	<b>33,000</b>	<b>33,000</b>	<b>108,000</b>	<b>33,000</b>	<b>33,000</b>	<b>48,000</b>
<b>Okato /Orem</b>	<b>+57,000</b>	<b>+107,000</b>	<b>+42,000</b>	<b>+97,000</b>	<b>+27,000</b>	<b>+252,000</b>	<b>+27,000</b>	<b>+34,000</b>	<b>+292,000</b>	<b>-3,000</b>	<b>-3,000</b>	<b>+7,000</b>



## ANNEX 15, Ceko F: Yore me gamo lim-adena



### Citep me 1: Yubere

- Tam pi neno a biacara-ni, nen lim igwoko eka ite moko tam cente adi imito deno.
- Yeny omi-lim adena adi aromo miyi cente.yeny en ame romo miyi lim a cik me lim-gi tye
- Yub balo duc ame amite me amia bot omi lim adena



### Citep me 2: Penyo

- Niang cik me lim-adena a gin amiyi, ikingi interest kede kare me dwoko.
- Pong balo me penyo kede kop akwaki calo nyingi, nino me nywale, tic kede kan ibedo iye.
- Mii balo moro keken ame gin tye amito me konyo kori.



### Citep me 3: Peny

- Omi lim-adena kwedo poto-ni nyo biacara me niango ngo itye kede kede rwom a biacara-ni.
- Yore-man nwongo ngec me konyo gi neno ka iromo culo lim adena.
- Omi lim-adena romo roto kit ibedo kede deno cente kede kit ibedo dwoko ikare okato.



### Citep me 4: Moka

- Omi lim-adena moko tam me miyi nyo pe miyi lim-adena.
- Obino miyo apur ngec ka balo-gi me penyo loan omoko nyo pe.
- Ami lim-adena bino pori jami apirgi tego i pora me lim-adena
- Nen ni ipenyo me niango kan a pe iniang a pwod pe iketo cingi i contract.



### Citep me 5: Miyo

- Man obedo ka apur ogamo cente nyo jami me pur calo lim- adena.
- Kare ikin penyo kede miyo lim-adena romo bedo abor nyo acek, dong peny con!



### Citep me 6: Roto lim-adena

- Pire tek me ngiyo cente-adi amyero icul kede awene, alubere kede kit oketo ping.
- Ami lim adena bino dangg roti te ngiyo kit ame itye itic i cente.
- Nen-ni itio cente i tic ame igamo pire



### Citep me 7: Culo lim-adena

- I rwom-man ogeno-ni iromo culo lim-adena kit ame ocoo i contract.
- Tii me dwoko lim-adena ikare ikokome, i dwe ducu.
- Ka pe iromo dwoko lim-adena-ni ikare ikokome, man romo keli tim mogo ape opore kede adwoji arecu calo itango.
- Omi lim-adena romo bino ika biacara-ni me roto kede ngiyo ngo atye atimere.
- Myero dong i den ka lim ame iromo culo.

## ANNEX 16: Yore apapat me cato jami apura


Cuk apima	Poru	Berrere	Raccere
Opur wadwu	Opur okene ikano	<ul style="list-style-type: none"> <li>• Cente me tero pe</li> <li>• Gum me yiko wat</li> </ul>	<ul style="list-style-type: none"> <li>• Wel maro bedo ping</li> </ul>
Ngatoro nyo owil pi paco	Owil me kin paco nyo jo oya i kan okene ame wilo me tic kede apirgi	<ul style="list-style-type: none"> <li>• Romo miyi cul aber</li> <li>• Cente me tero pe</li> </ul>	<ul style="list-style-type: none"> <li>• Owilo i rwom aping</li> </ul>
Ocat me kin paco		<ul style="list-style-type: none"> <li>• Cente me tero pe</li> <li>• Cat yot dang mwonya</li> <li>• Ber pi pwonyerre kede ikweda</li> </ul>	<ul style="list-style-type: none"> <li>• Welere odl- kede adia s</li> <li>• Nok ajo arnito pyen owil nok</li> </ul>
Ocat wil atino me boma	Duki kede ot-cato ringo i kin paci	<ul style="list-style-type: none"> <li>• Romo timo biacara kare ikare</li> <li>• Wil adwong</li> </ul>	<ul style="list-style-type: none"> <li>• Romo miyo opur ngec ape tye ateni</li> <li>• Dii kede wel adia</li> </ul>
Owil ikin paci onyo Ogec-ping	Supermarket, wudi cato-ringo kede ocat atino i boma	<ul style="list-style-type: none"> <li>• Konyo imiyo jami tunu kabedo alac</li> <li>• Maro culi cutu</li> </ul>	<ul style="list-style-type: none"> <li>• Romo miyo opur ngec ape tye ateni</li> <li>• Olaro wel atek ateka</li> </ul>
Owil irwom me kampany	Jo awilo jami me cato i wel amalo kan okene nyo iyi anyim	<ul style="list-style-type: none"> <li>• Wilo adwong</li> <li>• Mio wel aber</li> <li>• Gum me bedo i wat aber pi kare alac</li> </ul>	<ul style="list-style-type: none"> <li>• Mito cat oketo i coc</li> <li>• Mito jami atye abeco, atek kede a pe-lokere</li> </ul>
Dul ape jengere ikom garmante	Cukule, dakatale, wudi-lego, kede iryonget okene ame wilo me tic kede.	<ul style="list-style-type: none"> <li>• Mio ngec atye atir</li> <li>• Romo rabo pi biacarani kan otio-iyé</li> <li>• Wilo adwong</li> </ul>	<ul style="list-style-type: none"> <li>• Wilo icel icel</li> <li>• Romo rucu wel jami icuk</li> </ul>
Jang garmente adongo	Iryongete me dongo-lobo ame owilo-gini pi proyek	<ul style="list-style-type: none"> <li>• Wilo adwong</li> <li>• Wat pi kare alac</li> <li>• Romo konyi i jami amite me pur</li> <li>• Mio order calo yore me konyo jo</li> </ul>	<ul style="list-style-type: none"> <li>• Cul ri</li> <li>• Pe cono cikere</li> <li>• Yore woto mot</li> </ul>
Owot iwang ayoc	Jang garmente atye i twer me wilo, yiko kede cato jami apura	<ul style="list-style-type: none"> <li>• Romo rabo biacara-ni kan owot iye</li> <li>• Wil bunyere bunyere</li> <li>• Romo kelo magoba adwong</li> </ul>	<ul style="list-style-type: none"> <li>• Owilo anak</li> <li>• Otye icawa anak me wil adwong</li> <li>• Wat pe</li> </ul>
Cuk i lobo aoko	Lwak awilo ka otye okato kan- okene	<ul style="list-style-type: none"> <li>• Nyuti I lobe okene</li> <li>• Magoba romo bedo adwong</li> </ul>	<ul style="list-style-type: none"> <li>• Mito rwom amalo</li> <li>• Yore bor</li> <li>• Cik a garmente maro yelo</li> </ul>



## ANNEX 17: Kit ame dwong ajami apura gudu kede cuk, wil kede wel jami



Miti ajo ikom jami mede ↑ -  
Wele mede ↑



Miti ajo ikom jami dok ↓ -  
Wel dok ↓








Dwong ajami icuk tye ↑  
- Wel dok ↓



Dwong ajami icuk tye ↓  
- Wel jami ↑


# ANNEX 18: Jami 5 aber anena icato wil

<p><b>Jami me acata</b></p>	
<p><b>Wel me cato jami apura</b></p>	
<p><b>Ka cat/cuk</b></p>	
<p><b>Rabo-jami</b></p>	
<p><b>Owil</b></p>	

## ANNEX 19, Ceko G: Mirriam cato kicere oyotoyot

1.

Miriam obedo agwok-kic ame toto-kic inge dwe adek-adek. En nwo gwoko ture naka ka jo obino wilo. Ento, ingeo dwete anak, en nwo tye agwoko kic adwong atek pien en nwongo pe romo cato oyotoyot ka en toto. Pol ajo dang pe ongeo ni en cato kic pien en nwo pe kede signpost. Owil Okene obino ento yi-gi te wang pien Miriam nwo cato kic ka i cupa me lita acel kun gin nwo omite wilo kic anak awelere nok.



2.

Iyonge en niang-ni kiccere pe tye acate oyotoyot kit ayie amito, en te moko tam me wilo gi-mako kic icayi apapat wek erom ngollo wel apapat pirgi. Man te konye anak ento kic pwod te bedo adwong en te yenyo yore me cato oko.



3.

Me cobo man, Miriam te moko tam me tero kiccere i cuk abedo i cabit-ducu i calo-gi i ceng-cabit ducu. En dang te cako nyutu kicere idog-yoo i dyeceng wek jo nen.



4.

En te yiko signpost adit me rabo-pi kiccere kede nyutu kit ame etye erabo-pire- ka ngatoro owilo kic aromo ciling 50,000, gin onwongo kic nucu lita nono. Yele man okonyo jo apol me ngeyo kop i kom kic aen tye acato eka en te cako nwongo jo apol ame tye abino me wilo kic i paco ture kede naka i cuk me cabit-ducu. En te cato kiccere ikine me kare anak iyonge tic kede diro me cat anyen.







Deutsche Gesellschaft für  
Internationale Zusammenarbeit (GIZ) GmbH

**Registered offices** Bonn and Eschborn, Germany

Friedrich-Ebert-Allee 36 + 40  
53113 Bonn, Germany  
T +49 228 44 60 - 0  
F +49 228 44 60 - 17 66

Dag-Hammarskjöld-Weg 1 – 5  
65760 Eschborn, Germany  
T +49 61 96 79 - 0  
F +49 61 96 79 - 11 15

E [info@giz.de](mailto:info@giz.de)  
I [www.giz.de](http://www.giz.de)